


6



續名醫類案卷十八

錢塘魏之琇編集

海昌王士雄孟英

定州楊照黎素園

同校

舌

張子和南隣朱老翁年六十餘歲身熱數日不已舌根腫起
和舌尖亦腫腫至滿口比原舌大二倍一外科以燔針刺
其舌兩旁下廉泉穴病勢轉凶將至顫噦張曰血實者宜
決之以銗針磨令鋒極尖輕砭之日砭八九次血出約一
二盞如此者三次漸而血少痛減腫消夫舌者心之外候

也。心主血。故血出則愈。又曰。諸痈瘻瘍皆屬心火燔針。
艾火是何義也。

元順帝之長公主駙馬剛噶勒藏慶王因墜馬得一奇疾。兩
眼黑睛俱無。而舌出至胸。諸醫罔知所措。廣惠司卿聶濟
爾乃伊囉勒琨人也。嘗識此症。遂剪去之。頃間復生一舌
亦剪之。又于真舌兩邊各去一指許。却塗以藥而愈。輟耕錄

宋度宗欲賞花。一夜忽舌腫滿口。蔡御醫用蒲黃乾薑末等
分乾摻而愈。蓋舌乃心之外候。而手厥陰相火乃心之臣
使。蒲黃活血涼血。得乾薑是陰陽相濟也。芝隱方本草綱目

仙傳外科云。有人偶舍刀在口。割舌已垂未斷。一人用雞子

白皮袋之。繆止血藥於舌根。以蠟化蜜調沖和膏敷雞子皮上。三日接住乃去。皮只用蜜蠟勤敷七日全安。若無速效。以金創藥參治之。用雞子白皮但取其軟而薄護舌而

透藥也。

本草綱目

○凌漢章治一男子病後舌吐。凌兄亦知醫。謂曰。此病後近女色太早也。舌者心之苗。腎水竭不能制心火。病在陰虛。其穴在左股太陽是當以陰攻陽。凌曰然。如其穴針之。舌吐如故。凌曰。此知瀉而不知補也。補數劑。舌漸復。故明史

何首庸治前鋒賴將軍。舌本腫出不能縮。何曰。心氣亟熱也。何久則飲食不下死矣。炙飲器灼之。腫消再投以湯劑立

愈雲南通志

龔子才治一人舌腫，舒出口外。舌者心之苗，又脾之經絡連舌本，散舌下。其熱當責諸心脾二經。經所謂熱勝則腫也。用草麻子去殼，紙裏搗出油透紙作燒燉，烟熏之。內服清利心脾之劑而愈。不外益元合導赤

一人舌青黑有刺，乃熱劇也。欲以舌貼土壁上稍可，良由思慮過度，怒氣所得。爲製一方，名清心散。服之卽效。赤茯苓、棗仁、麥冬、胡麻仁、黃連各一錢，遠志五分，木通連翹各八分，甘草三分。清水煎。

一膏梁之人患舌腫，敷服皆無效。腫之藥，舌腫勢急，與刺舌尖

及兩旁出紫血杯許腫消二更服犀角地黃湯二劑翌早復腫脹仍刺去紫血杯許亦消一二仍服前湯良久舌大腫又刺去黑血二杯許腫漸消忽寒熱作嘔頭痛作暈脈浮洪而數此邪雖去而元氣愈傷與補中益氣倍參著歸术四劑而安又數劑而愈

鄭秋官過飲舌本強腫語言不清此脾虛濕熱用補中益氣加神麴麥芽乾葛澤瀉而愈

柴嶼青治滿少司農諱兆惠內閣侍讀同在軍機處值宿患重舌腫痛問曰曾服通經散瀉火而病不除何也答曰火有諸經豈可混治誅伐無過幸汝年少未至大害診其右

關洪實。胃火特甚。時已薄暮。清胃散一服。而次早霍然。
薛立齋治一婦人善怒。舌痛煩熱。或用降火化痰藥。前症益
甚。兩脇作脹。又服流氣飲。肚腹亦脹。經行不止。此肝虛不
能藏血。脾虛不能攝血。而前藥復傷也。用加味歸脾湯。加
五味子而愈。

學士吳北川過飲痰壅。舌本强硬。服降火化痰藥。痰氣益甚。
肢體不遂。薛作脾虛濕熱治之而愈。

二守韓宗器不慎起居。舌脹如菌。痰涌便秘。服荅連二陳之
類。脈浮而數。欲針出血。薛謂此足三陰虧損之症。且有形
而不痛者。陽之類也。法當峻補其陰。毋損其血。況虛浮之。

脈平。遂朝補脾肺。夕滋腎肝而愈。後因大勞。面目俱赤。遍身搔痒。時已仲冬。曰大熱而甚寒之不寒。是無水也。乃用制火壯水之劑而愈。

搖城金允文舌脹吐痰反服降火化痰針刺出血便秘痰甚。診之左尺關洪數右寸關弦數。用滋腎水。生肝血。益脾胃之劑。諸症少愈。因近火頭面赤身癢。六脈弦數。薛謂此水竭火升之象。難免於春二月矣。於次年清明日果卒。

大尹王汝鄰兩足發熱吐痰如涌。左尺數而無力。此足三陰虛。彼反服四物。陳知柏之類。喉舌作痛。又服清熱敗毒之劑。其舌如赤桃。脈洪數而無力。此肺脾弱。腎經虧甚。虛

火上炎。水泛而爲痰也。當滋化源以生腎水。遂用補中益氣湯。六味地黃丸而愈。

○李莫安撫內子夜半忽不能言。燭之乃舌下生一舌。急取外臺一方。用新真蒲黃、羅細末敷之。如此五七次即愈。須吐去再敷。百乙方

○標本上三有人自行被擗。穿斷舌心。血出不止。以米醋用雞翎刷所斷處。其血即止。仍用真蒲、杏仁去皮尖、鵬砂少許。研爲細末。煉蜜調藥。稀稠得所。噙化而安。得效方

○馮楚瞻治李工部。一日忽發熱。牙牀腫爛。舌起大泡。白胎甚厚。疼痛難忍。或用清解之藥。口舌腫爛益甚。數夜不寐。精

神恍惚，狼狽不堪。其脈兩關尺甚微，惟兩寸稍洪耳。曰龍
雷之火亦能焚草木，豈必實熱？方使口舌生瘡乎？蓋脾元
中氣衰弱，不能按納下焦。陰火得以上乘，奔潰腫爛。若一
清胃中氣，愈衰陰火愈熾。急爲溫中下二焦，使火有所接
引而退舍矣。乃用白朮八錢，炮薑三錢，溫中爲君。炒麥冬
三錢，清上爲臣。牛膝三錢，五味一錢，下降歟納爲佐。附子
一錢五分，直煖丹田爲使。如是數劑，精神漸復。腫者消而
人臣伏佳。

瀆者愈矣。

來選入

一人無故舌縮不能言。用芥菜子研末，醋調敷頸項下，卽能
言。服清脾降火等湯，再用紫雪冰片散吹之而安。

錢國賓治板橋李氏僕劉二與租房之婦私年餘不收其租一日主人算賬無抵劉一坐逼婦恨將劉舌咬下一寸延視根腫滿湯水不下製金瘡藥用敗龜板燒烟帶黑色一兩血竭一錢水片三分共末繆上血痛俱止腫尙未消其人昏昏不省夢關帝示以半紅半白雞豆大藥一粒用無根水吞汝卽生矣驚覺難言討筆書衆人方知自是其腫漸消可灌飲湯至於薄弱其舌長完比前大小一樣日服參耆歸木湯愈

蔣仲芳治一同學年二十餘患腮腫醫以清涼散火之劑一夜舌忽腫塞口命在須臾叩門求救診其脈微細而數

大便四五日不行矣。微數雖屬虛火而便結又已屬實。乃用百草霜吹舌上。內用酒蒸大黃五錢。肉桂一錢。引火下行。一劑而愈。

咽喉

李王公主患喉癰。數日腫痛飲食不下。纔召到醫官。言須針刀開口。方得潰破。公主聞用針刀。哭不肯治。痛逼水穀不入。忽有一草澤醫曰。某不使刀針。只用筆頭蘸藥。癰上霎時便潰。公主喜。遂令召之。方兩次上藥。遂潰出膿血一盞。餘便覺痛減。兩日瘡無事。今傳其方。醫云。乃以針繫筆心。

中輕輕畫破腫處乃潰散耳。

名醫錄法

此與舊案死九思凡喉病當用針者此法

甚妙故

首錄之

元祐五年自春至秋祁黃二郡人患急喉痺十死八九速者半日一日而死黃州推官潘昌言得黑龍膏方救活數千人其方治九種喉痺用大皂角四十梃切水三斗浸一夜煎至一斗半入人參末半兩甘草末一兩煎至五升去渣入無灰酒一升盃煤二匙煎如餳人瓶封埋地中一夜每用溫酒化下一匙或掃入喉內取惡涎盡爲度後噙甘草

數片

本草綱目

孫兆治文潞公一日喉腫翰林咽喉科治之經三日愈甚上

召孫治之。孫曰：須得相公判筆一管去筆頭，水沾筆點入喉便愈。孫隨手便刺相公昏仆，不省人事。左右皆驚愕流汗。孫曰：非我不救相公，須臾更嘔出膿升餘，旬餘乃平復如故。見上上喜曰：孫兆良醫，甚有手段。卽前草澤醫針法

孫押班治都知潘元從喉閉，孫以藥半錢吹入喉中，少頃吐出膿血立愈。潘詣孫謝曰：大急之患，非公不能救。救人之急，非藥不能療。贈金百兩，願求方以濟非常之急。孫曰：用猪牙皂角、白礬、黃連各等分，置新瓦上焙乾爲末，卽授以方。不受所贈。萬病回春其方已見舊案

七
喉風方

一寶材治一人患喉痺，痰氣上攻，咽喉腫塞，灸天突穴五十

壯即可進粥服薑附湯一劑卽愈此治肺也

一人患喉痺頤頷粗腫粥藥不下四肢逆冷六脈沉細急煥
關元穴二百壯四肢方暖六脈漸生但咽喉尚腫仍令服
黃藥子散吐出稠痰一合乃愈此治腎也

一人患喉痺六脈絀爲炙關元二百壯六脈漸生一醫曰此
乃熱症復以火攻是抱薪救火也遂進涼藥一劑六脈復
沉咽中更腫醫計窮用尖刀于腫處刺之出血一杯而愈
蓋此症忌用涼藥。夜見寒則凝故用刀出其肺血而腫亦
隨消也。

張子和治一婦人病咽喉腫塞漿粥不下數日腫不退藥既

難下針亦無效。以當歸荆芥甘草煎使熟漱之。以冷水拔其兩手。不及五六日痛減腫消。飲食如故。咽喉之病甚急。不可妄下針藥。

婁全善治一男子喉痺於大溪太溪刺出黑血半盞而愈。
由是言之。喉痺以惡血不散故也。凡治此疾。暴者必先發散。發散不愈。次取痰不愈。又次取汚血也。

薛立齋治一婦人。咽間作痛。旬餘突腫如赤楊梅狀。兩月後始潰而不歛。遍身筋骨亦痛。諸藥不應。此時行楊梅瘡也先以土蘿薢湯數劑而歛。更以四物湯倍加土茯苓黃芪二十餘劑。諸症悉愈。

薛立齋治甫田史侍衛患喉閉以防風通聖投之腫不能嚥此症須針乃可。奈牙關已閉。遂刺少商穴出血。口即開。更以膽磬吹患處。吐痰一二碗許。仍投前藥而愈。常見患此病者畏針不刺。多斃。此筆頭藏針之法爲至妙也。少商穴在手大指肉側去爪甲角葉許。

薛立齋治于縣尹喉痺腫痛寒熱。此手少陰心火足少陰相火二經爲病。其症最惡。惟刺患處出血爲上。因彼畏針。先以涼膈散服之。藥從鼻出急乃願刺。則牙關已緊不可刺。遂刺少商二穴。以手勒去黑血。口即開。乃刺喉間。治以前藥及金鎖匙吹之頓退。又以人參敗毒散加芩連元參牛

旁四劑而平。經日火鬱發之。發謂發汗。出血乃發汗之一端也。涼膈散。連翹大黃芒硝甘草黃芩薄荷梔子。

廷評張汝翰患喉痛。日晡益甚。此氣血虛而有熱。用八珍湯而愈。後每入房發熱頭痛。用補中益氣湯加麥冬五味。及六味丸常服。後不復作。

一儒者三場畢。忽咽喉腫閉。不省人事。喘促痰涌。汙出如水。肢體痠軟。脈浮大而數。此飲食勞役無度。虛火上炎。用補中益氣加肉桂。一劑頓甦。上盛下虛者此方不可輕用

李通判咽喉腫痛。口舌生瘡。此上焦風熱。先用荆防敗毒散。二劑。喉瘻漸愈。又以元參升麻湯。口舌遂愈。

孫文垣治姪婦下午喉腫近來痰多暈厥一日二三發頭痛面赤素未生育左脈弦大右寸關滑大有力以荆芥薄荷甘草桔梗元參僵蚕柴胡枳壳竹茹貝母水煎連進二劑其夜得睡惟背脹怔忡痰猶不清面多熱用黃芩枳壳甘草桑白皮地骨皮天花粉元參前胡半夏麴橘紅山梔調養而安

張景岳治王蓬雀年出二旬患喉痺十餘日頭面浮大喉頭粗極氣急聲啞咽腫口瘡痛楚之甚一婢倚背坐而不卧者累日矣察其脈則細數弱微之甚問其言則聲微似不能振者所服皆芩連梔桔之類此蓋傷陰而起復爲寒涼

所逼致寒甚于下格陽于上水飲難入而尤畏煩熱張口
危哉少遲半日必不救矣遂與鎮陰煎以涼水頓冷徐徐
使嚥之一服頭頸腫痛盡消繼用五福飲之類數劑而起
來宅婦年近三旬因患虛損更兼喉癬疼痛多醫罔效脈數
而無力大便溏瀉所服皆清火退熱之劑而喉愈痛知其
本非實火多用寒涼肚腹復不竇亦隔陽之類也以理陰
煎及大補元煎之類出入間用不半月而喉痛減不半年
而疾全愈

景岳在燕都嘗見一女子年及笄于仲秋時無病而喉竊緊
嚙息難出入不半日緊嚙愈甚診其脈無火也問其喉無

腫無痛也。面清目瞪。不能語。其聲之細如針。息之審如綫。
伸頸掙命。不堪之狀。甚可憐也。虛症侯絕非外症能以左歸合生脉投之尚可生。

心疑之。不得其解。意謂風邪閉塞口竅。非辛溫不解散。遂

以二陳湯加生薑

噫下愚之

毫忽無效。意欲用獨參湯。以

救其肺。

葉天士曰。若肺氣竭絕。必自汗氣喘。此是閉塞關竅不通而死。用人參則愈。閉其氣焉得不死。景岳立言害人不淺。

然見其勢危若此。恐惄謗怨懨。終亦未敢下手。他醫

見之。亦束手而已。

此輩寧可效耶。

竟一日夜而歿。後又一人亦如

此而歿。若此二人者。至今莫識其所以病此。終身之疑竇

殊自愧也。然意其必肺氣竭絕。而然倘再值此。恐非獨參

湯。決不能救。筆之以俟後之君子。

按丹溪云。咽喉腫痛。有陰虛陽氣飛越。痰結在上。脈必浮大重取。必濶去死爲近。宜人參一味濃煎。細細飲之。如作實症治之。禍如反掌。觀此丹溪之學。何可薄哉。傳忠錄之言。九原有知。宜滋媿矣。

葉天士曰。鎖喉風。杜撰立名也。病有閉症。脫症。閉症者。氣道閉塞。關竅不通而死。脫症者。大汗大吐大瀉。虛脫而死。閉症當以開通關竅爲急。脫症當以補虛收斂爲要。卽如此女之病。乃閉症也。夫女子善懷。性執抑鬱者多年。已及笄。未免有難出諸口者。憤悶抑鬱。肝氣不得疏泄。決非一日。交秋令則肝氣愈斂。或食生冷。或受寒涼。鬱過肝氣。肝性

促急觸而暴發。上干心肺之竅。口不能言。無腫無痛。見面色之青者。知其爲肝病也。經云。暴病暴死。皆屬於火。火鬱於內。不能外達。故似寒症。關竅閉塞。經絡不通。脈道不行。多見沉滯無火之脈。此時治法。惟用紫金丹。以淡薑湯磨。灌。則關竅必開。因內有麝香通竅也。開口之後。然後用二陳加石菖蒲鬱金枳壳香附之類。降之視爲脫症。用參。此雪上加霜耳。凡治難明之症。必有至理焉。故不得不爲之細辨。景岳自恃絕世聰明。毀謗前賢。今遇此等症。束手無策。毫無見識。而竟以獨參湯議補。何得謂之明理乎。余在新場鎮閔介申家。彼一僕婦。在閔若舟家爲乳母。年滿歸。

家適屆中秋往彼候安。因食梨藕生冷一時喉間鎖定不能出聲。不知病癢。手足冰冷面色白而青。脈息沈伏。藥不能進。余以前法治之而安。蓋因鬱怒又食生冷而起也。又裁衣費姓之女。年已二十外未嫁。忽然仆倒。手足冰。面色青。無痰聲。不開口。脈息伏。亦用紫金丹。開口進藥而愈。如此症者甚多。凡遇不開口無痛楚。忽然而起者。先以開導。關隘爲第一。著語言得出可以得生。若認爲虛。妄用人參。無宥不死者。附太乙紫金丹方。山慈姑川交蛤各二兩。紅芽大戟白檀香蘇合油各一兩。五錢。千金紫霜一兩。飛淨明雄黃琥珀各五錢。冰片麝香各三錢。右十一味。各研極。

細末再合研勻濃稠米飲。杵丸如綠豆大。外以飛淨辰砂爲衣。此方治濕瘟疫癘之邪。瀉漫薰蒸。神明昏亂。及霍亂吐瀉。痧脹腹痛。水土不服。嵐瘴中惡等症。兼解諸毒。薛一瓢云。比蘇合丸而無熱。較至寶丹而不涼。兼太乙丹之解毒。備二方之開閉。洵仙品也。雄按今世上所行太乙丹藥品。龐雜燥熱。惟風餐露宿藜藿寒濕爲病者服之頗宜。若一概施之誤人匪淺。

楊乘六治房氏子年近三十。病咳嗽。午後稍安。醫作傷風。連進芎蘇十神等劑。咽喉腫。痰涎上涌。更醫則以爲喉痺也。猛用芩連苦寒之劑。熱益甚。喉益閉。氣喘如鋸。不寐不食。

危症悉具。脈之輕按滿指。兩尺更覺有力。面油紅。其舌枯黑。其唇焦燥生皮。其氣自膀下衝上。此腎水不足。六味症也。乃不壯水之主。以制陽光。反用風燥以刦其陰。煽其火。致痰涌咽閉。復用苦寒以傷之。病劇而危。又何怪乎。遂與都氣飲一劑。喘息定。而熟睡。醒則腫痛痰涎已減。飲食漸加。繼用六味合生脈歸脾。加白芍。間服月餘。咳嗽亦愈。

吳氏婦。兩目赤腫。上連太陽。下及肩胛。雜用荆防。辛芷之屬。赤障如膜。目痛轉盞。口燥唇乾。喉中如烟火。上沖。室塞不通。利重以苦寒之劑。生冷之物。遂至咽喉腫閉。點水難吞。勢甚急脈。之兩尺浮而軟。兩寸洪而旺。兩關緊而細。舌見

紫色上加微黃而胖。診間聞一嫗云。昨日尙喫大柿數枚。今水不能下咽。縱有仙丹。奈喉嚨作壩。何得此數語。益悉腫閉之故。爲想一進藥之法。卽令老嫗取磚一塊。投火煅熟。夾布數層。熨於氣海。妙法可師頃之。覺滿腹溫和。試以米湯可嚥矣。遂與附子養榮湯。服後。卽睡至晚。腫閉如失。蓋此本由肝脾虛火上冲。妄用發散。火得風而愈熾。重以苦寒生冷。致下焦益寒。火不能下歸。壅逼于上。而爲腫閉。故溫補一劑而愈。

馮楚瞻治何太學。咽喉口舌腐爛而不疼。胸膈脹閉不寐。食脈之左寸。觸弦洪搏。指右寸。關沉微欲脫。乃平時勞心。

惱怒以致內傷身熱。醫候發散。乃見紅點。認爲麻疹。更用清涼解
疎解。清托。遂困倦益甚。頰內腫硬。疑爲疹毒。更用清涼解
毒。干是脹悶不堪。疼痛欲絕。蓋勞傷發熱。原係中氣不足。
誤發散而榮氣逆行。乃爲斑點。復誤清解。致陰火上浮。齒
頰爲腫。又謂疹毒。益進寒涼。清解脾胃。愈虛元氣。愈損。干
是咽嗌腐潰成穴而不疼。如物失天日。照臨易爲腐壞。名
爲陰爛。非若陽火衝擊。爲腫爲痛也。以熟地一兩二錢。炒
白术。麥冬二錢。五味八分。製附子一錢五分。二劑。脹減睡
安。改用人參二錢。棗仁二錢。熟地四錢。當歸一錢五分。牛
膝。麥冬各二錢。五味六分。肉桂八分。薑棗煎二劑。神爽思

食咽喉如痛。此陽和已轉。如凍解而水活。故知疼也。外用銅青三錢。煩人中白二錢。牛黃一分。冰片二分。麝香一分。研極細。少許吹之。涎痰涌出。再吹再流。不日而愈。

吳孚先治柯子寧。患咽喉齒痛。脈沉細足冷。大便泄瀉。此腎虛。龍火飛騰。欲用金匱腎氣。彼疑火症。恐桂附不合。或以石膏連翹苦寒進之。其病尤甚。復求治。用前方一劑減二

劑痊

凡咽喉初覺壅塞。一時無藥。以紙絞探鼻中。或嗅皂角未噴嚏數次。可散熱毒。仍以李樹近根磨水塗喉外。良愈。菽園
襟記

金陵黃泥巷楊馬軍治咽喉。挾法以中指蘸藥少許。干喉中。

用力一槍腫處出血并痰涎隨卽能下湯水絕妙卽前用

針刺之意藥恐僞也

治法

彙

陸養愚曰、郁仲開室人、王子年忽患咽喉阻塞、湯水不入、六脈平和、身無寒熱、但氣逆喘滿、晝夜不眠。雄出此瘀血阻隔之證其人必多鬱怒脈反平和者氣機空滯而流行自緩也苟不予以吐出卽爲關格亦有阻于咽而飲水卽嘔者

諸君俱作痰治藥到卽吐強嚥一口、面色紫脹、氣窒睛突、躁亂靡寧、狀如發狂、嘔盡藥汁、則畧可投牛黃亦不納、疑受暑與新汲水亦如之、又與淡、姜湯蘇合丸、重捺內關、俱無一效、經七八日、或云脈不病而症如是、乃關格也、今藥不下咽、雖靈丹亦無如之何矣、兩日後驀然鼻聞鰣香、遂

作湯與之。甫吞半盞。嘔出紫血數塊。胸膈頓寬。節飲米飲。
漸進稀粥。守之數日不藥而愈。可謂奇症。書之以俟教。

薛立齋治一婦人。產後喉痛。服清熱等劑益甚。此膀胱經血
虛也。蓋膀胱之脈上行至喉而還。用八珍湯加丹皮柴胡。
酒炒黑黃柏二劑而愈。

孫真人曰。咽中帖帖。如有炙肉吐之不出。吞之不下。噙生薑
片五十日愈。以意逆之。當是寒傷經絡。氣血不和。浮于咽
中。婦人血分受寒。多積冷氣。故有此症。予用破棺丹噙化
頻咽之。曾治數人多效。蓋喉者候也。喉出天氣。咽者嚥也。
咽出地氣。故喉爲呼吸之路。乃穀食之路。其或憂思內結。

風冷外侵。痰氣隔塞。逆于喉嚨。妨碍飲食。久而成翻胃噎

膈症者。有之矣。

葉杏林
女科

婁全善曰洪武戊辰春鄉村病喉痺者甚衆蓋前年終之氣
二火之邪也。予累用甘桔湯加黃連半夏僵蠶牛蒡等劑
發之挾虛者加參芪歸芍輩水漿不入者先用解毒雄黃
丸醋磨化灌之喉痰出更用薑汁灌之却用上項藥無不
神效若用膽礬等酸寒點過者皆不治蓋邪鬱不出故也。
陳自名治一男子喉痺水漿難下又一男子纏喉風痰涎涌
盛與神仙追毒一粒並痊。

方見
蟲門

薛立齋治一男子咽痛而脈數以荆防敗毒散加芩連二劑

少愈乃去芩連二劑而愈

一男子咽喉腫閉牙關緊急針不能入先刺少商二穴出黑
血口卽開更針患處飲清咽利膈散一劑而愈大抵吐痰
針刺皆有發散之意故效此症不用針刺多致不救

一婦人咽喉腫痛大小便秘以防風通聖散一劑諸症悉退。
又荆防敗毒服三劑而安此症輕則荆防敗毒吹喉散重
則金鑰匙及刺患處出血最效否則不救針少商二穴亦
可不若刺患處之神速耳。

一男子咽喉腫痛數日實以涼膈散一劑而痛止以荆防
敗毒散加牛蒡子二劑而腫退以荆防敗毒散又以甘桔

荆防元參牛蒡四劑而平。

一男子咽喉腫閉痰涎涌甚以膽礬吹咽中吐痰枕許更以清咽利膈飲四劑而安。

一男子咽喉腫痛藥不能下針患處出紫血少愈以破棺丹噙之更以清咽消毒散服之而愈。

一男子咽喉乾燥而痛以四物湯加知柏元參四劑少愈更以人參固本丸一劑不再服。

一男子咽痛午後益甚脈數無力以四物湯加知柏荆防四劑而愈仍以前藥去荆防加元參甘桔數劑全安。

一弱人咽痛服涼藥或遇勞愈甚此中氣虛熱以補中益氣

湯加芩連四劑而愈。乃去芩連，又數劑不再發。常治午後痛，去芩連加知母、黃柏、元參亦效。

一男子乳蛾腫痛，脈浮數，尙未成膿。針去惡血，飲荆防敗毒散二劑而消。

一男子乳蛾腫痛，飲食不入，瘡色白，其膿已成。針之，膿出而安。

一男子嗌癰腫痛，脈浮數，更沉實。飲防風通聖散一劑，瀉一次，勢頓退。又荆防敗毒散二劑而消。

一男子咽喉腫痛，欲針之，以泄其毒。畏針，止服藥。然藥既熟，已不能下矣。始急針患處，出毒血。更以清咽消毒藥而愈。

一患者其氣已絕。心頭尚溫。急針患處。出黑血。卽甦。如鮑符卿喬侍衛素有此症。每患皆以出血卽愈。大抵皆因火爲患。其害甚速。須分緩急。及膿成否。若腫閉及壅塞者死。在反掌之間。宜用金鑰匙吹患處。吐出痰涎。氣得通。卽甦。若吐後仍閉。乃是惡血或膿毒爲患。須卽針患。否則不救。前人云。治喉閉之火。與救火同。不容少待。又云。走馬看喉。閉信夫。治喉之方固多。惟用針有回生之功。

一男子咽喉作痛。痰涎上壅。欲治以荆防敗毒。加連翹山梔元參牛蒡。彼自服甘寒降火之藥。反加發熱。咽愈腫痛。急刺少商二穴。仍以前藥加麻黃汗之。諸症並退。唯咽間一

紫處仍痛此欲作膿以前藥去麻黃一劑膿潰而愈凡喉
痛之疾治之早或勢輕者宜用荆防敗散以散之遲或勢
重者須刺少商穴瘀血已結必刺患處亦有刺少商者咽
雖利而未全消者必成膿也然去卽安若有大便秘結雖
輕針刺去血必當以防風通聖散攻之甘寒之劑非虛不
宜用

一癰婦咽間如一核所鍼嚥世不出倦怠發熱先以四七湯
治之而咽利更以逍遙散又一婦所患同前兼胸膈不利
肚腹膨脹飲食少思睡卧不安用分心氣飲並愈。

秋官葉素陰虛因怒忽喉腫寒熱頭痛項強目直小便自出

此皆肝火之症。肝主筋膜。火主腫脹。火旺則血涸。筋蠻則緊急。頸項如拔陰挺。瘦痺則小便自遺。遂刺患處出毒血。用四物柴胡山梔元參甘草而甦。再用六味丸料以生肝血滋腎水。諸症悉愈。

太守葉咽喉腫痛。痰涎不利。手足發熱喜冷飲食。用清咽利膈湯二劑不應。刺少商穴。喉少寬。痰從鼻出如膠。患處出紫血稍寬。五七日咳出穢膿而愈。

義士顧克明咽喉作痛。至夜發熱。此肝腎陰虛之熱。用四物加酒炒黑黃柏知母麥冬五味治之而愈。後因勞咽喉腫。閉刺患處出血。用桔梗湯吐痰而消。至仲夏乾咳聲嘶。作

渴發熱。日晡作熱用滋腎丸加減八味丸。間服三月。餘毒其年富謹疾得愈。

通府李朝用咽喉腫口舌生瘡。此上焦風熱先用荆防敗毒散二劑。喉痛漸愈。又以元參升麻湯。口舌遂愈。

地官黃北盤咽喉痛作悶飲冷大便不通。此上下表裡實熱。用防風通聖散治之頓愈。

地官胡誠甫咽喉作痛。此腎經膀胱虛熱。四物加知柏元參四劑少愈。更以人參固本丸一劑不復發。

職方盧抑齋咽喉腫痛。兩目矇昧。小便赤色。此膀胱濕熱。用四苓散加知柏黃連茵陳防已。治之頓愈。又用六味地黃。

丸而痊

儒者王文遠咽喉腫痛口舌生瘡勞則愈盛此肺脾氣虛膀胱有熱以補中益氣加元參酒炒知柏稍愈乃去知柏加

山藥山萸乃痊

一儒者脚發熱則咽喉作痛內熱口乾痰涎上涌此腎經虧損火不歸經用補中益氣加麥冬五味及加減八味丸而全愈。

一老人咽喉痛小便數而赤日晡尤甚此膀胱陰虛當滋化源以補中益氣加酒炒黑知柏四劑咽痛稍可乃去知柏。

加山萸山藥麥冬、五味頓愈。

一男子素善飲。咽喉作痛。內熱作渴。小便不利。飲食如常。此膀胱積熱。用四苓散加茵陳大黃。四劑。諸症漸退。又用清心蓮子飲而安。

一星士勞而入房。喉痛漸閉。痰涎上涌。四肢乍熱。此陰虛陽氣飛揚。用補中益氣加附子煎灌而愈。

憲副姜時川癸卯冬就診。右寸浮數有力。口中有瘡。曰此火力傳于肺也。當薄滋味。慎起居。甲辰秋復就診。尺脈數而無力。曰此肺金不能生腎水。宜靜養以滋化源。彼云今耳內及喉間不時燥痛。肢體不時發熱。若無根之火。殞無疑矣。謂劉古峽云。立齋謂我之病可疑。至乙巳孟春。古峽謂薛

曰。姜公之病。已如尊料。遂同往視。喉果腫潰。脈愈洪大。或用瀉火之藥。反速其歿。

雲間吳上舍年逾五十。咽喉腫痛。或針出血。神思雖清。尺脈洪數。而無倫次。按之微細。如無。曰有形而痛。陽之類也。當峻補其陰。今反傷陰血。必死。已而果歿。蓋此症乃腎氣虧損。無根之火。爲上患。惟加減八味丸。料煎服。使火歸源。庶幾可救。

馬元儀治任采之咽痛二年不愈。診其脈虛中兼濇。此因勞鬱傷中氣。偏虛者。火偏盛也。火性上炎。必傷及肺。肺既不受脾中生生之氣。反爲壯火所熏灼。其津液虧損。不能下。

灌靈根可知。則下焦陰火不能蟄藏。并可知矣。壯火虛火兩合爲虐。故延久不愈。治法當先解鬱熱於上。次納浮火于下。病雖久可愈矣。用紫菀乾葛杏仁蘇子前胡桔梗甘草。兩劑而脈已透。再用人參石斛炙草半夏麴橘紅黃連肉桂等。四劑而咽痛頓除。再以人參七味丸治之全愈。

沈氏婦體豐而多勞鬱時覺喉痒。如蟲行皮中。經五六載不愈。兩脈浮虛而沉濇。此陽明氣血不榮。火動生風之候也。陽明之脈。起于鼻。交額中。下循鼻外。挾口環唇。循頰車上耳前。其支者。從大迎前下。人迎循喉嚨入缺盆。今者血虛風熾。是諸脈不爲血養。而爲風所淫矣。風勝則乾。風行則

動然治法不當治風。而當治血。蓋血足而風自息也。用生地黃製首烏。天冬爲君。以滋陽明之血。秦艽白蒺藜甘菊爲臣。以清陽明之風。佐以蘆根汁。蔗漿甘寒氣味。以滋燥養陰。調理二月而愈。

周子固治趙鶴皇妻。病咽乾水漿不能下。衆醫盡愕。周叩以平生所最嗜獨鷗渤海。卽命烹飪進之。授以匕箸。入口無所苦。已而食進。病如失。丸靈三房集

李襄興稱武德中出鎮潞州。許人甄權以新撰明堂示予。時有刺史成君綽。忽腮頸腫大如升。喉中閉塞。水粒不下。三日矣。予屈權救之。鍼其右手次指之端。如食頃。氣息卽通。

明日飲啖如故。千金翼按銅人云少商穴在手大指端內側。

去爪甲角如菲葉今成君綽頤領腫大如升甄權針之立愈病狀少異功効實同李云刺指端銅人云大指端未知孰是果針少商當在大指端也姑兩存之以俟識者資生經說

鄭惟康主簿嘗苦喉閉雖水亦不能下咽灸三里穴而愈醫說

續編

吳內翰備急方云余常苦咽喉腫痛用白僵蠶直者不拘多少炒爲末以生薑自然汁調服一錢匕甚效葛彥恢提舉閩中曾患喉痺五八主簿用此方治之卽安一方調下二錢未通半時許再服立通吐出頑痰別將大黃一塊慢火

炮熱打撲盡灰。如一米厚切片。以兩指大一片。口含汁嚥之。一食頃再換一片。或患人語不得。及自嚥不下。卽扶起靠斜仰坐。令人呷藥在口。以筆管注入鼻中。男左女右。藥訖隨卽扶令正坐。須臾吐痰涎。不卽扶起。恐自鼻中出也。

吐了舍嚥大黃如前

百乙方

治急喉閉口開不得者。右以黃蠟紙裹巴豆一箇。如患人鼻孔大小中切破。急以塞鼻。氣衝入喉中自破。已覺通利。卽除去。濠守王亞夫方。巴豆去壳拍碎。以棉裹。隨左石納鼻中。卽吐出惡物。後鼻中生小瘡。亦無害。

同上

治喉痛至危困。以手用力拔頂心髮。亦通無髮者。撮頂心皮。

劉大夫得此方未試忽一卒苦喉痛不能言亟去其巾乃患酒禿卽以意令人用力撮頂心皮遂安是齋方

修仲淳治纏喉風卽喉瘻也試通有驗方明礬三錢巴豆去殼七粒溶礬入巴豆燒至礬枯去巴豆研細吹入喉中流出熱

涎卽開廣筆記

馬銘鞠治倪仲昭患喉瘻邑中治喉者遍矣漸漸腐去飲食用粉麵之爛者必仰口而咽每泣數行下馬曰此非風火之毒也若少年曾患徽瘡乎曰未也父母曾患徽瘡乎曰然愈三年而得我乃謂此必誤服昇藥之故凡患此瘡者中寒涼輕粉之毒毒發於將瘳昇藥之毒毒發於愈後所

生子女。毒深者。且延及於孫若甥。倘不以治結毒之法治之。必死。以甘桔湯爲君。少入山豆根龍膽草射干。每劑用土茯苓半觔。濃煎送下牛黃二分。半月而痊。竟不用吹藥。旣而云父母病時。果服丸藥而痊。後曾口碎。非昇藥而何。今醫家恬然用之。不曉其中毒之深。故特明其說。廣筆記

薛立齋治杜舉人。喉咽腫痛。口舌生瘡。先以清咽消毒散二服。更以元參升麻湯而愈。

一男子年三十餘。口舌常破如無皮狀。咽喉作痛。服清咽利膈散愈。以理中湯用之而愈。

一婦人肥甚。暑熱咽喉痛腫甚。痰涎上壅。語聲不出。甚危。用

斜刺毒血次以金鑽匙吐去稠痰五六椀以清咽利膈湯。

一服腫痛少減去硝黃又服而安。外科正宗

蕭萬輿治王氏婦喜啖辛辣季夏病胃咽痛脈洪滑微數以

甘桔湯加芩連瓜蔞元參兩劑卽痊。

都閩連擎天之丙季秋患肺經風熱咽痛脈浮洪有力以金

沸草湯加牛蒡倍甘草一劑而痊。

庠友鄭能仁孟冬患風痰上壅咽痛初治數劑增劇察其六脈浮弦無力以補中益氣湯加膽星肉桂兩劑而愈痰壅

如失。

王氏少婦季春患肝經鬱火上升咽痛治不瘥以逍遙散加

牛蒡桔梗黃芩香附二劑而痊。

王洪緒治一壯年新婚百日妻歸寧匝月方回值酷暑房後多扇取涼五鼓時喉痛氣逆寒熱交作問之則曰日前喉間畧有微痛今則脹痛腫盛視其小舌腫如胖人母指知爲心腎虛火并慾後經風風火兩閉之候若用發表虛上加虛若投寒涼風火被遏乃以前胡蘇子連翹元參赤芍浙貝甘桔煎服立愈同上

無錫鄭氏婦年可三旬五月望日下午腹饑正取麵食舉筋忽喉痛難咽一醫以射干赤芍翹芩花粉牛蒡煎服卽痰涌聲嘶詢知驟起因服涼藥增劇此陰寒無疑也但痰塞

滿口難以進藥。卽取鵝翎蘸桐油厘許入喉一捲隨出痰升許。以肉桂炮薑生甘草五分入碗內以滾水沖浸。仍頓湯中。以匙抄嚥一口。病者卽云好了。連呷三四口。卽起說饑。問飯可喫否。曰食粥最宜。同上

蔣仲芳治一友。始而牙痛。既而咽腫。醫投涼藥。痛轉甚。診其脈沉細。大便一日二三次。曰浮火上升也。其足必冷。察之果然。以金匱腎氣料作湯與之。服完卽睡。覺來病如失。

劉雲密治一女子。年五旬。素因血虛生熱。血化風。患遍身疣瘡。經年未痊。久之少陽相火并於陽明。而患喉癰。其勢暴盛。喉中陡似搔痒。作噦氣上而嗜血。泡繢繢上腭。一泡大

如雞卵口塞不能合氣壅上更急少頃泡盡破血射如注
其口皮盡脫喉皆潰爛紅腫異常痛不可忍且滿口痰涎
如羹如糊蓋熱壅於上而大傷寒氣也用養陰退陽活血
祛風兼以止痛之劑緣湯藥難吞爲末或吹或點諸症漸
退然潰處肌未生痛未止因皮破致時時作嗽而血隨出
乃於吹口藥中入白芨磨漿合丸如芡實日夜噙仗遂愈

葉天士治楊某志病陰氣走泄爲虛穢濁上受則實咽喉腫
痺上竅蒙閉日暮昏煩陰傷火熾肌膚柔白氣分不足醫
治雖宜涼解清上但不可犯及中下連翹鬱金馬勃牛蒡
竹葉心黑山梔杏仁橘紅

艾某上焦之病。都是氣分氣窒。則上下不通。而中宮遂脹熱。
氣蒸灼喉舌。瘡鰓清氣之中。必佐解毒銀花二錢。川貝三
錢。馬兜鈴五分。連翹心一錢。半川通草一錢。白金汁一杯。
活水蘆根汁半杯。

王某咽喉痛癉。發時如有物阻隔。甚至痛連心下。每晚加劇。
是陰液日枯。肝臟厥陽化火。風上灼法。以柔劑用甘。以緩
其急耳。細生地。天冬。阿膠。生雞子黃。元參。心穌。稻根鬚。

徐靈胎曰。此症喉中必有細燥生成。不但氣分窒癉也。
非膠藥無功。又曰。凡病屬於經絡臟腑者。皆煎丸之所
能治。一屬形體及九竅。則屬有形之病。實有邪氣凝結。

之處藥入胃中不過氣到耳安能去凝結之邪故煎丸
之功不過居其半若欲速效必用外治之法可以應
手而愈博考方書屢載秘法自能得之外治之法上古
所鮮聞因其用針灸之術通神人妙何必外治此則外
治之最者也後世針法不傳於是乎以藥代針而多外
治之法若針灸既廢而外治之法亦不講則天下之病
即使用藥的當祇能愈其半耳其外症之必須外治者
竟無愈理此亦醫道之一大關也後之學者須知之

裴兆期治一人咽喉痛不能飲食時作時止者半歲吹喉消
痰降火藥咸罔效裴診之兩寸洪大而虛尺部虛而無力

兩足喜暖畏寒口喜冷飲甫下咽旋越去此下真寒上假
熱也。治當從其性而伏之用八味丸料加炒黑乾薑水煎。
人青盐少許爲向導冷而與之三劑而愈。

錫類散治爛喉瘍象牙屑焙、廉珠各三分飛青黛六分梅

花冰片三釐壁錢二十個

勿用木板上者

西牛黃人手指甲男病用女

女病用男各五釐共研極細未吹患處兼治乳蛾牙疳舌腐等

症

萊菔菜於初冬攤瓦屋上或掛樹上任其風吹日晒雨洗
霜凌直至立春前一日收下懸掛簷下有風無日處久久
愈佳一切喉症煎濃湯服立愈兼治痢疾

廣筆記治火上升。有痰留滯喉間。如有核且法宜降氣清火。用蘇子研一錢。橘紅二錢。貝母三錢。天花粉三錢。茯苓三錢。麥冬五錢。白芍酒炒三錢。黑連翹一錢。五分黃柏蜜炙一錢。五分味子一錢。打碎水煎加竹瀝服之。

瘡

盛用敬診道士顧本初病失音。醫皆以厥陰傷寒治之。盛至曰丙傷外感無可爲者。某日當汙。某日死。旣而果然。人問其故。曰肺屬金主聲。肺散則失音。且面黎黑腎氣竭也。某日屬火。火乘金位。真陽旣奪。不死何待。吳江縣志

孫文垣治徐檢菴以正月內食新蒜炒肉又冒風寒因咳嗽
喉痛聲啞此原有痰火又爲外邪所束不得發越所至當
潤肺化痰調氣以祛其本兼散邪解表以治其標庶痛可
除而聲可復矣先與瓜蔞仁橘紅桔梗甘草簿荷桑皮地
骨皮葛根前胡甘草四帖復以滾痰丸同七製化痰丸兩
帖夜服諸症除而聲音亮矣此釜底抽薪法也

張路玉治一西客觸寒來蘇忽然喘逆聲瘡咽喉腫痛察其
形體豐盛飲啖如常切其脈象浮軟按之益勁此必寒包
熱邪傷犯肺絡也遂以麻杏甘石湯加半夏細辛加大劑
葳蕤二服喘止聲出但呼吸尚有微瘡更與二陳加枳桔

歲次二服調理而安

王惟一數年前雖有血症。而年壯力強。四月間忽患咳嗽。服發散藥後痰中見血數口。繼服滋陰藥過多。遂聲嘶而啞。時覺胸中氣塞。遷延月餘。診之脈雖沉濇。按之有力。舉之應指。且體肥色潤。絕非陰虛之候。蓋此之聲啞。是金實不鳴。非金破不鳴之比。因與導痰湯加人中黃澤瀉。專一滌痰爲務。四劑後痰中見紫血數塊。其聲漸出。而颶未除。更以秋石兼人中黃棗肉丸服。經月而聲音清明。始終未嘗用清理肺氣調養榮血也。

張飛疇治郭代工。午日少食角黍。倦怠作鳴。曾用清尅不效。

因園跌仆，卽昏迷不省，數日後邀診之，六脈虛微，欲脫。右臂不能轉動，聲瘡無聞。時有用大黃之劑者，急止之曰：此脾肺虛憊，安能任此？惟粥飲參湯，庶爲合宜。所謂漿粥入則虛者活。依言調之，瀉止神寧，聲音漸出而甦。能食後亦惟用獨參湯，調理不藥而愈。

及珪字廷肅，治一婦人，娠八月，卧不語，衆醫歛手。珪曰：此內經所謂胎瘡也。十月當不藥而愈。嘉善縣志

萬曆時，京口名醫何繼充，世業也。方成童，猶在家塾，適鎮江道有幼子，忽噤口不能言。召其父診視，值父遠出，召者不及待，令繼充往，遂診曰：公子無病勿藥也。但多令婦人以

氣呵人口中耳。遂更迭呵之。半晌後果能言。人問故曰。頃衙內多婦人。而公子貌甚美秀。婦人愛其美也。提抱之時。必多吸其口。令少陽之氣乍奪。第令呵以還之耳。其匪夷所思類若此。張氏危言

陸肖愚治范麓令郎。厚味奉養而酒量極高。性尤偏嗜沈酖。多怒。初患吐血。服犀角地黃等湯。月餘不愈。更增溺血咳嗽。一日忽聲啞。然肌肉如故。飲食不減。羣作察治無一效。脈之左關洪大而弦。右關滑大而數。乃有餘之火症。非不足之瘡症也。因厚味生痰。醇酒助火。火炎痰涌。瘀於胸中。所以聲啞。其血之上行者。怒則傷肝。肝脈挾舌本。而絡陰

器龍雷之火一動。益隨之而上逆下洩矣。法宜清熱降氣化痰導血歸原。十日可愈。若認爲瘵。而以地黃二冬投之。則左矣。用真霞天麵山查。理胃家濕痰爲君。杏仁橘紅利肺。竅桃仁鬱金行肝滯爲臣。山梔生甘草清上焦爲佐。滑石車前清下焦爲使。又用茅根煎湯煎藥。數劑而血止聲清。不十日諸症如失。

薛立齋治一膏梁之人。素不慎起居。忽失音不語。神思昏憒。痰涎上涌。此腎經虛寒氣厥。不能上接清陽之氣故也。須用地黃飲子。否則後必啞舌。經曰少陰氣至則啞舌。少陽氣至則啞頰。不信仍用風藥。後果啞舌。急用前湯而安。

雄按今冬蔣敬堂室患頭偏左痛，筋掣汎愆，數日後不言不食不便，小便間日一行，唇焦舌黑，醫投牛黃丸紫雪丹犀角竹瀝等藥漸不識人。乃兄周雨禾延余視之，面色青黃，舌色黑膩，脈來遲，予地黃飲子五劑而一語出識人。八劑而更衣，十餘劑而起矣。其人春夏兩次墮胎，秋間夫病憂勞，蓋營陰大虛，而內風隨動也。

一婦人忽然不語半年矣，諸藥不應，兩尺浮數，先用六味丸料加肉桂數劑稍愈，乃以地黃飲子三十餘劑而痊，男子多此症，亦用此方治之。

一婦人因怒仆地，痰涌不語，灌牛黃清心丸稍甦，用神仙解

辨証根

語丹加山梔柴胡桔梗漸愈又用六君加枳殼而痊神仙解語

丹附子石菖蒲遠志天麻全蝎羌活
南星木香惟木香半兩餘皆一兩

貴溪湖山夏公明道貳郡行縣訪虞文靖公伯生於山中道臨

川章伯明之醫。其子嘗忽不能言而無他苦，羣醫環視

莫窺其端，難於用藥。伯明視之曰：此熱症也。徐解之自愈

又其僕人得寒熱，一醫以常用之藥。伯明視之曰：此熱極

也。治之莫及矣。昇還其家，僕起拜辭，登輿而去。行未至家，

果及夕而斃。

歸日稿

魏玉橫曰：嚴鍊橋天姿英邁人也，豪於詩酒。自前夏忽患失音，咳嗽時作，守不藥之戒。至八月初，余偶過齋頭談次，有

小青衣持藥甌至余曰君謂不藥今乃藥乎第醫作何治。
所用何藥出方驗之乃前胡桔梗杏仁蘇子等傷風劑也。
曰君病豈宜服此世安有傷風百日者乎肝腎久病相火
刑金惟集靈左歸六味爲對症耳幸勿謬再就二人診則
皆勸服六味後服至三四十劑忽發肛痔痔發而竟復蓋
肺臟之病傳大腸腑也是爲佳兆唯痔痛盛劇宛轉床第
月餘亦以服藥大過且六味不宜依古方也病愈數年豪
飲如故後登賢書明年遠宦于閩患瘧疾既數月始得歸
已成損症遂不起自失音至是凡十年年三十七惜哉。

宋輝章翁年六十餘素有豪飲咳嗽失音醫作傷風治轉劇。

余與生熟地麥冬沙參瓜蔞仁杞子服二十餘劑亦發肝
痔而咳嗽失音皆愈後數年以事入都於山左遇大水上
至腹行水申數里初病愈其痔遇勞則發否亦時有膿水
至是痔忽頓愈而咳嗽失音復作抵都泊療不瘳歸而延
診其脈弦濶而數語之曰初病以發痔而愈藏傳府也爲
順今痔愈而病發則府傳藏矣爲逆逾數月而終

徐靈胎曰久嗽失音必由藥誤麥冬五味此失音之靈丹也。
服之久無不失音者若至全失卽使其人力如虎而走如
馬半年之後無有不死若風寒痰火偶爾失音者卽不治
亦愈但更加以麥冬五味則弄假成真矣

心胃痛

喻嘉言治陸子堅從來無病因外感之餘益以饑飽內傷遂至胸膈不快胃中隱隱作痛有時得食則已有時得食轉加大便甚難小水不暢右關之脈乍弦乍遲不得調適有似錮疾用藥得當驅之無難若歲久日增必爲大患人身胃中之脈從頭而走於足者也胃中之氣一從小腸而達於膀胱一從小腸而達於大腸者也夫下行之氣濁氣也以失調之故而令濁氣亂於胸中干其清道因是窒塞不舒其始本於病時胃中津液爲邪火所爍至今津液未充

火勢內蘊。易於上燎。所以得食以壓其火。則安然邪火熾。則正氣消。若飲食稍過。則氣不能運轉其食。而痛亦增。是火不除。則氣不復。氣不復。則胃中清濁混亂。不肯下行。而痛終不免也。論症洞觀火病屬胃之下脘。而所以然之故。全在

胃之中脘。蓋中者。上下四旁之樞機。中脘之氣。旺盛有餘。必驅下脘之氣。入於大小腸。從前後二陰而出。惟其不足。所以反受下脘之濁氣。而橈括也。夫至人之息。以踵呼之。於根吸之於蒂者也。以濁氣上干之故。吸入之氣。艱於歸根。且以痛之故。而令周身之氣。凝滯不行。亦非細故也。爲訂降火生津下氣止痛一方。以爲常用之藥。尙有進者。在

先收攝腎氣。不使外出。然後濁氣之源清而膀胱得吸引。上中二焦之氣。以下行。想明哲之所務矣。

喻君實有發前人所未發之本領。獨欠於峻養肝腎一著。然此案未行已駁駁乎。得之矣。

張子和治一將軍病心痛不可忍。張曰。此非心痛也。乃胃脘

當心痛也

二語爲此症點睛然予更有一轉語曰非胃脘痛也乃肝木上乘于胃也

內經曰。歲

木太過。風氣流行民病。胃

脘當心而痛

風木爲病非肝而何

乃與神祐丸一百餘粒。病不減。或問曰。此胃脘有寒也。宜溫補。將

軍數知張明了。復求藥。乃復與神佑丸二百餘粒。作一服。

天下六七行立愈矣。

治法則非今人所宜

一婦病心痛數年不愈。一醫用人言半分茶末一分白湯調
下。吐瘀血一塊而愈。李樓奇方若非神手未許輕用

王執中久患心脾疼。服醒脾藥反脹。用蓬莪麵裹煨熟研末
以水與酒煎服立愈。蓋此藥能破氣中之血也。本草綱目王執中資生經

一婦人年三十。病心氣痛。用小紅花爲末。熱酒服二錢立效。
又法男用酒水各半煎。女用醋水各半煎。摘元方本草綱目

李時珍治荆穆王妃胡氏。因食蕎麥麩著怒。病胃脘當心痛
不可忍。醫用吐下行氣化滯諸藥。皆人口卽吐。不能奏功。
大便三日不通。因思雷公炮炙論云。心痛欲死。速竟延胡

乃以延胡索末二錢溫酒調下。卽納飲食少頃大便行三五次。積滯俱下。胃脘心痛豁然遂止。

友人言于武昌見一老僧患胃脘痛。痛發瀕死。其徒亦患之。師死遺命必剖視吾心。務去其疾。果于心間得細骨一條。長七八寸。形如簪。其徒以捕瓶中供師前。已數年矣。有貴客來寓庵中。偶殺鵝。喉未斷。其童取瓶中骨桃鵝喉。凡染鵝血處卽化矣。徒因悟此理。飲鵝血數日。胃疾竟除。

薛立齋治一婦人久患心痛。飲食少。思諸藥到口卽吐。薛以爲脾土虛弱。用白朮一味。同黃土炒去土。每服一兩。以米泔煎濃徐服少許。數日後自能大飲。用三觔餘而安。雄

按脾弱何至作痛此蓋停飲爲患也。蔡按停飲之說誠然。此與許學士神术丸意同。但飲之微者可用。若飲已盛。則反益其痛。以不能閉氣也。黃錦芳論之甚詳。宜參觀之。

上舍陳履學長子室素怯弱。產後患疔瘡。年餘不愈。因執喪旬月。每欲眩仆。一日感氣。忽患心脾高腫作疼。手不可按。而嘔吐不止。六脈微細。或見其形實。誤諸痛不可補氣。乃用青皮木香五味吳茱萸等藥愈甚。繼復患瘧。且墮胎。又投理氣行血之藥。病雖去。元氣轉脫。病家無識舉世皆然再投參芪補劑。不應矣。六脈如絲。欲絕。迎薛至診之。曰。形雖實而虛極。反用理氣之劑。損其真氣故也。連投參芪歸芍木附姜

桂二劑間用八味丸。五日寢食漸甘。六脈全復。此症若心脾疼痛時卽服此等藥。瘧亦不作矣。

龔子才治一人。心胃刺痛。手足稍冷。出汗指甲青。百藥不效。以當歸三錢。煎湯。用水磨沈香木香烏藥枳壳調服。乃止。一教諭年五十。因酒食過飽。胃脘作痛。每食後其氣自兩肩下及胸次。至胃口。痛不可忍。令人將手重按痛處。移時忽響動一聲。痛遂止。如是八年。肌瘦如柴。診之六脈微數。氣口稍大有力。以神佑丸一服下之。其痛如失。後以參苓白朮散調理復元。

程沙隨在泰興時。有一乳娘。因食冷肉。心脾脹痛。不可忍。錢

受之以陳茱萸五六十九。水一盞煎取汁去渣。入官局平
胃散三錢。再煎熟服。一服痛止。再服無他。—高宗嘗以此
賜近臣。愈疾甚多。真奇方也。桂菴

小乘

孫文垣治張二尹近川。始以內傷外感。過服發消導之劑。致
胃脘當心而痛。診之六脈皆弦而弱。法當補而歛之。白芍
五錢。炙甘草三錢。桂枝一錢五分。香附一錢。大棗三枚。飴
糖一合。小建中加香附煎服一劑而瘳。

族弟應章。胃脘當心而痛。手不可近。疑有瘀血使然。延胡索
五靈脂。丹皮。滑石。川芎。當歸。甘草。桃仁。桔梗。香附。臨服加
韭菜汁一小酒杯。其夜痛止則睡。飲食亦進。惟大便下墜。

逼迫不安。此瘀血已動欲下行也。前剝去韭汁一帖全安。
吳鶴洲如夫人病胃脘痛。醫者認爲蟲者。認爲火者。又有認
爲痰爲氣爲食爲虛爲寒者。百治不效。孫診之。兩手大而
無力。皆六至。曰。肝脾相勝之症耳。胃脘何以云脾以白芍爲君。惡

熱而痛加黃柏。此法則萬全矣。曰。芍四錢。一半炒
伐肝補脾爲君。甘草二錢。一半炙。一半生緩肝養脾爲臣。
山楂爲佐。黑山梔五靈脂各一錢。止痛爲使。三帖而愈。

吳仰元患胃腕痛。則欹于背。以手重。按之少止。痛時冷汗如
雨。脈濶。孫曰。此氣虛而痛也。脈濶乃血虛。此獨言氣虛。以小建中湯加

御米壳而愈。

仍是肝病

李士材治宋敬夫心腹大痛，僵仆不能仰，自服行氣和血藥，固效。其脈左滑而急，其氣不能以息偶一咳，攢眉欲絕，爲痼無疑。以生姜飲粥用小茴香川棟子青木香吳茱萸木通延胡索歸身青皮一服而痛減五日而安。醫通

李長蘅吳門舟次忽發胃脘痛，用順氣化食之藥勿效。李診之曰：脈沉而遲，客寒犯胃也。以參蘇飲加草豆蔻二錢煎熟，加生姜自然汁半椀，一服而減，二服而痊。

一人將應試，八月初五心口痛甚，至不能飲食。李診之，干口濇而軟，與大劑歸脾湯，加入參三錢，官桂一錢。彼云痛而驟補，實所不敢得。母與場期礙平，李曰第能信而服之可。

以無礙。若投破氣之藥，其礙也必矣。遂服之不逾時而痛減。更進壹劑，連飲獨參湯，場事獲竣。

高鼓峰治一婦人，胃痛勺水不入，寒熱往來，或從火治，用芩連梔柏，或從寒治，用薑桂茱萸，輒轉月餘，形體羸瘦，六脈弦數，幾于斃矣。高曰：此肝痛也，非胃脘也。其病起於鬱結，生火，陰血受傷，肝腎枯乾，燥迫成痛。色欲之人尤多此病。醫復投以苦寒辛熱之劑，胃脘重傷，其能瘳乎？急以滋腎生肝飲與之，一晝夜盡三大劑，五鼓熟寐，次日痛定，再用加味歸脾湯，加麥冬、五味，十餘劑而愈。

按此病外間多用四磨五香六鬱逍遙，新病亦效，久服

則殺人矣。又用肉桂亦效。以木得桂而枯也。屢發屢服。則肝血燥竭。少壯者多成勞。衰弱者多發厥而死。不可不知。

呂東莊治吳維師。內患胃脘痛。叫號幾絕。體中忽熱忽寒。止覺有氣逆左脇而上。嘔吐酸水。飲食俱出。或疑停滯。或疑感邪。或疑寒凝。或疑痰積。脈之弦數重按則濡。蓋火鬱肝血燥耳。與以當歸白芍地黃柴胡棗仁山藥山萸丹皮山梔茯苓澤瀉。頓安。唯胃口猶覺劣劣。用加味歸脾及滋肝補腎丸而愈。

高呂二案持論畧同。而俱用滋水生肝飲。予早年亦嘗

用此却不甚應。乃自創一方。名一貫煎。用北沙參麥冬。
地黃當歸杞子川棟六味。出入加減。投之應如桴鼓。口
苦燥者。加酒連丸。捷可統治。腸痛吞酸。吐酸疝瘕。一切
肝病。

薛立齋治一婦人。心腹作痛。久而不愈。此肝火傷脾氣也。用
炒山楂一兩。生薑五片。煎服而痛止。更以二陳加山楂桔
梗。乃不發。

孫文垣治周蘆汀乃眷。患胃脘痛。嘔吐不食者。四月晝夜號
呼不絕。脈則兩手俱滑。數故作實治曰。當以清熱爲先。乃先與
末子藥一錢。令服之。不一飯頃。痛止而睡。家人色喜。曰未

也此火暫息也。其中痰積甚固。不乘時下之。勢必再作。因與總管丸三錢。服下腹中微痛。再服二錢。又睡至天明。乃寤。腹痛亦止。大便下痰積甚多。次日以二陳湯加枳實薑黃香附山梔黃連與之。服後胃痛全止。惟小腹畧脹。蓋痰積未盡也。再與總管丸三錢。天明又行一次。痰之下如前。胃脘之痛遂不發。

薛立齋治陳湖陸小村母久患心腹疼痛。每作必胸滿嘔吐。手足俱冷。面赤唇麻。咽乾舌燥。寒熱不時。月餘竟夕不安。其脈洪大。衆以痰火治之。屢止屢作。迨乙巳春發頻而甚。仍用前藥反劇。此寒涼損真之故。內真寒而外假熱也。且

脈息洪弦而有怪狀。乃脾氣虧損，肝木乘之而然。當溫補胃氣。遂用補中益氣湯加半夏茯苓吳茱萸木香。一服熟寐徹曉。洪脈頓斂。怪脈頓除。諸症繚然。

陸養愚治陸前川素患腸風便燥。冬天喜食益柿致胃脘當心而痛。醫以溫中下氣藥療其心痛。痛未減而腸紅如注。以寒涼潤燥之劑療其血便未通而心痛如刺。脈之上部沈弱而遲。下部洪滑而數。此胃中冷而腸中熱也。大腸屬金。原喜清而惡熱。喜潤而惡燥。况素有腸風燥急之症。因心痛而投以辛溫香燥之劑。能不劇乎。脾胃原喜溫而惡寒。濕潤之品能不甚乎。今大便不行已數日矣。乃用潤字

丸三錢。以沉香三分衣其外。濃煎薑湯送下二錢。半日許又送一錢。至夜半大便行。極堅而不甚痛。血減平日十七八。少頃又便一次。微痛而血亦少。清晨又便溏一次。微見血而竟不痛矣。惟心痛未舒。與臟連丸亦用沈香爲衣。薑湯送之。以清下焦之熱。而潤其燥。又以附子理中料爲散。飴糖拌吞之。使戀膈而不速下。不終劑而兩症並痊矣。

王肯堂治韓敬堂患胸膈痛。脈洪大而濶。用山梔赤芍通草。麥芽香附歸芎煎加薑汁竹瀝。薤汁。便之類飲之而止。一日勞倦忍饑。痛大發。亟邀王至。入房問曰。晨起痛甚不能待公。服家兄藥下咽如刀割。其痛不可忍。此何意也。曰

得非二陳平胃紫蘇之屬乎。曰然。曰是則何怪乎其增病也。夫勞餓而發。飽逸則止。如其虛也。飲以十全大補湯。一劑而胸痛止。

張三錫治一婦苦胃脘痛。每發輒大吐多方不應。以鹽湯探吐出積痰碗許。痛良已。後常作惡心。知胃中有痰也。以橘半枳實加木香川芎白螺壳南星海粉神麴糊爲丸。白湯下錢半。未及一半。病去如脫。

一老嫗急胃痛。已六日。諸辛燥藥歷試無驗。診得左關弦急。而右寸更甚。其痛一來。卽不可當。少選方定。口乾面赤。知肝氣有餘而成火也。乃以越鞠加吳茱萸炒黃連羗汁。

炒梔子二劑頓愈。

一婦胃脘痛。凡一月右關寸俱弦而滑。乃飲食不節所致。投滾痰丸一服。下痰乃宿食三碗許。節食數日。調理而愈。
一婦胃痛久。諸藥不應。六脈微小。按之痛稍定。知中氣虛而火鬱爲患也。投理中湯一服隨愈。

一中年人因鬱悒。心下作痛。一塊不移。日漸羸瘦。與桃仁承氣湯一服。下黑物并痰碗許。永不再發。

一人中脘大痛。脈弦而滑。右爲甚。乃食鬱也。二陳平胃。加山楂草豆蔻木香砂仁。一服頓愈。

一人中脘至小腹痛不可忍。已十三日。香燥歷試。且不得卧。

臥則痛頂胸上每痛急則脈不見詢之因入房後過食肉食而致遂以爲陰症而投姜附因思其飲食自倍中氣損矣况在房室之後宜宿物之不能運化又加燥劑太多耗津液致成燥矢鬱滯不通所以不得卧而痛也古云胃不和則卧不安遂以枳實導滯丸三錢去黑矢碗許小腹痛減矣又與黃連枳實瓜蔞麥芽厚朴山楂萊菔子二服痛復移于小腹乃更與潤腸丸二服更衣痛除第軟倦不支投補中益氣湯調理半月而愈

王叔權曰荆婦舊侍疾累日不食因得心脾痛發則攻心腹後心痛亦應之至不可忍則與兒女別以藥飲之疼反甚

若炙則遍身不勝炙矣。不免令兒女各以火針微刺之。不拘心腹。須臾痛定。卽欲起矣。神哉。

王叔權舊患心脾痛。發則疼不可忍。急用瓦片置炭火中燒令通紅。取出投米醋中灑出。以紙二三重裹之。置於痛處。稍止。冷卽再易。耆舊所傳也。後閱千金一有云。凡心腹冷痛。熬鹽一升熨。或熬蠶沙燒磚石蒸熨。取其溫裡暖中。或蒸土亦大佳。始知予家所用。蓋出千金方也。他日心疼甚。急炙中脘數壯。覺小腹兩邊有冷氣自下而上。至炙處卽散。此炙之功也。本草方載王思和論心忪。非心忪也。胃之大絡。名曰虛里。絡胸膈及兩乳間。虛而有痰。則動更甚。須

臾發一陣，是其症也。審若是，又炙虛里矣。但不若申腕爲要穴云。

左傳巫臣以夏姬之故怨子反曰：余必使汝疲于奔命以死。于是子反一歲七奔命，遂遇心疾而卒。則又因用心而成疾矣。平居當養其心，使之和平，疾自不作。其次則當服鎮心丹之類，以補養之可也。若疾將作而針灸，抑亦可以爲次矣。資生經

一婦人患胸中痞急，不得喘息。按之則痛，脈數且濶。此胸痺也。因與小陷胸湯二劑而愈。

一人年二十三歲，膈有一點相引痛，吸氣皮覺急，此有污血

也。滑石一兩。桃仁五錢。黃連五錢。枳壳壹兩。甘草炙式錢爲末。每壹錢半。以蘿蔔自然汁煎熟飲之。一日五六服即愈。

繆仲淳治高存之夫人患心口痛。一日忽大發。胸中有一物上升冲心。三婦人用力捺之不下。叫號欲絕。存之曾預求救。繆立此方。是日急煎服之。冲上者立墮下。腹中作痛不升矣。再服腹中痛亦消。二日後以病起洗浴。又忽作嘔頭痛如劈。存之曰。此卽前症也。煎前藥服之立安。白芍酒炒參錢。炙草五分。吳茱萸湯泡三次八分。茯苓式錢。延胡索。醋煮壹錢。蘇子炒研壹錢五分。橘紅鹽水泡壹錢式分。復

加半夏薑汁炒壹錢。旋覆花一錢。木通七分。竹茹壹錢。廣筆

記

李季虬曰予婦今春忽患心痛連下腹。如有物上下撞痛不可忍急以手重按之痛稍定。按者稍鬆卽叫號。仲淳曰此必血虛也。脈之果然急投以白芍五錢。炙草七分。橘紅三錢。炒鹽五分。式劑稍定已又以牛黃蘇合丸疏其滯喫氣數次痛徐解。子問故。仲淳曰白芍甘草治血虛之聖藥也。因久鬱氣逆故減甘草之半。仲景甲己化土之論詳矣。諸醫不解爾炒鹽者何。曰心虛以炒鹽補之。卽水火既濟之意也。予懼俗師槩以食積痰火療心腹之痛。故疏其詳如

左同二案均是治肝之法。前案兼滌飲此案養肝兼以降逆非純補虛也。

昔年予過曲河適王宇泰夫人病心口痛甚日夜不眠手摸之如火予問用何藥曰以大劑參歸補之稍定今尚未除

也琇按心胃痛惟陰維虛損一症可用參歸其餘多是停痰積飲與肝火犯胃之症此案敘症既未詳悉又不云

脈象如何殊屬含混曰得無有火或氣乎宇泰曰下陳皮及涼藥少

許卽脹悶欲死非主人精醫未有不誤者予又存此公案

以告世之不識虛實而輕執方者

同上

劉雲密治一女子值暑月夜間甚涼患心痛從右肋下起至心前岐骨陷處并兩乳下俱痛復連背痛腰及兩膊俱骨

縫脹疼。唯右助并心疼。獨甚。時作惡心。且嘔。疑夜眠受涼。
寒邪鬱遏。氣不流暢所致。用散寒行氣藥不效。又疑寒滯
中有鬱火。加散鬱之品亦不效。服加味煮黃丸。乃頓愈。薑
黃三錢半。雄黃三分。乳香三分。去油淨巴霜八分。其爲細
末。醋糊爲丸。如黍米大。盧者七丸。實者十一丸。薑湯送下。
經云。邪氣甚則實。此婦體素虛弱而受寒邪。甚則爲實。唯
此辛熱之劑。可以導之前。所用藥雖亦散而不能及病也。
其用薑黃、乳香。亦有深意。蓋寒傷血故耳。此時珍所謂配
合得宜。則罔不奏功。

金鈴子散。川棟子去核壹兩。延胡索壹兩爲末。每服三錢。溫

酒調服。水煎服亦可。王晉二曰此方一泄氣分之熱。一行血分之滯。雷公炮炙論曰心痛欲死。速覓延胡潔。古復以金鈴治熱厥心痛。經言諸痛皆屬於心。而熱厥屬於肝逆。金鈴子非但泄肝功。專導去小腸膀胱之熱。引心包相火下行。延胡和一身上下諸痛。方雖小。制配合宜。却有應手取愈之功。勿以淡而忽之。

肝胃久痛。諸藥不效。或腹有癥瘕。此方皆驗。名梅花丸。孕婦慎用。綠萼梅蕊三兩。滑石七兩。丹皮四兩。製香附式兩。甘松蓬莪术各五錢。茯苓三錢五分。人參嫩黃耆砂仁益智各三錢。遠志肉桂錢五分。山藥木香各壹錢五分。桔梗壹

錢甘草七分。凡十六味共研細末。煉白蜜十二兩。搗丸如龍眼大。白蠟封固。每服壹丸。開水調下。此方傳自維揚沈月枝。封翁慕於姑蘇時。患心腹久痛。諸藥罔效。得此而愈。遂配合施送。服者多愈。但用藥甚奇。其分兩之多寡亦難測識。

雪羹大荸薺四個。海蛇漂去石灰。礬性壹兩。水式鍾八分。王晉三曰。羹食物之味調和也。雪喻其淡而無奇。有清涼內浸之妙。荸薺味甘。海蛇味鹹性。皆寒而滑利。凡肝經熱厥。少腹攻衝作痛。諸藥不效者。用以泄熱止痛。捷如影響。

脇痛

竇材治一婦人脾氣虛致積氣留于脇下兩肋常如流水多服草神丹而愈。原批脾虛致積當用溫行水流脇下當行溫化

王海藏治一婦人先病惡寒手足冷全不發熱脈八至兩脇微痛治者從少陽治之陽在內伏于骨髓陰在外致使發寒治當不從內外從乎中治也宜以小柴胡調之倍加薑棗。

許學士云沈存中良方頃在建陽醫者王琪言諸氣唯膀胱腸下痛最難治惟神保丸能治之熙寧中予病項骨痛諸

辨傷凡方
頗有奇效

醫皆作風治之數月不瘥乃流入于背膂又兩臂牽痛甚
苦憶琪語有証乃合服之一服而瘥再發又一服立效方
用木香胡椒各式錢五分巴豆十枚去皮心膜研乾蝎七
枚右四味共爲末湯浸蒸餅爲丸如麻子大用硃砂爲衣
每服五丸視諸經痛用引送下心膈痛柿蒂燈心湯下腹
痛柿蒂煅薑湯下血痛炒薑醋湯下腎氣脇下痛茴香酒
下大便不通蜜湯調柂榔末壹錢下氣噎木香湯下宿食
不消茶酒任下

朱丹溪治一婦人脾疼帶脇痛口微乾問已多年時尚秋用
二陳湯加川芎乾葛青皮木通下蘆薈九二十粒。

張宅張郎氣痛起自右脇時作時止脈沉而弦小便時有赤色吞酸嘔吐食此濕痰在脾肺間而肝氣乘之小柴胡湯去黃芩加川芎白朮木通白芍滑石生姜煎湯下保和丸

九三十五粒

一婦人氣暈兩脇胸背皆痛口乾用青皮半夏各一錢白朮黃芩川芎各二錢木通五錢陳皮桔梗各一錢甘草炙半錢右分六帖煎熱服。又脇下有食積一條杠起加吳茱萸炒黃連

孫文垣治金三皇子每午發熱直至天明夜熱更甚右脇腹痛咳嗽則疼痛坐卧俱疼醫以瘧治罔效已二十餘日後

醫謂虛投以參。木痛益增。診之左弦大。右滑大搏指。經云。
左右者陰陽之道路也。據脈肝胆之火爲痰所凝。必勉強
作文過思不決。木火之性不得通達。鬱而爲痛。夜甚者肝
邪也。初治當通調肝氣。一劑可瘳。誤以爲瘧。燥動其火。補
以參。木閉塞其氣。經云體若燔炭。汗出而散。今汗不出。舌
胎已沈。香色熟鬱極矣。不急救。立見凶危。以仲景小陷胸
湯爲主。大瓜蔞壹兩。黃連三錢。半夏麴式錢。前胡青皮各
壹錢。水煎服。夜服當歸龍薈丸微下之。醫猶爭曰。病久食
不進。精神狼狽。若此寧可下乎。曰。病屬有餘。有餘者瀉之。
已誤于補。豈容再誤哉。服後夜半痛止。熱退。兩帖全安。

虛山內人胸脇脹痛。五更嘈雜。則痛更甚。左寸關脈洪滑。孫謂此肝胆有鬱火。胃中有膠痰。乃有餘之病。經云木鬱則達之。又云通則不痛。與以當歸龍薑丸一錢五分。

琇按旣云木鬱達之。却不用達之之藥。而用逆折之法。火雖暫泄。而木之本性亦傷矣。此亦刲劑之類也。

大便行一次。痛隨止。惟聲不開。却是何故。以陳皮柴胡貝母茯苓甘草白芍酒芩香附杏仁桔梗調之而安。

學士徐檢老體豐厚。善飲致有腸風。計下血不下數桶。因而委頓。已卯冬右脇極疼痛。上至耳後夜分尤甚。左右不能轉動。動則痛甚。飲食減。面色青。汗出如雨。濕透衣被。故不敢合睫而睡。族醫皆投以香附青皮及辛散之劑。痛愈甚。

汗愈多而愈青逆予診之兩寸短弱左關弦而搏指右關沉澀六脈皆近七至子曰據病在少陽經必始干怒木火之性上而不下故上衝耳後而皆痛也夜痛甚者益夜屬肝氣用事內經云司疏洩者肝也邪在肝胆故合目汗卽大出中焦原有濕痰此語凡案必闇人法當調肝清熱解毒爲主突之至兼利小便而前後並不照應語亦無因不可遽止渴使邪無出路逆其木火之性不惟痛加且將發腫毒而害非淺矣內經云膏粱之變足生大病當預防之亦非此症真諦公曰何爲飲劑而謂不宜予曰當歸六黃湯內有地黃當歸芍皆滯瘀閉氣之味桔梗亦非所宜經曰下虛者及怒氣上升者皆不

可用。故當慎也。且將發腫以下皆有心穿插

公

因以柴胡、黃連爲君。白芍

甘草、天花粉爲臣。以前胡連翹爲佐。龍胆草爲使。服後汗

雖仍舊痛。卽減三之一。不妨睡矣。仍用前藥。病又減半。第

三日又服。左右轉動如常。飲食亦加。予未至。公已先迎。姑

蘇盛氏。盛公幼時憲友也。家世授醫。公初不急予日。引領

期盛到。可刈枯剗朽也。盛至診畢。遂詰。曾用何劑。公予劑

示盛。盛大叫稱謬。謂當隆冬之候。汗多如此。陽氣大淺。何

以柴胡爲君。喉中痰旣未清。又何不用桔梗。當歸六黃湯。

前賢已試之藥。置而不用。是舍紀律而務野戰也。卽以六

黃湯加桔梗以進。

據此孫君真

是神仙。公雅信盛。仍傾心以從。速煎。

服之未逾時而舊病隨作。色色加惡。四字岐甚左右復不能轉動。自戌至子丑。若不能支持者。語之曰。服孫君藥雖未全可。亦已去泰甚。彼曾言二藥不可用。何爲輕犯而受此苦。宜取孫君藥煎飲。飲下卽伏枕。鼾抑或達旦始寤。未必命使速予至。而扣子曰。人言隆冬汗出。不當用柴胡。而公用爲君。何旨。子曰。胆與肝爲表裡。肝胆之心。鬱而不發。故痛。痛極而汗。汗出而痛減者。是火從汗出。蓋汗乃邪出之門也。予故曰汗不可歛。本草云。柴胡瀉肝膽火。而以黃連佐之。內經云。木鬱則達。火鬱則發。言當順其性而利導之。勢則易克。古人治火之法。輕則正治。重則從其性而升之者。以

此蓋醫貴變通。如陰虛火動而汗出者。內無餘邪。故以六黃湯。歛而降之。常治法也。今內有餘邪未出。遽歛降之邪。無從出。勢必成毒。故變常而從治者。使邪有出路。木火之性不逆。則毒不成。而痛可減也。公曰善哉。孫君之劑。奇正相生。不下孫武子兵法。何輕以無紀律議之。願投而奏凱也。予曰。公數日後瘡瘍大發兩塊。且有興塊作痛。此毒出之徵。公于時無恐。改用柴胡。白芍。甘草。丹參。苦參。茯苓。瞿麥。車前。黃柏。連翹。金銀花。三日而痛全減。汗全收。左右不難轉動矣。逾日公謂肌膚痒甚。蟲蟲然似癰疹。豈瘡出之。欲以藥治之。予曰可。再三日兩膀果然發興塊。如碁子大。

者數枚。且痛。予已製蠟簪丸以待。至是授服之。瘡果遍身大發。兩腿爲甚。一月餘而瘳。公始信予防毒之言。不謬。披憮交歡。且作序識勝。何勝期與終身不替云。

是按孫君生平得意筆也。然治法非奇。行文頗謬。盈篇猥語。滿紙枝心。本不入選。顧集中收彼案。微悉加節畧。獨于此仍其原本。以見一斑。第亦偶然。非有心吹索前人之短也。

劉默生治諸葛子立。腸痛連腰脊。不能轉側。服六味加杜仲。續斷不效。或者以爲不能轉側必因閃挫。與推氣散轉劇。劉診之曰。脈得弦細。乏力虛寒可知。與生料八味丸。加回

香四劑而安。醫通

李士材治一婦人受暑脇痛皮黃發泡用清肝破氣之劑不效用大瓜蔓壹個搗爛加粉草紅花少許藥入而痛止病机沙

篆

薛立齋治一婦人性急吐血發熱兩脇脹痛日晡益甚此怒氣傷肝氣血俱虛也朝用逍遙散倍加炒黑山梔黃柏貝母桔梗麥冬夕以歸脾湯地黃丸而愈

龔子材治一婦人口苦脇脹此肝火也用小柴胡加黃連梔子少愈以四君子湯加當歸白芍柴胡調理脾胃而瘥

吳孚先治蔣氏婦善怒兩脇作痛歷所醫用補脾伐肝不應

脈之左關細濶右脈無病此肝勝則尅脾脾敗則自困補尙嫌緩何以伐爲乃與四物湯加阿膠玉竹棗仁枸杞令服三十劑脹減七八九服全瘳。

柴嶼青治侍衛范諱弘賓太夫人吐痰脇痛飲食無味告以肝病一二十年矣率服平肝之藥凡香附鬱金等各服過數斤此二味爲治肝病要藥然用之氣病則可矣用之血病則與千將莫邪無異也慎之今爲我理肝氣可也柴曰肝脈已虛理無再用伐肝況腎肝同治乙癸同源自應以滋腎養肝爲主先服加味逍遙散二劑卽以八仙長壽丸進太夫人曰熟地膩膈恐勿堪用柴曰此方熟地直走腎家斷無膩膈且風以散之必需雨以潤之。

服後果驗調理數月而康

按二地膩膈之說。不知始自何人。二地膩膈之說。何嘗無之。此與參耆助熱。同一至理。乃好用參耆者。必引甘溫除大熱之語。以爲參耆不熱。及試之陰虛之人。而其弊立見。蓋參耆所去之熱。乃脾肺虛乏之熱。非肝腎虧損之熱也。今王橫又以爲二地不膩。不知二地之不膩。乃脾肺火燥之體。非脾肺虛寒之人也。矯枉者必過其正。然哉文田案。王氏駁正魏說。真可謂平允通達。致令數百年人。皆畏之如虎。俾舉世陰虛火盛之病。至死而不敢一嘗。迨已瀕危。始進三數錢許。已無及矣。哀哉。

朱丹溪治楊淳三哥舊有腎疾上引乳邊及右脇痛多痰有時膈上痞塞大便必秘平時少汗脈弦甚與保和溫中各二十九研桃仁郁李仁吞之而愈綱目

陳三農治一人右脇痛引背口乾舌燥上身發熱腰以下俱冷右關尺不起此血虛氣無所附宜用溫藥行動其氣使氣有所歸水升火自降矣用乾薑肉桂各五分當歸壹錢吳茱萸半分鹽水煎服上身熱退下體溫暖陽氣漸回但食難消化此元氣未復耳理脾胃爲主養血次之胃氣一轉諸病自愈用參芩歸朮各壹錢薑桂各五分神麴六分陳皮四分炙甘草三分漸愈

一人遇勞與饑則脇痛。用八珍加牛膝木瓜山藥石斛芍仁棗仁柏子仁桃仁數服頓愈。一人同此醫投平肝藥痛甚而殞謹錄之以爲世戒。

一人痛引腰脇、脈弦數有力、知肝火鬱結也。投龍薈丸五十粒頓愈。大還

立齋治一男子、脾胃不和、服香燥行氣之劑、飲食少思、兩脇脹悶、服行氣破血之劑、致飲食不入、右脇脹痛、喜手按之、虛症可知曰、乃肝木克脾土、而脾土不能生肺金也。用滋化源之藥四劑、諸症頓退。又曰火令在渺、當再補脾土、以養肺金。不信、後復作吐膿而歿。

王肯堂治雲中秦文山掌教平湖因勞患兩脇滿痛清晨並
饑時尤甚。書來求方知其肝虛當母子兼補。令用黃芩白
朮當歸熟地川芎山萸山藥柏子仁之類。佐以防風細辛
各少許。姜棗煎服。不數劑而愈。王客長安時聞魏崑溟吏
部方變。因投謁。忍饑歸而脇痛無他苦也。粗工以青皮枳
壳之類襍投之。遂致糾纏不痊。可不監哉。

朱丹溪治壽四郎右脇痛小便赤少脈少弦不數此內有久
積痰飲。因爲外感風寒所遏。不能宣散。所以作痛以龍鬱
丸三十五粒。細嚼薑皮。以熱湯下。服後脇痛已安。小便尙
赤少。再與白朮三錢陳皮白芍各二錢。木通壹錢半條芩

壹錢。甘草五分。薑三片。煎熟飲之。

方提領年五十六因飲酒後受怒氣于左脇下與臍平作痛自此以後漸成小塊或起或不起起則痛痛止則伏面黃口乾無力食少吃物便噯服行氣藥轉惡風寒脈之左大于右弦濶而長大率左手重取則全弦此熱散太多以致

胃氣大傷陰血下衰且與和胃湯以補胃氣滋養陰血并下保和丸助其運化俟胃稍實陰血稍充却用消塊和胃人參三錢白朮錢半陳皮壹錢白芍歸身各五分乾葛三分紅花豆大炙草式錢作一帖下保和丸二十五龍鬱十

琇按此症全屬肝傷木反尅土其塊隱現不常乃虛氣也時師多以香燥辛熱治之促人年壽余治此不下數十人悉用一炁湯加川棟米仁蕷仁等不過二五劑其病如失若立齋多用加味逍遙散鼓峯雲峯輩多用滋水生肝飲皆不及余法之善

薛立齋治崑崙馬進伯母左脾連脇作痛遣人索治意此鬱怒傷肝脾用六君加桔梗只壳柴胡升麻。彼別用蒼朮藥益甚始請治其脈右關弦長按之軟弱左關弦洪按之濶滯乃脾土不及肝木太過因飲食之毒七情之火也遂用前藥數劑脈症悉退再加芎歸全愈此等症誤用敗毒行

氣破血導痰以致不起者多矣

一治男子因怒脇下作痛以小柴胡加四物加青皮桔梗枳壳治之而愈

內翰李浦汀太夫人左脇內作痛牽引胸前此肝氣不和尙未成瘡用小柴胡湯加青皮枳壳四劑少可再加芎歸治

之愈

張景岳治一姻家年方正壯素飲酒常失饑傷飽偶飯後脇肋大痛自服行氣化滯等藥復用吐法盡出飲食吐後逆氣上升脇痛雖止而上壅胸膈脹痛更甚且加嘔吐張用行氣破滯等哉嘔痛漸止而左乳胸脇之下結聚一塊脹

實拒按、臍腹脇間不能下達，每戊亥子丑之時，脹不可當。因嘔吐既已，可以用下。凡大黃芒硝三稜巴豆等及蘿蔔子、樸硝及大蒜罷等法，毫不應。愈攻愈脹，勢所必然。因疑其脾氣受傷，用補尤覺不便。庸湯水不入者二十餘日，無計可施。只得用手揉按其處，覺肋下一點按著痛連胸腹，細爲揣摩，正在章門穴。章門爲脾之募，爲臟之會，且乳下肋間正屬虛里大絡，乃胃氣所出大路，而氣實通于章門。因悟其日輕夜重，本非有形之積，而按此連彼，則病在氣分無疑。猶屬盲猜，乃用神朮散，令日服三四次，兼用艾火灸章門十四壯，以逐散其結滯之胃氣。到底未知爲肝病不三日，脹果漸平。

食乃漸進始得保全。幸矣此其症治俱奇誠所難測哉。

琇按張君生平于薛氏諸書似未曾寓目至脇痛由于肝脈爲病至死不知良可哀也此症之愈全在一炙與呃逆病諸治不效灸虛里立止正同

黃古潭治一人六月途行受熱過勞性且躁暴忽左脇痛皮膚上一片紅如碗大發水泡瘡三五點脈七至而弦夜重于晝醫作肝經鬱火治以黃連青皮香附川芎柴胡之類進一服其夜痛極且增熱次早視之皮膚上紅大如盤水泡瘡又加至三十餘粒醫教以水調白礬末敷仍以前藥加青黛龍胆草進之夜痛更甚脇中如鈎摘之狀次早視

之紅已半身。水泡搘之百數。乃載以詢黃爲訂一方。以大
瓜蔓壹枚。重壹式兩者連皮搗爛。加粉甘草式錢。紅花五
分。雄按玉橫之一黃煎當是從此案悟出而更加周到可謂青出于藍矣。進藥少頃。卽得睡。

比覺已不痛矣。蓋病勢已急。而時醫執尋常瀉肝正治之
劑。又多苦寒。益資其燥。故病轉增劇。發水泡瘡于外者。肝
鬱既久。不得發越。仍侮所不勝。故皮膚爲之潰也。瓜蔓味
甘寒。經云。泄其肝者緩其中。且其爲物柔而滑潤。于鬱不
逆。甘緩潤下。又如油之洗物。未嘗不潔。此其所以奏功之
捷也。歟同

闡發瓜蔓之功。此案爲最。然猶未盡其蘊。

吳橋治陳泉中年兩脇極痛楚冷汗淋漓伏枕惛惛嘔逆絕
勺飲者六日矣橋診之曰無傷此畜血爾家人曰固也昔
者嘔血數升卽有畜且盡矣曰畜未盡爾盡則當瘥日暮
乃投補中行血壹劑飲之僅內其半中夜戶竅家人升屋
而號橋曰再予之半陽當回故寢以需來復復則敗血行
矣第具人參湯待之雞鳴而甦大汗大吐大下則垂垂
滿器如腐肝敗骨乃進參湯大汗漸止又七日乃復初或
問畜血而腹不鼓何也且昔嘔血數升其後何畜之多也
曰病得之怒而傷肝或以蹶而畜血傷肝則血不納畜血
則道不通猶之溝澗塞流則新故皆壅矣故多也

○ 汪雲程年近七旬患胸脇痛轉側滋甚寒熱交作喘咳煩躁
再仰不能伏枕醫下之病益深橋診之六脈浮滑大而搏
指曰病得之過飲且下故火上炎以清涼一服而愈太函集

魏玉橫曰范康侯年弱冠患脇痛已六七年更醫既屢轉益
羸瘦食少而氣餒言嬾而神疲稍遠行則心下怦怦然遇
勞則脇間如裂就予診告以初時但腹脇痛醫與逍遙散
暫愈再發再復不應矣醫投四磨飲亦暫愈再發再投亦
不應矣又更醫用五香散越鞠丸則愈而卽發自是腹中
忽有塊再更醫以爲痞積進青皮厚樸五靈脂延胡索之
類塊益多時隱時現上下左右約六七枚如拳如掌往來

牽痛近有老醫謂爲虛也用當歸白芍香附鬱金之類服之了無進退予曰似君之疾遍牢內矣誤治而斃者可勝道故蓋古來方書于此症殊無肯綮無怪乎世之夢夢也原其誤人之始只肝無補法四字遂使千萬生靈含冤泉壤或以疎散成勞香燥成膈或以攻伐成鼓或以辛熱成癰其干變症筆難盡述幸子青年稟賦厚而未婚故僅若此否則不可言矣今據脈已細數弦澀臟氣已虧幸不數且無咳嗽夜熱猶可爲也第服余劑只可希遠效而不可求近功耳與生熟地沙參麥冬杞子棗仁等劑畧安至數十劑塊漸減遂以方爲丸服數年益就痊可今已娶第能

樽節庶無後患也。蓋此症惟兩儀膏最妙，然有力者始能

用之。

8

方某年三十餘，因析居，闌牆脇痛，左脇下有塊如槃，按之堅硬，食下則脹痛甚，不能側卧。百治莫應，枯瘠如柴矣。偶于藥肆遇人謂之曰：「此病唯淳佑橋魏某能治。」因就診脈之，弦且急。曰：「肝舉症也。」肝葉左三右四，血足則潤而下垂，今怒火傷陰，其葉燥硬，故舉而不下也。經曰：「肝病則迫胃逆咽。」故左葉張，則支脰而不可側卧；右葉張，則侵肫而不能容食。昧者不知，投以香散，則如火上添油耳。與生熟地沙參麥冬，蔓仁米仁，杞子川棟，十餘劑，其病如失。

○詹渭豐母年六十餘九月間癰後自汗余已愈之至十一月

脇痛大作醫以加味黑逍遙散治之未爲誤也服一劑至夜分忽暈厥欲脫蓋柴胡白芍皆非陰虛火盛之人所宜進也黎明急余治脈之兩關俱伏兩尺極微足冷過膝面如紙灰云初起左脇痛服藥後忽移于右遂發厥厥雖止而痛劇不可轉側痛處不可按察其舌燥硬如乾荔已危矣姑與生熟地杞子各五錢沙參麥冬各三錢服下痛畧減前方加倍再入米仁五錢蔓仁二錢其痛乃復歸左脇能轉動矣仍服前方數劑而愈余常治數貧人感症後不能進飲食宛如百合病脈之或弦或濇按其脇或左或右

或有塊無塊。皆曰痛甚。檢其方。諸燥藥外。有服柴胡至二
三兩者。察其舌。或中乾或枯燥或紫赤。是皆誅伐太過。傷
其肝腎之害也。悉以前方。相其傷之輕重。爲劑之大小。數
服而愈。又趙氏子年十六。金氏女年十七。其家皆素封。病
腸痛。服逍遙散。皆五十餘劑。病益困。以前方去熟地與之。
皆不服。乃更從香燥而歿。蓋地黃杞子。舉世咸畏之如虎。
緣本草謂地黃膩而杞子熱也。其殺人亦多矣。言醫藥者。
可不慎哉。

陳理堂母六旬外。久病脇痛。每發必伏枕經旬。醫所與。皆香
附蠶全青皮木香小茴延胡索五靈脂龍胆草之類。或配

六鬱或偕左金而已。近發則腰背脹痛，嘔逆便秘，口燥不眠，脈則兩寸搏指，兩關弦而乏韻。此將成關格之候。投以滋水養肺金之劑，或入川棟，或入川連，只一二劑卽愈。戒以多服，以杜其漸。然性甚畏藥，愈卽止矣。關格之患，其將來乎。

此與膈症門胡氏婦病同

黃錦芳治劉尚卿右脇痛，咳嗽頭痛，肝脈微起。右脈沈滑，而脾部有一小珠，嗽必努力，痰則清稀，上有白沫，挑起如藕絲不斷。用附子二錢，茯苓三錢，半夏二錢，故紙三分，木香五分，牛膝一錢，噙其勿食膩滯等物，俾水行痰消，氣平而

痛。止病者問痰病自何而來。黃曰。痰病甚多。五臟各有見症。在脾名溼痰。其候脈緩面黃。肢體沈重。嗜卧不厭。腹脹食滯。其痰滑而易出。宜二陳六君之類治之。在肺名氣痰。又名燥痰。其候脈濇面白。氣上喘。灑淅惡寒。悲愁不樂。其痰濇而難出。宜利膈清肺飲。加減治之。在肝名風痰。脈弦面青。肢脇滿悶。便溺閉濇。時有燥怒。其痰青而多泡。宜十味導痰湯。千緝湯加減治之。在心名熱痰。脈洪面赤。煩熱心痛。口乾唇燥。時多喜笑。其痰堅而成塊。宜涼膈散。加芩半治之。在腎名寒痰。脈沈面黑。小便急痛。足寒而逆。心多恐怖。其痰有黑點而多稀。宜桂苓丸。八味丸。加減治之。

至論其本。則痰之化在脾。而痰之本在腎。如火不生土者。
卽火不制水。陽不勝陰者。必水反侮土。是陰中之火衰也。
火盛金燥。則精不守舍。津液枯槁。則金水相殘。是陰中之
水衰也。寒痰溼痰。本脾家病。然必由於腎水之虧。木鬱風
生。本肝家病。然必由於腎水之虧。火盛尅金。其痰在肺。然
必由於腎火之熾。今此症痰雖在脇。在胃。在脾。實因腎火
衰微而起。故用附子迅補真火。以強土。芩半以除脾溼。木
香以疏滯氣。牛膝引左氣下行。歸腎。故紙引右氣下行。歸
腎。氣歸則痰清矣。果數劑而愈。

續名醫類案卷十九

錢塘魏之琇編集

海昌王士雄孟英

定州楊照藜素園

同校

腹痛

周漢卿治永康人腹疾，病僂行，卿解衣視之，氣衝起腹間者二、其大如臂，刺其一，砉然鳴，又刺其一，亦如之，加以按摩，疾遂愈。明史

薛立齋治一婦人，小腹脹滿，小水不利，或胸乳作痛，或脇肋作脹，或氣逆心吻，薛以爲肝火而血滯，傷脾。用四物柴胡

青皮元胡索木香而愈。

一婦人久患腹痛去瘀血方止已而復大痛諸藥不納薛以
脾胃之氣虛寒用參术炮薑丸如黍每用數粒津嚥下後
以二味濃煎漸呷而愈

通府趙孟威云其妹小腹痛服附子理中湯附子服過八十
餘粒此乃沈寒痼冷之甚不多有者又王午仲冬金臺一

男子患腹痛誤服乾薑理中丸卽時口鼻出血煩燥發狂

入井而死

二條俱見薛公案

龔子才治一婦人臍腹疼痛不省人事只一劑立止人不知
者云是心氣痛誤矣方用白芍藥五靈脂木通去皮三味

等分每服五錢水醋各半煎至七分去渣溫服

此瘕痛也

李北川仲夏患腹痛吐瀉兩手足搘之則熱按之則冷

外假熱內

真寒之證其脉輕診則浮大重診則微細

病在血分可知醫用木香磨服

熟內之脉

此陰寒之證也急服附子理中湯不應仍服至四劑而愈。

汪石山治大坑方細形瘦年三十餘忽病腹痛磊塊起落如

波浪然晝輕夜重

病在血分可知

醫用木香磨服及服六君子湯

皆不驗診其脉浮緩弦小重按似濇曰此血病也前藥作

氣治謬矣彼謂血則有形發時則有塊磊痛減則消而無

迹非氣而何此難亦不可少蓋不知有形者血積也無形者血滯

也滯視積畧輕耳安得作氣論耶若然則前藥胡爲不驗

遂用四物湯加三棱蓬木乳香沒藥服之其痛遂脫然本傳

孫文垣治嚴印老長媳患腹痛有小塊瞞瞞然腹覺冷甚兩寸關皆滑數兩尺沈微此脾氣弱而飲食不消又當秋令濕淫之候不利亦瀉宜預防之與白朮蒼朮茯苓甘草白蔻仁木香半夏陳皮澤瀉煎服其夜果瀉一度次早又瀉一度小腹仍痛且裡急後重蓋其稟賦素虛當補中兼消兼利白芍藥三錢桂心一錢甘草人參茯苓澤瀉陳皮白朮各八分升麻葛根各六分服後脉皆軟弱不滑瞞塊亦消改以人參黃芪白朮白芍各二錢炙甘草陳皮澤瀉葛根柴胡茯苓各一錢調理而安

張道南內人以飲食忤於氣因腹痛不飲食五日矣兩寸關

弦尺滑孫曰此上焦氣虛下有鬱滯以薑黃青皮爲君山

查檳榔當歸杏仁烏藥枳殼爲臣柴胡木香爲佐吳茱萸

爲使

此症氣虛輕而鬱滯重故治法如此否則未通其鬱先傷其氣可若何卽調理善後之方亦仍以通鬱滯爲重不然用小建中湯

何嘗有此等加減法耶服後氣稍順然後用葱二斤煎湯

浴洗腰腹卽將熟葱擦摩使氣通透

鬱滯外治法

洗畢卽安卧

少頃其夜大便通先下皆黑硬結塊後皆清水此積滯行

而正氣虛也以建中湯加山楂茯苓澤瀉柴胡香附薑連

調理而痊

李士材治一婦人鬱怒之餘胸腹脹痛先服消痰順氣化食

之劑不效更以人參補之亦不效。診之六脈弦而數。此內有鬱熱爲寒涼飲食壅之而痛。用黃連三錢。梔子一錢五分。橘紅白豆蔻各二錢。鈎藤木香各八分。官桂二錢。加薑汁半鍾。二劑痛止。四劑復加乾姜人參而霍然。

焦太史當臍切痛作食氣療之無功。李診之曰：當臍者少陰腎之部位也。况脉沈而弱。與氣食何干。非徒無益。反害真元。以八味丸料煎飲。不十日而痊。

胡京卿少腹作痛。連於兩脇。服疎肝之劑。一月以來。日甚一日。李診之。左關尺俱沈遲。治以理中湯加吳茱

柴。嶼青治廣撫諱蘇昌將赴瀋陽。京兆任時伊嫂腹疼吐酸

日夜轉側呼號已治未求一診以決之其脉微緊受寒所至並非危症何用驚惶若此蘇云昨服藥稍定以方就政并屬定方柴見前方係附子理中湯頗合是症遂不另立王海藏治姬提領因疾服涼劑數日遂病臍腹下大痛幾至於死與薑附等劑雖稍甦痛不已隨於本方內倍白芍服之愈綱目

陸肖愚治尤少溪年近六十性急多怒因食冷粽四枚遂忠腹痛並脇亦痛醫用平胃散加枳實黃連不效彼亦知其家潤字丸方以五錢分三服令一日內服之大便已瀉而痛仍未止謂通則不痛今通而仍痛藥力淺而積未盡也

再以五錢令一日服之大便數十行皆清水而痛反增劇號叫不已飲食不進面色青紫勢危極。陸脈之弦細沈弱右關弦而有力曰虛中有實消則元氣卽脫補則腹痛尙劇因用理中湯料五錢配枳實五錢一日二劑始下堅積缶許是夜痛大減明日減枳實之半又二劑而腹痛全愈第脇間尙微痛去枳實加青皮吳茱萸數劑而痊後以調氣養榮湯理之。

張三錫治一人腹痛而瀉口乾面時赤乃食積也與木香檳榔丸一服去硬物愈

一酒客每日腹痛瀉黃沫知積熱也投芩連厚朴炒梔子木

通澤瀉赤苓二劑少可復以酒蒸大黃爲丸酒下二錢凡三服遂不發。

一婦人小腹塊痛。醫作陰治。投熱劑不應。又有作燥矢治者。硝黃潤腸丸等藥屢用不減。詢之七日前作寒起。遂腹痛。左三部皆弦小無力。右寸關俱弦滑。必起於外感內傷。挾氣下早。故食滯不下。每疼則下黃水。止作無時。下傷氣液。故作渴。遂以炒白芍藥茯苓保脾。木香青皮疏氣。炒山楂清塊中之火。當歸潤燥。陳皮甘草和中。小水不利。加澤瀉升麻車前。二劑黃水雖少。痛塊不減。用葱豉熨法。復投二劑。二便大去而安。

陳良甫治家提幹內人病心腹脹痛衆投木香枳榔大腹白芍薑桂之類病益甚診之六脉弦緊而和不似病脈但診之兩手如火以此知其熱也衆問治法曰大凡心腹刺痛不可便作虛治之或曰非冷而何熱卽生風冷卽生氣是也曰不然難經云虛則痒實則痛又仲景曰腹痛者桂枝加芍藥湯痛甚者桂枝加大黃湯家云荆布素來質弱日有可辨處遇痛時使一婢按之若痛止是虛寒症也若按之轉甚手不可近叫喚異常曰此實熱無可疑者當用大柴胡湯治之衆皆不許乃與責狀而投之八服愈良方朱丹溪治一婦上腹大痛連及兩肋以香附末湯調而安

羅謙甫治副使覃郎中年四十九歲至正丙寅春病臍腹冷痛完穀不化足昕寒而逆皮膚不仁精神困弱診其脈沈細而微遂投以大熱甘辛之劑及灸氣海百壯三里二穴各三七壯陽輔各一七壯三日後以葱熨灸瘡皆不發復灸前穴依前壯數亦不發十日後瘡亦更不作膿瘡口皆乾癸丑歲子隨朝丞應冬屯於卓多地面學鍼於竇子聲先生因論穴竇曰凡用鍼者氣不至而不效灸之亦不發大抵本氣空虛不能作膿失其所養故也雄按此是名言更加不慎邪氣必不退異日因語鍼科呼教授亦以爲然戊辰春副使除益州府判到任未幾時患風疾半身麻木自汗惡風妄喜

笑。又多健忘。語言微澁。醫以續命湯復發。其汗津液重竭。其症愈甚。因求醫還家。日久神氣昏憊。形容羸瘦。飲食無味。便溺遺失。扶而後起。屢易醫藥。皆不能效。因思內經云。陽氣者。若天與日。失其所則折壽而不彰。今因此病。而知子聲先生之言矣。或曰。副使肥甘足於口。輕暖足於體。便令足於前所言無不如意。君言失其所養何也。子曰。汝言所以養之。正所以害之。務快於心。精神耗散。血氣空虛。以致此疾。靈樞云。人年十歲。五藏始定。血氣已通。其氣在下。故好走。十七歲。血氣始盛。肌肉方長。故好趨。三十歲。五藏大定。肌肉堅。血氣盛滿。故好步。四十歲。五臟六腑十二經。

脈皆大盛。以平定。腠理始疏。華容顏落。髮頗班白。平盛不搖。故好坐。五十歲肝氣始衰。肝葉始薄。胆汁始減。目始不明。六十歲脾氣始衰。皮膚已枯。善憂悲。血氣懈惰。故好卧。七十歲脾氣始衰。皮膚已枯。八十歲肺氣衰。魂魄散離。故言善悞。九十歲腎氣燋藏。枯經脈空虛。百歲五臟皆虛。神氣皆去。形骸獨居而終矣。蓋精神有限。嗜慾無窮。輕喪性命一失。難復其覃氏之謂歟。

朱丹溪治一人痛當脅。棉棉不已。脈弦伏無力。因作挾陰治。理中加肉桂八分。附子三分。煎冷服隨愈。

薛立齋治羅給事小腹急痛。大便欲去不去。此脾腎氣虛而

下陷也、用補中益氣送入味丸一劑而愈。此等症候、因利藥致損元氣、肢體腫脹而死者不可枚舉。

副郎李孟卿常患腹痛、每治以補中益氣湯加山梔卽愈。一日因怒腹痛、脈弦緊、以前湯吞左金丸二十粒而愈。

一婦人心腹痛、諸藥不應用炒黑山梔桔梗治之而愈。

傅青主治一婦妬惡夫有所昵、忽患腹痛、輾轉地上不可忍。其夫求治、先生令持敝瓦盆置婦牀前、搗干杵服之立止。此移易性情之法、不問藥餌、張子和之後、此術不傳久矣。

一婦人少腹痛、百藥不效、一醫用杉木節童便煎服、下血而

劉紹文九
疇古文

愈醫學
綱目

汪訥菴嘗病腹中啾唧經兩月有友人見招飲以蘆稷燒酒一醉而積疴暢然蘆稷最能和中煎湯溫服治霍亂如神

華陀傳有人病腹中半切痛十餘日中鬚眉墮落陀曰是脾半腐可剗腹養活也使飲藥令卧或卽麻沸散也破腹就視脾果半腐壞以刀斷之刮去惡肉以膏傅之飲之以藥百日平

復雄按此事果實法亦不傳似可不選

趙從先治保義郎頓公苦冷疾時方盛著俾就屋開三天窓於日光下射處使頓仰卧操艾遍鋪腹上約數灸移時日光透臍腹不可忍俄而腹中雷鳴下瀉口鼻間皆濃艾氣

乃止。明日復爲之。如是一月。疾良已。乃令滿百二十日宿。
病如洗。壯健如少年時。趙曰。此孫真人秘訣也。世人但知
灼艾。而不知點穴。又不審虛實。徒受痛楚。損耗氣力。日者
太陽真火。艾旣遍腹。徐徐照射。入腹之功極大。五六七月
最佳。若秋冬間。當以厚艾鋪腹。蒙以棉衣。以熨斗盛炭火。
慢熨之。以聞濃艾氣爲度。亦其次也。

繆仲淳治高存之長郎。患腹痛。問曰。按之痛更甚否。曰。按之
則痛緩。曰。此虛症也。卽以人參等藥飲之。數劑不愈。但藥
入口則痛止。其痛每以卯時發。得藥卽安。至午痛復發。又
進再煎而安。近晚再發。又進三劑而安。睡則不復痛矣。如

是者月餘存之疑之更他醫藥則痛愈甚藥入痛不止矣
以是服繆方不疑一年後漸愈服藥六百劑全瘳

雄按治法已善

而六百劑始瘳者方未盡善也。人參三錢白芍三錢甘草一錢麥冬三錢

當歸二錢橘紅一錢五分木瓜一錢又重定方如黃肉二

錢黃柏一錢五分鼈甲二錢枸杞三錢又以飲食少時惡

心去當歸黃柏加牛膝三錢秦艽一錢五分棗仁三錢石

斛二錢延胡索一錢

廣筆記

包海亭夫人患腹痛連少腹上連心日夜靡
間百藥不效
診其脈兩寸關俱伏獨兩尺實大按之愈甚詢知其起於
暴怒風木鬱於地中投以菖蒲上柴胡中升麻下下咽噉

氣數十聲痛立已。已而作喘。曰是升之大驟也。以四磨湯。

與之遂平。同上

蔣仲芳治吳氏母年六十餘患腹痛日瀉四五行已三四年遍治不效。診之二尺沈緊曰內有沈積也。用熟大黃三錢入本病藥中煎服一帖而痛如失。沈抄本

示吉曰毛方來忽患真寒症腹痛自汗四肢厥冷諸醫束手予用回陽湯急救而痊。吳石虹曰。症暫愈後必下膿血則危矣。數日後果下痢如魚腦全無臭氣。投參附不應忽思三物桃花湯仲景法也。爲丸與之三四服愈。沈効兄抄本

徐靈胎曰。腹痛久者必有積滯。必用消積丸藥以漸除之。但

用煎方不足以愈久病也

腰痛

陶弘景曰相傳有人患腰脚弱往棗樹下食數升便能起行此是補腎之義然應生啖若服餌則宜蒸曝之按蘇子由詩曰老去自添腰脚病山翁服栗舊傳方客來爲說晨興晚三咽徐收白玉漿此深得食栗之訣也

本草綱目

竇村治一老人腰脚痛不能行步令灸關元三百壯更服金液丹強健如前琇按竇氏之法惟沉寒痼冷者宜之有此痼疾卽有此證治亦未可盡廢時誤用則受禍最

最烈矣

張仲文傳神仙炙法療腰重痛不可轉側起坐艱難及冷痺
脚筋牽急不可屈伸炙曲蹠兩文頭左右脚四處各三壯
每炙一脚二火齊下艾炷纏燒至肉初覺痛便用二入兩
邊齊次至火滅午時著炙至人定以來臟腑自動一二行
或轉動如雷聲其疾立愈此法神效卒不可量也

綱目

張子和治趙進道病腰痛歲餘不除診其兩手脈沉實有加
以通經散下五七行次以杜仲去粗皮細切炒斷絲爲細
末每服三錢猪腰子一枚薄批五七片先以椒薑淹去腥
水摻藥在內裏以荷葉外以濕紙數重封以文武火燒熟
臨卧細嚼溫酒送下每旦以無比山藥丸一服遂數日而

愈秀按此子和用補藥治也其精切簡當視後世之用補者何如

張子和女僮。久間自途來面赤如火至濺陽病腰胯大痛裏急後重痛則見鬼神。張曰此少陽經也在身側爲相火使服舟車丸通經散瀉至數益病猶未瘥人皆怪之以爲有祟。張大怒曰驢鬼也復令服調胃承氣湯二兩加牽牛頭末二兩同煎服之大下數十行約一二金方捨其杖策。但發渴恣其飲水西瓜梨柿等。張曰凡治火莫若冰水天地之至陰也。約飲水一二桶猶覺微痛乃刺其陽陵穴以伸其滯足少陽胆經之穴也。自是方寧。女僮自言此病每一歲須瀉五七次今年不曾瀉故如是也常仲明悟其言以

身有濕病。故一歲亦瀉十餘行。病始已。此可與智者言。難與愚者論也。

凡泄瀉症極多

一人六十餘病。腰尻脊膀俱痛。數載不愈。晝靜夜躁。大痛往來。痛作必令人以手搥擊。至五更雞鳴則漸減。向曙則痛止。左右及病者皆作鬼神陰譴。多方禱祝無驗。淹延歲月。肉瘦皮枯。飲食減少。暴怒日增。唯俟一死。張診其兩手脈沉滯堅勁。力如張絇。謂之曰。病雖瘦難於食。然腰尻脊膀皆痛者。必大便堅燥。其左右曰有五七日。或八九日見燥糞一塊。如小彈丸。結硬不可言。曾令人剗取之。僵下一兩塊。渾身躁痒。皮膚皺揭枯澁。如麩片。既得病之虛實。隨用

大承氣湯以薑棗煎之。加牽牛頭末二錢。不敢言是瀉劑。

蓋病者聞暖則悅。聞寒則懼。說補則從。說瀉則逆。此弊非

一日也。

雄按可謂洞明世事練達人情而况一齊人傳之衆楚人咻之乎。

及煎服使稍熱

嘸之從少累多。累至三日。天旦晚。臟腑下泄四五行。約半

盆以燈視之。皆燥糞。痺塊。及瘀血。襍臟穢不可近。須臾痛

減九分。昏睡如常人。至明日將夕。始覺饑而索粥。溫良與

之。又因睡一二日。其病盡去。次令飲食調養。日服導飲丸

甘露散。滑利便溺之藥。四十餘日乃復益虛結。與閉雖久

猶可解而決去。腰脊膀胱痛者。足太陽胆經之所過也。難經

曰。諸痛爲實。又痛隨利減。不利則痛。何由去。故凡燥症皆

三陽病也。病者旣痊，壽乃八十歲。

衛德新因之析津。冬月飲寒冒冷，病腰常直不能屈伸，兩足沈重，難於行步。途中以牀昇程，程問醫皆云：腎虛用蕤英、巴戟附子鹿茸，大便反秘，潮熱上周，將經歲矣。乃乞拯張曰：此十日之效耳。衛曰：一月亦非遲。張曰：足太陽經血多，病則腰似折，膍如結，膿如裂。太陽所致爲屈伸不利，况腰者腎之府也。身中之大關節，今旣強直而不利，宜鍼以輒之，頓服則和柔矣。難經曰：强力入房，則腎傷而髓枯。枯則高骨乃壞，而不用與。此正同。今君之症，太陽爲寒所遏，血墜下滯腰間也。原缺五字必有積血，非腎虛也。節次以藥之，下

可數百行去血一二升。次以九曲玲瓏竈蒸之。汗出三五
次而愈。初蒸時至五日問曰。腹中鳴否。曰未也。至六日覺
鳴七日而起。已能揖人。張曰。病有熱者勿蒸。蒸則填人目
也。

饒之城中某病腎虛腰痛。沙隨先生以其尊人所傳宋誼叔
方用杜仲酒浸透炙乾搗羅爲末。無灰酒調下。如方制之。
三服而愈。桂庵
小乘

薛立齋治一婦人腰痛三年矣。每痛必頭暉目緊。薛以爲肝
脾氣虛。用補肝散而愈。三年後因勞役患頭暉兼惡心。用
補中益氣湯加茯苓半夏蔓荆子而愈。

一婦人苦腰痛數年不愈。薛用白朮一味大劑服不三日而痊，乃胃氣虛之症，故用白朮也。

一婦人先腰胯作痛，後兩腿亦痛。薛以爲足三陰虛寒，外邪所傷，用小續命湯及獨活寄生湯，或作或止。所用飲食極熟，腹中方快。薛曰：邪氣去而元氣虛寒也。診其脈果沈細，用養腎散漸愈。又用十補丸而痊。

一婦人所患同前，但發熱作渴，喜冷飲食，脈洪數。按之遲濶，薛以爲血虛有熱，用羚羊角散去梔榔加白朮、茯苓數劑，更用加味逍遙散而痊。

一婦人患前症時，或膝腿作痛，脈浮數。按之遲緩，此元氣虛

而風濕所乘。用獨活寄生湯頓愈。又用八珍湯而安。

一婦人因怒患前症。寒熱往來口苦不食。晡熱內熱。薛以爲肝火血虛。先用小柴胡山梔頓愈。又用加味道逍散瘳。一婦人患前症。寒熱頭痛。殊類傷寒。此寒邪之症。用枳榔敗毒而安。又用補中益氣湯調理而愈。

龔子才治一人。跌後腰痛。用定痛等藥不效。氣血日衰。面耳黧色。龔曰。腰爲腎之腑。雖曰閃傷。實腎經虛弱所致也。遂用杜仲補骨脂五味子。山楂蔻。山藥空心服。又以六君當歸白朮神麴各二錢。食遠服。不月而瘥。

張路玉治雲沈雲步媳。常有腰痛帶下之疾。或時勞動。則日

晡便有微熱。診其兩尺皆弦。而右寸關虛。虛濡少力。此手足太陰氣衰。敷化之令不及也。合用異功散加當歸丹皮。調補胃中營氣。兼杜仲以壯關節。澤瀉以利州都。則腰痛帶下受其益矣。

江蘇總藩張公嚴。冬腰腹重痛。甲夜延診。候脈得沈洗滑而駛。遂與導痰兼五苓之製。一劑而腹痛止。三啜而腰胯馳縱自如。未嘗用腰痛之藥。沈爲熱在裡。滑爲痰。故消導分利而愈。

盧不遠治陳孟抒父。六月中受寒。尙淹淹未甚也。至次年二月。忽小腹與腰急痛。卽令人緊挽外腎。稍鬆便欲死。與羌活黃柏茯苓肉桂等劑。令刮委中。痛止而足軟。至五月天

熱身發紫癥有汗至足乃愈此乃腸腑病也經曰小腸病者腰脊控睾而痛以羌活入太陽小腸故痛隨愈其足軟未瘳者原以寒邪鬱火故需夏時則火力全而血脉之邪始去所以癥出足汗百骸暢美寒淨而火遂融通也。

吳孚先治尹瑞之腰痛異常從目內背進藥而愈或問之曰是乃精明穴也在目內背紅肉中其脉行足太陽經於腰背下應足少陰通于心腹腰背之痛從精明進藥良有奇驗古來神聖有從耳進藥者病愈而耳聾鍼之則愈矣。

蘇頌治一女子忽得小腹中痛月經初來便覺腰間切痛連脊間如刀刺錐刺痛不可忍衆醫不別謂是鬼祟妄服諸

藥終無所益其疾轉增審察前狀相當卽用積雪草藥夏
五月正放花時卽采曝乾搗節爲糝每服二方寸和好醋
二小合平旦空腹頓服之每旦一服以知爲度

天寶單行方本草綱

目

張三錫治一人瘦弱性復嗜酒致腰及兩脰痛不可忍作腎
虛治不應診之左脈濡細而數乃血虛受熱也遂以四物
湯加生地知柏牛膝肉桂少許二劑知十劑已

一人因太勞又過飲酒致濕熱乘入客於經絡腰痛夜更甚
不得俛仰脈濡而弱先與拈痛去參尤二劑稍愈遂改用
四物湯加杜仲牛膝獨活肉桂頓瘳

一人脈症同上服桔痛漸減一人改用附桂遂攻出一癰出
膿大補始消

一人肥盛而肢節痛腰更甚脉沈濡而滑知濕痰也與二陳
湯加南星二術二活秦艽防風十劑愈

一人因墜馬後腰痛不止日輕夜重瘀血諦矣與四物去地
黃加肉桂桃仁泥蘇木四服大便下黑而痊

王叔權曰舍弟腰疼出八甚艱余用火針微微頻刺腎俞則
行履如故初不炙也屢有人腰背僵僂來覓點灸子意其
是筋病使然爲點陽陵泉令歸灸卽愈筋會陽陵泉也然
則腰疼又不可專泥腎俞不灸其他穴也

陳三農治一士精神倦怠腰膝異痛不可忍或謂腎主腰膝乃用桂附之劑延兩月覺四肢痿軟腰膝寒冷遂恣服熱藥了無疑懼診伏於下及重按之振指有力此陽盛格陰乃火熱過極反見勝已之化以黃柏三錢胆草二錢芩連梔子各一錢五分加生薑七片爲之向導乘熱頓飲移時便覺腰間暢快三劑而痛若失

立齋治一婦人患腰痛脚弱弛長不能動履以人參敗毒散加蒼朮黃柏澤瀉而愈

朱鶴山老年久患腰痛用茯苓三錢枸杞三錢生地二錢麥

冬五錢人參二錢陳皮三錢白朮三錢河水二鐘煎八分

日服一劑強健再生子八十未艾

廣筆記

繆仲淳治錢晉吾文學腰痛甚診之氣鬱兼有瘀血停滯投以牛膝五錢當歸二錢五分炙甘草一錢蘇梗一錢五加皮三錢橘紅二錢製香附二錢續斷二錢水二鍾煎八分饑時加童便一大杯服二劑全愈

同上

繆之外祖李思塘少年患腰痛至不能坐立諸醫以補腎藥療之不效朱遠齋者湖眞醫也用潤字號丸藥下之去黑糞數升蓋濕痰乘虛流入腎中作苦痰去方以補藥滋腎不逾月起惜其方傳者不真

同上

李學虬曰先安人因女亡忽患腰痛轉側艱苦至不能張口
授食投以鹿角膠不愈以濕痰療之亦不效遍走使延仲
湻曰此非腎虛也如腎虛不能至今日矣用白芍藥製香
附各三錢橘紅白芷肉桂各二錢炙草一錢乳香沒藥各
七分半燈心同研細臨服下之一劑腰脫然覺遍體疼仲
清曰愈矣再煎滓服立起予駭問故仲湻曰此在素問木
鬱則達之顧諸君不識耳

廣筆記

薛治一男子年四十餘患腰痛服流氣飲寄生湯不應熟手
熨之少可蓋脈沉弦腎虛所致以補腎丸愈之

張景岳治薰翁年六旬資稟素壯因嗜火酒致濕熱聚於太

陽膀胱忽病腰痛不可忍至求自盡診六脉皆甚洪滑且小

水不通而膀胱脹急遂以大分清飲倍加黃柏龍胆草一

劑小便頓行腰痛如失。

劉宏辟曰一女病腰痛醫以杜仲補骨脂等治之不效診其脈浮細緩澀知爲風寒入于血脉耳與當歸四逆湯劑盡痛差。同年周六謙患腰痛牽及兩脇每酉戌亥三時則發餘時則否脉沉而澀予以此湯少加附子二劑而愈。次日前醫來深詆此湯之謬復進杜仲等藥腰痛如故怪而問之曰或又服他藥耶已以實對令其再服四逆湯一貼愈。

錢國賓治榆林張參戎體厚力大素善騎射壯時縱慾水敗

火虧腰胯如折。其脈寸關浮大兩尺。若有若無。不可以揖。
非人扶不起。已三年筋骨皆冷。以六味丸加河車膏。龜鹿
膠參歸桂附。補其真元腎命。年餘方能步。又五年卒。

魏玉橫曰。陸茂才父。年七十。素有肝病。偶於春分日。玉皇山
頂燒香。玉皇之高爲湖上衆山之最。晨而往。晡而歸。足力
可云健矣。至夜忽腰大痛。不可轉側。或以爲勞傷。兼感冒。

宜先表散。與羌活。秦艽等一劑。痛益劇。脉之弦硬。三五不
調。二便俱秘。面黯囊縮。日夜不得眠。曰此肝腎大傷。疎泄
太過。症瀕危矣。豈可再投風藥。以養青湯加牛膝當歸。痛
畧減。二便仍秘。且嘔惡發呃。此地氣不得下行。而反上攻。

也。前方重用熟地，外以田螺獨蒜搗爛繫臍下，二便既行，嘔呃遂止。痛忽移入少腹，控引睾丸。前方杞子至二兩，再入白芍甘草數劑漸瘥。乃畏藥停數日，覺復甚，又與數劑而安。

裴兆期治一人腰痛，用杜仲山萸當歸續斷之類，久而彌甚，就質於裴，裴細審之，其人飲食減少，時發惡心嘔吐，乃胃中濕痰之候也。且其痛臥重而行輕，每卧欲起，則腰胯重墜，不能轉側，必將身徐徐擺動，始克強起而行。迨行久，反漸覺舒和，此益濕痰乘氣靜而陷於腰胯之間，故作痛。乘氣動而流散於腰胯之外，故漸舒和。若腎虛則臥而逸痛。

必當輕行而勞。痛必當重。何以如是之相反耶。初與小胃丹五十粒。連下宿水四五行。繼以二陳湯去甘草加蒼朮澤瀉砂仁三劑。痛頓減。隨與蒼朮爲君之大補脾丸。服未旬餘。痛卽如失。

前陰

朱丹溪治吳江王氏子年三十歲。忽陰挺長腫而痛。脈數而沉實。用朴硝荆芥湯浸洗。又用三一承氣湯大下之愈。(本草)

目綱

姚蒙字以正。巡撫鄒來學嘗使視脈。蒙旣叙病源。因曰。公根

器別有一竅出汙水來學大驚曰此隱疾何由知蒙曰以

脈得之左關滑而緩肝第四葉有漏洞下相通來學改容

謝雄按左關候肝是矣何以滑緩主漏洞而斷其在某葉此皆史乘誇美之詞何必選耶

薛立齋治一婦人陰中腫悶小便澀滯兩脇作痛內熱晡熱月經不調時或寒熱此因肝脾鬱怒元氣下陷濕熱壅滯朝用歸脾湯加柴胡升麻解鬱結補脾氣升元氣夕用加味逍遙散清肝火生肝血除濕熱各數劑諸症悉愈又用四君菖歸丹皮調補肝脾而經水如期

一婦人陰中寒冷小便黃澀內熱外寒口苦脇脹此因肝經濕熱用龍胆湯祛利濕熱用加味逍遙散調補血氣而安

一婦人所患同前更寒熱嘔吐兩眼腫痛先用小柴胡加山梔一劑寒熱吐嘔頓止次用龍胆瀉肝湯一劑腫痛頓消一婦人陰中寒冷小便寒清腹中亦冷飲食少思大便不實下元虛寒治以八味丸月餘飲食漸加大便漸實又月餘諸症悉愈

一婦人陰腫下墜悶痛出水胸腹不利小便頻數內熱晡熱口苦耳鳴此肝脾火症用小柴胡車前胆草芩术升麻二劑少愈又用加味逍遙散加升麻數帖漸愈乃以加味歸脾加升麻柴胡并補中益氣加山梔數劑頓愈仍用加味逍遙散加味歸脾二藥調理全愈

一婦人患前症熱痛。或用寒涼敗毒藥飲食不入時。欲作嘔
小便重墜。此脾胃復損元氣下陷。先用補中益氣加炮薑
二劑重墜頓愈。又加茯苓半夏二十餘劑而愈。乃以歸脾
湯少加柴胡升麻。并用六味地黃丸而康。

孫文垣治一婦當暑月小便不利而痛。玉戶腫。又便血發熱。
左脉弦數。右寸短弱。此肺氣不足。肝火大熾。蓋肝爲血海。
又主疎洩二便。玉戶爲肝經所絡之地。治當疎決肝經壅
滯。俾氣暢則新血得以歸經。熱解則小水可以通而腫亦
可消矣。以滑石三錢。桃仁當歸白芍各一錢。柴胡黃連人
參各八分。川芎六分。甘草桂枝白芷各三分。四劑而瘳。

馬鳳林內子有隱疾，每月汎行子戶傍輒生一腫毒脹而不痛，過三五日以銀簪燒紅鍼破，出白膿，蓋許而消，不必膏藥，亦無疤痕。初用針刺近則以指掐之，膿即出，但汎行卽發，上下左右無定所，第不離子戶。於今八年，內外科歷治不效，且致不孕。孫曰：此中焦濕痰隨經水下流壅于子戶也。經下而痰凝，則化爲膿。本來非毒故不痛。謂痰怪病之用白螺螄殼火煅存性爲君，南星半夏爲臣，柴胡甘草爲佐，麵糊爲丸。令早晚服之，未終劑而汎行不腫。次年，俞東扶曰
孫公穎悟殊不可及。原非毒故不痛，亦格致名言。卽孕

一婦有隱疾，其夫三造門而不言，繼至欲言而面赭。孫開喻

之乃俛首曰。言之無任。主臣先生長者。諒無哂。山妻子戶
中突生一物。初長可三寸。今則五寸許矣。狀如堅筋。色赤。
大可拱把。脹而且痛。不便起止。憎寒壯熱。寢食俱減。報於
言。欲求自盡。逡巡百日矣。孫曰。乃陰挺症也。厥陰肝經之
脈。女子下系庭孔。濕熱則陰挺。猶木有濕熱而生蕈也。畢竟縱不熱則挺收爲是

與以龍膽鴻肝湯及蟄皮散。當歸黃芩牡蠣螺皮赤芍爲末。每用二錢空心服。米飲湯調下去。後數月來報云。前症果痊。茲爲汎期。一月不至。敢問曰。此有身也。彼疑疾甫愈。未必能孕。謂曰。前恙乃肝經有餘之症。肝爲血海。女子血盛。則懷胎。據血盛當先期。今汎逾期。實孕耳。非。

病也。後果足月生子。

尙某言昔在粵東與郡司李某交善後李沒其妻售濠畔街宅與尙仍分院而居兩家往來如親串然一日李妻私語尙夫人有女及笄而病病且甚異欲求尙診之而難於言夫人告尙曰與李君夙交好言之何傷李妻乃言女初患腹痛久之洩溺甚艱洩內有物能游泳或一二似有鱗鬚者取視之乃比目魚半體也身微黑止具一目其背白置水中果如所云試診之乃肝氣久鬱所致投以疎肝之劑而愈李河南人居易

一寡婦患陰中癢不可告人漸至委頓此婦平日虔奉大士

忽有尼僧來與藥一包曰以此洗之數洗而愈其藥乃蛇

床子吳茱萸苦參也

採蘭
襍志

何首烏本名夜交藤因何首烏服而得名何首烏者順州南河縣人祖能嗣本名田兒生而閼弱年五十八無妻醉卧野中見田中藤兩本異生苗蔓相交久久而解解合三四田兒心異之掘根持問鄉人無能識者遂曝乾搗末酒服七日而思人道百日而舊病皆愈十年而生數男後改名能嗣又與子庭服皆壽一百六十首烏服藥一百三十歲唐元和七年曾文象遇茅山老人遂傳其事李翹因著方錄云此偶遇靈異之品故其效如此亦理之所有何廉昉

郡伯精於醫理嘗言親見數人獲成形首烏服之果有烏
鬚延年之效又曾在河南購得潞參重十二兩在陝中購
得當歸重斤餘者其效皆異尋常又曾親至西陵山中採
沙參大如兒臂剥之外邊黑皮其中潔白如玉嚼食一
莖甘芳鮮脆頭目便覺清泰此皆生折深山窮谷之中得
天地之靈氣故其效非尋常可及特無緣者不能遇耳甘泉

錄
叢殘

富家子唐靖瘡發於陰至爛人道周守真曰病得之欲泄而
不可泄也治法宜內服龍胆湯外以甘草末擦之延壽書

有人陰冷漸漸入內陰囊腫滿晝夜疼痛不已用上好川椒

爲未帛包裹。如不覺熱，炒熱更烘，內煎大薊湯汁服妙。
陰冷雨丸如水出汗，兩脚痿弱，宜補肝湯千金方

王節齊曰：男子陰痿不起，古方多云命門火衰，祖氣虛弱，固有之矣。然亦有鬱火盛而致痿者。經云壯火食力氣譬如人在夏暑而倦怠，遇冬寒而堅強。予嘗親見腎經鬱火而有此症。令服黃柏知母清腎火之藥而效，故須審察不可徧認爲火衰。

薛立齋治一婦人吐痰發熱，遍身作痛，小便頻數，陰中作癢，日晡熱甚，曰此脾肝血虛氣滯，而兼濕熱也。用加味逍遙散加車前子而愈。

馬元儀治尤悔姪患陰莖作痛痛甚而憤遂昏迷不醒幾閱月診其兩脈浮虛而澁浮爲氣虛濇爲精傷陰陽兩虛之侯得之憂思勞鬱而傷中也經云潤宗筋者又陽氣精則養神柔則養筋今悒鬱勞倦氣血兩傷故令作痛以當歸補血湯加人參炙草調養氣血桂心秦艽紅花宣通血脈一劑而痛止復診兩脈沈微連進大劑參附諸症已平惟徹夜不寐用歸脾湯調理而安

有人陰腫醫以赤土塗之令服八味丸而愈一兒陰腫醫亦以赤土塗之愈若久病而陰腫病已不可救宜速炙水分穴蓋水分能分水穀水穀不分故陰腫不特陰腫他處亦

腫也。尤宜急服禹餘糧云。

既效方

陳良甫家婢患陰蝕就醫家療不差。蝕處作兩瘡深半寸。
良甫於涓子方中捨得甘草湯方仍以自處。蚺蛇胆散不
經七日瘡乃平復甚效。凡救十八人手下卽活遇斯疾者
請流布而傳之。

葛氏云比見人患莖頭腫攻下。瘡欲斷者以豬肉湯漬洗之。
并用黃連黃柏末塗之。又方蜜煎甘草末塗之。

于金方

立齋治一婦人陰內膿水淋漓或癢或痛狀似虫行診之少
陰脈滑此陰中有瘡也。名曰蠶。由神思煩鬱。胃氣虛弱。氣
血凝滯所致。與升麻白芷黃連木通當歸川芎白朮茯苓。

柴胡煎服。用搗腫湯熏洗。更搽蒲黃水銀。兩月餘而愈。或有胞絡虛風邪乘陰血氣相搏。令氣不塞。致陰腫痛。當以菖蒲治之。更以枳實炒熱帛裹熨之。冷則再炒。或有子臟虛冷氣下衝致陰脫出。調之下脫。或因產努力建者。以當歸散治之。久不愈者。以補中益氣湯倍加升麻柴胡升舉之。

斲閣老子陰莖腫痛。服五苓散等藥不應。診其脈左關弦數。此肝經積熱而成。以小柴胡湯送蘆薈丸。一服勢去三四。再服頓愈。

一婦人陰器腫痛。小水澁滯。遇晚寒熱交作。此肝經濕熱爲

患徐靈胎曰此濕熱輕病以龍胆瀉肝湯二服小水通利
又以四物湯兼小柴胡加花粉木通山梔服之而愈。外科正宗

以選下共
六案來入

一婦人無故發熱月餘忽陰中突出一物如雞冠一片此肝
鬱脾虛所致以補中益氣湯加青皮梔芩柴胡甘草外以
白芷蒼朮紫蘇煎湯每日熏洗十餘日其患漸小仍用前
湯倍參术月餘而安徐靈胎曰所用諸方皆浮泛不切全
無法度雖有小益總非切病之治此
風自立齋開之後遂不可
挽回矣此醫術之一變也

一婦人陰中作癢遇夜五心煩熱作渴不寐此思慮太過致
心腎不交以四物湯加龍胆草山梔知母黃連以銀杏散

納入陰中。三日其瘻漸止。又朝以八味丸。午用歸脾湯加銀柴胡茵陳。月餘而愈。

一婦人陰器半邊腫痛。身發寒熱。口乾便秘。脈實有力。以內疎黃連湯一劑。大便通利。口乾乃止。惟腫痛尤甚。此濕毒結聚。欲爲膿也。以四物湯加角刺澤瀉二劑。膿熟。脹痛又以透膿散一服。出臭膿鍾許。痛止。以八珍湯加丹皮澤瀉。十餘劑而安。

一婦人肝經風濕下流。陰器浮腫癩。甚至抓出血不痛。以消風散加苦參。胆草。澤瀉。木通。山梔。外以蛇床子湯熏洗。擦銀杏散十餘劑。痒止。腫消而愈。

一婦人婦居十餘載陰器作癢生虫。含忍不言。後陰器蝕爛已蝕內藏。莊羸發熱。作渴脈洪。而數詢其癢痛日久。陰器黑腐小水不禁。內臟已壞。不可用藥。彼苦求治。曰癢者蟲也。痛者損也。先用鯽魚數枚。以香料燂炙魚熟。以絲棉薄裹納入陰中。夾之良久。取出紅蟲。長者一寸。短者五六分。細如絲線。約二十餘條。置溫湯中。搖擺片時方死。彼家懼悅。以爲可治。曰再取再有。生化無窮。強投養血諸藥。終竟不應而死。

錢國賓曰。浙湖戴氏生女五歲。胎生雙陰。溺從上出。下戶亦流。其母病延診。以私語言及余曰。此女天生雙陰。也不聞

楞嚴經云五種不男之人卽此類也長大經行生子如常
以上竅爲正彼此勿疑撫養待配

陰寬肥皂子浸去黑皮用其白肉加白芨五倍子蛇床子石榴皮甘松三奈龍骨煎濃湯日日薰洗寬而冷者加石硫

黃煎

陰挺飛攀六兩桃仁一兩五味子雄黃各五錢銅綠四錢未之煉蜜丸每丸重四錢卽以方內雄黃爲衣坐人玉門卽愈甚者不過二次

雄按余癸卯秋視康侯副轉之疾脈滑數而右歇左促且肝部間有雀啄氣口又兼解索面色薰黃頭汗自出呼吸粗

促似不接續。坐卧無須臾之寧。便溺澁滯渾濁極臭。心下堅硬拒按。形如覆碗。舌色邊紫黃。殊不甚燥。口濁甜膩。不能飲食。一合眼。卽氣升欲喘。煩躁不能自持。胸中懊憹欲死。此濕熱誤補。氣機阻塞。津液爲之凝滯而成痰飲也。宜用溫膽湯加薤白。萎仁。通其胸中之陽。合小陷胸爲治飲。痞之妙法。參以梔豉。泄其久鬱之怒。以除懊憹。佐以蘭草。滌其陳腐之氣。而醒脾胃。連投二劑。各恙皆減。脉亦略和。病者欲速。連服大黃丸二次。承氣湯半帖。予聞急止之曰。進補固非。妄攻亦誤。此症濕蒸爲憇。灼液成痰。以上下分消爲是。不比怒邪傳府。可一蕩而愈也。越日下部漸腫。此。

犯攻痞太速之戒也。以前法加黃芩合瀉心意。再配雪羹。
投之痞漸消。痰漸吐。而目腹至足。以及腎囊腫勢日加。擬
用河間桂苓甘露飲意。或主崇土勝濕之說。余力持不可。
乃復進前日藥一劑。次日痰中見血甚多。此濕熱薰蒸。自
氣及營也。以知柏生地犀角鱗甲白芍苡仁貝母石斛茅
根麥冬滑石梔子藕汁童便。投之而止。踰數日又吐。且肢
冷自汗。心餒畏脫。合家惶惶。或議投歸脾。余堅執前議。仍
投前藥二劑。血果止。余思血之復吐。由於氣分之邪擾及
營分。今欲清氣道之邪。必先去其邪所依附之痰。因投滾
痰丸三錢。得下泄一次。病者云四十日來未有之通暢也。

連投數日。始解膠痰黑矢多遍。而小便亦漸清長。寢食漸安。惟下部之腫如故。或議用實脾行水之法。余曰。諦審脉症。病不在脾。况善饑便燥。口濁溺多方。患其轉消症。亟投甘潤之不遑。惡可滲利傷陰。補燥刮液耶。腫勢之來。良由濕熱所釀之痰飲既誤。補而痞塞中焦。復妄攻以流竄。墜絡。所謂不能一蕩而蠲。勢必旁趨四射者也。會又咳痰帶血。而精神飲食如常。與甘露飲加藕汁。童便四劑而止。咳嗽亦安。於是專治其下部之腫。以固本。加知柏貝母花粉。旋覆花。橘絡絲瓜筋。羚羊角。棟實。慈鬚。大豆卷黃。芩。薏苡仁。竹鹽。出入爲劑。二三帖。腫處癢甚。搔之水出如汗。而作

葱氣六七日後兩腿反乾瘦燥痛。腎囊亦隨之而消矣。蓋寒濕則傷陽。恣濕則傷陰。血流皆陰也。大用甘潤。尙且腫消後乾痛咽燥。設投燥脾利水。當何如哉。善後之法。宜滋養血液。少佐竹瀝以搜絡中未淨之痰庶免爲異日之累。如法服之。竟無消渴之變而愈。

鶴膝風

朱丹溪治一丈人。年七十歲。患脚膝病。稍腫。此血虛而挾濕熱也。用生地歸頭白芍蒼术炒柏川芎桂木通水煎。食前

熟服

一男子年近三十。憊味素厚性多焦怒。秋間脾樞左右一點發痛。延及膝骭。晝靜夜劇。痛處惡寒。或渴或不渴。或痞或不痞。醫多用風藥兼補血。次年春其膝漸漸腫痛愈甚。食減刑羸。至春末膝腫和桃不消。屈伸診其脈。左弦大頗實。寸澁甚右。皆數太。知其小便必數而短。遂作飲食痰積在太陰經治之。炒柏一兩。生甘草稍犀角屑。蒼术鹽各三錢。川芎一錢。陳皮牛膝木通白芷白芍各五錢。遇暄熱加條芩三錢。爲細末。每三錢重與生薑自然汁同研細。以水盪起。煎令沸。帶熱食前飲之。一晝夜四次。與至半月後。數脈漸減。痛漸輕。去犀角加牛膝敗龜板半兩。當歸半兩。如前。

服。又與半月。腫漸減。食漸進。不惡寒。唯脚膝痠軟。未能久立久行。去蒼术黃芩時當夏熟。加炒柏至一兩半。依本方內加牛膝。春夏用莖葉。冬用根梗。取汁用之。效尤速。須斷酒肉。濕麪。胡椒。當仲夏加生地半兩。冬加茱萸桂枝。

鎮江外科史姓者。曾治一人。鶴膝風。以蝦蟇用碗鋒畧破腹有縫。不可穿縛。置患處跳動移時。受毒輒死。如前再易一枚。不過三枚愈。

戒菴漫筆
李訥

孫文垣治程紹溪中年患鶴膝風。兩腿及腿肚內外。廉肉盡削。兩膝腫大。乃酒後縱欲所致。且四肢膿疥。淫濕臃腫。自分必死。家人以病久。醫藥破家。不復求治。孫以隣人之親

往診左寸關浮數。右寸短弱兩尺脈沈微。曰此氣虛血熱之侯法。當大補壯其筋骨。猶可冀生。第非百日不見功。蓋補血無速效。必漸而濡之。關節通利。骨正筋柔。腿肉自生。初以龜板芍仁各三錢。蒼耳子五加皮頭二蠶沙節節香各一錢。當歸人參黃芪蒼朮杜仲黃柏各八分。紅花八分。十刻而瘡疥漸稀。精神稍長。再以芍仁五加皮龜版各二錢。節節香蒼耳子地黃丹參蒼朮黃柏首烏各一錢。人參當歸各八分。紅花木通各五分。三十劑可倚杖而行。腿肉漸生瘡疥盡愈。膝腫消去其六。後以虎潛丸加鹿角膠首烏狗脊節節香牛膝用龜膠爲丸服。三月腿肉復完而愈。

薛立齋治韓廷儀先患風症用疎風化痰養血之藥而痊其腿膝骨肉內發熱作痛服十味固本丸天麻丸益甚兩尺脈數而無力謂此腎水虛不能生肝木虛火內動而作非風邪所致也不信又服羌活愈風丹之類四肢痿軟遍身麻木痰涎上涌神思不清曰此皆脾氣虧損不能榮養周身又不能攝涎歸源先用六君子芍歸木香數劑以助五臟生化之氣以榮養周身而諸症漸愈乃朝以補中益氣湯培養脾胃夕以六味丸滋補肝腎如此三月而安

一婦人久鬱怒膝腫脹不利內熱寒熱經侯不調遍身痠痛此胃氣虧損先用補中益氣湯加半夏茯苓三十餘劑

胃氣漸醒。又用大防風湯與歸脾湯。膝腫漸消。用加味逍遙散。大防風湯全消。又用八珍湯加丹皮調理而安。

一婦人患前症。腫痛寒熱先用大防風一劑。又用加味逍遙散四劑。月餘腫痛漸退。惑於速効。另服劫風敗毒虛症。蜂起。仍由用大防風爲主。佐以十全大補而消。又服大補湯。兩月而全愈。

一婦人患前症。兩拘中。腿股筋牽作痛。內熱寒熱。此肝火氣滯之症。先用加味小柴胡湯四劑。後以加味逍遙散爲主。佐以大防風湯而消。又患痢後。兩膝腫痛。寒熱往來。用十全大補湯爲主。佐以大防風湯而消。

一婦人患前症雖潰而腫不消朝寒暮熱飲食不思經水三四月一至此肝脾氣血俱虛也用補中益氣加味歸脾二湯各三十餘劑腫漸消而寒熱止又佐以大防風月餘而能步履再月餘經行如期又服六味丸八珍湯三月而愈一男子腿筋弛長月餘兩膝腫痛此陰虛濕熱所乘也用六味丸爲主佐以八珍湯加牛膝杜仲間以補中益氣湯三月餘而消

通府劉國威先筋攣骨痛右膝漫腫用化瘀消毒之劑腫痛益甚食少體倦加祛風消毒等藥寒熱作嘔大便不實用二陳除濕之類腫起色赤內痛如錐診其脈滑而無力此

膿已成。元氣虛而不能潰也。用十全大補湯四劑。佐以大防風湯一劑而潰。又百餘劑而痊。

一男子腿痛膝腫。脈浮按之弦緊。此肝腎虛弱也。用大防風湯二劑已退。彼惑於附子有毒。乃服治瘍之藥。日漸消瘦。虛症漸至。復求治。曰倦怠消瘦。脾胃衰而不能營運也。小便不禁。膀胱虛而不能約制也。燥熱虛痞。胃氣弱而不能化也。恍惚健忘。精神衰而昏亂也。惡症蜂集。辭之後果沒一男子患腿痛膝微腫。輕診則浮。按之弦緊。此鶴膝風也。與大防風湯二劑已退。二三日謂附子有毒。乃服敗毒藥。日漸消瘦復求治。薛謂今飲食不爲肌膚水穀不能運化精

微灌溉臟腑周身百脈。神將何依。夫氣短而促。真氣損也。
怠惰嗜卧。脾氣虛也。便不禁。膀胱不藏也。時有躁熱心
下虛痞。胃氣不能上榮也。恍惚健忘。神明亂也。不治後果
然。此症多患於不足之人。故以加減小續命大防風二湯
有效。若服攻毒藥必誤。

一婦人膝腫痛。遇寒痛益甚。月餘不愈。諸藥不應。脈弦緊。此
寒邪深伏於內也。用大防風湯及火龍膏治之而消。大抵
此症雖云腫有淺深。感有輕重。其所受皆因真氣虛弱。邪
氣得以深襲。若真氣壯實。邪氣焉能爲患也。故附骨癰疽。
及鶴膝風症。虛者多患之前人用附子者。以補溫腎氣。而

又能行藥勢散寒邪也。亦有體虛之人。秋夏露臥爲冷氣所襲。寒熱伏結。多成此症。不能轉動。乍寒乍熱而無汗。按之痛應骨者是也。若經久下消。極陰生陽。寒化爲熱而潰也。若被賊風所傷。患處不甚熱。而酒淅惡寒。不時汗出。熨之痛止。須大防風湯及火龍膏治之。若失治。爲彎弓曲偏枯堅硬如石。謂之石疽。若熱煖積日不潰。肉色紫赤。皮肉俱爛。名綬疽。其始末皆宜服前湯。欲其驅散寒邪以補虛托裡也。

一人患鶴膝風五年。敷藥三日卽愈。王心涵傳乳香沒藥各一錢。五分地骨皮三錢。無名異五錢。麝香一分。各爲末。

車前草搗汁入老酒少許調敷患處

廣筆記

立齋治一男子左膝腫大三月不潰謂體虛之人風邪襲於骨節使氣滯而不行故膝愈大而腿愈細名曰鶴膝風遂以大防風湯三十餘劑而消張上舍亦患此伏枕半載流膿三月彼云初服大防風去附子一錢服三十餘劑少愈乃去附子五錢服至三十餘劑將愈乃去附子更以三十餘劑而痊蓋桂附當用而不用則無功也。

王汝道膝腿腫筋骨痛服十宣散不應脈沈細以五積散二劑而痛止更以十宣散去桔梗加牛膝杜仲三十餘劑膿潰而愈此寒氣之腫八風之變也

脚氣

蘇頌曰火氣脚氣最爲急症有人患此以袋盛赤小豆朝夕踐踏輾轉之久久遂愈

本草綱目今人多誤爲相思子其實即食豆赤點而點小者耳其紅

大者不

入藥

竇材治一人患脚癟兩脇骨連腰日夜痛不可忍爲灸涌泉穴五十壯服金液丹五日全愈

一女子患脚氣忽手足遍身拘攣疼痛六脈沈大乃胃氣盛也服宣風丸三十粒泄去而愈

張文定嘗苦脚疾無藥可療一日遊相國寺有賣藥者得蒙

豆兩粒服之遂愈。瑤琊代醉編

劉敬叔云滌陽鄭醉之字道子爲尚書左僕射女腳患癓癬就王僕醫僕陽請水澆之餘澆庭中枯樹既生女腳亦瘥樵書

初編

鄱陽周順治一士人脚弱病方書羅列積藥如山而疾益甚令屏去但用杉木爲桶濯足及令排樟腦兩股間以脚裸繫足定月餘而安健如故南方多此疾不可不知遜齋間覽

葉天士治一婦人血少氣多大便後脚痛而麻用當歸白芍曰米青皮地黃川芎甘草桃仁煎服

薛立齋治一婦兩乳赤痛寒熱口苦嘔吐懶飲食面色青黃

此肝木乘脾土用小柴胡湯加山梔升麻茯苓二劑頓愈。
又用六君子湯加柴胡山梔卽愈。

一婦人飲食勞役兩賸兼腹疼痛或時寒熱。薛以爲脾虛濕下陷。用補中益氣湯加山楂茯苓半夏治之而痊後復作用六君湯加柴胡山梔全愈。

一婦人經行後寒熱晡熱兩腿作痛此肝經血虛也用加味逍遙散加山梔治之而愈後因勞日晡內熱或用四物黃柏知母之類前症益甚更加食少作泄薛以爲元氣下陷。前藥復傷先用六君子湯加補骨脂二劑調補脾胃而瀉止食進。又用補中益氣湯升舉元氣而痊。

一婦人年三十有七。早孀居。兩腿骨作痛。晡熱體倦。月經不調或發寒熱數年矣。一日頸項兩側結核。兩脇脹痛。此係肝經鬱火而成也。先用小柴胡湯合四物數劑。肝症頓愈。又用加味逍遙散加澤蘭乳香沒藥三十劑。血症漸痊。再用加味逍遙散藥年餘而安。

一婦婦兩腿作痛。或用除濕化瘀等藥。遍身作痛而無定處。薛曰。此血症也。不信。仍服流氣飲之類而歿。

一放出宮人年四十餘。臂胞肉股作痛。晡熱口乾。月經不調。此係肝經血少不能養經絡而然也。宜用加味逍遙散加澤蘭葉五十餘劑。諸症稍變。又以歸脾湯兼服二百餘劑。

而痊。

一放出宮人臂腿腫痛、內熱晡熱、惡寒、體倦、咳嗽、胸痞、月經過期而少。彼以爲氣毒流注、服清熱理氣之劑益甚。薛曰：此乃肝經瘀血停留所致。蓋肝經上貫鬲布、脇肋循喉嚨、下循膕內廉繞陰器抵少腹。主治之法當補其所不勝、而制其所勝而已。補者脾、制者肝也。經曰：虛則補之、實則瀉之。此定法也。彼不信、仍服前藥、遂致不起。

薛立齋治一儒者、兩足發熱、腳跟作痛、用六味丸及四物湯加麥冬、五味、玄參治之而愈。後因勞役發熱、惡寒、作渴煩躁、用當歸補血湯而安。

一婦人下體腫痛、用人參敗毒散、加蒼朮黃柏威靈仙、痛減、又以四物湯加蒼朮黃柏防風紅花澤瀉而安。

一人足熱口乾吐痰頭暈、服四物湯加黃連黃柏飲食卽減、痰熱益甚、用十全大補湯加麥冬五味山藥山萸而愈。

吳孚先治褚仁甫病足腫虛弱無力、頗能食、醫與二妙散加米仁木瓜牛膝防風之類、愈服愈憊、此脾虛濕熱下陷、法當補脾升舉、誤用下行之劑、故愈下陷也。凡診是症、須審右寸不數、并能食否、如數又不能食、則是痿症、宜清肺熱、不可不知、卽痿不可作痺治是也

張路玉治褚廷嘉患腳氣痼疾、恒服腎氣丸不徹、六七年來

宿患懶除之。乃彙取附桂附耆附參附等法。兼采八風散中菊花。鼈甲湯中鼈甲貝齒。羚羊犀角風引湯中獨活防已竹瀝湯中薑汁竹瀝爲丸。共襄祛風逐濕之功。服後必蒸蒸汗出不終劑而數年之症頓愈。

沈汝楫子夏月兩膝脛至脚痛極僵挺不能屈者十餘日。或用敷治之法不效。其脈大而數。令拭去敷藥。與當歸拈痛湯二劑。汗出而愈。

陸養愚治邵完吾左臀尖腫痛。引至膝脣。行動不便。坐卧亦艱。治療半年無效。肌肉盡削。診之沈弱似緩。按之遲遲。兩尺沈數。曰此由元氣虛弱。寒濕乘之。胃氣不升。陰火伏憲。

於下當壯元升陽導濕清熱則痛自止用補中益氣湯加
蒼朮黃柏猪苓澤瀉桂附少許十劑其痛頓釋後去桂附
五芩倍人參歸身月餘肌肉漸生

張三錫治一人素有脚氣每發則引腰痛不可俛仰其人雄
飲明是濕熱脈濡而數投桔痛湯八帖漸減遂以捉虎丹
酒下二丸空心服凡三服腿腕出黑汗不再發

陳三農治一人熱從腳起入腹視其形體實作濕鬱熱成之
疾治之以潛行散加牛膝防已丸服之而卽愈

一婦積勞病兩足如火燒卽惡寒壯熱頭疼眩暈齒痛齒浮
安卧片時少減日二三發此氣血俱虛虛火妄動所致以

十全大補湯加五味四劑而愈

朱丹溪治一婦人脚疼怕冷夜劇日輕用生地白芍歸尾各
五錢炒黃柏黃芩白朮五分四帖水煎帶熱服

一婦人脚又骨病用蒼朮白朮陳皮白芍各三錢木通二錢
甘草五分二服送大補丸五十粒

儒者章立之左股作痛用清熱滲濕之藥色赤腫脹痛連腰
脇腿足無力此足三陰虛用補中益氣六味地黃兩月餘
元氣漸復諸症漸退喜其慎疾年許而痊

府庠鍾之英兩腿生瘡色黯如錢似癰者三四瘡痛相循膿
水淋漓晡熱內熱口乾面黧此腎虛之症用加味六味丸

數日而愈。此症若用祛風敗毒之劑，以致誤人多矣。

一男子素遺精，脚跟作痛，口乾作渴，大便乾燥，午後熱甚，用補中益氣加白芍、元參及六味丸而愈。

周都憲兩腿作痛，形體清瘦，肝脈弦數，却屬有餘之症，用龍膽湯治之愈。

一婦人兩腿作痛，不能伸展，脈弦緊。按之則澁，先以五積散二劑，痛少止。又一劑而止，更以神應養真，而能屈伸。

一男子腿痛，每痛則痰盛，或作嘈雜，脈滑而數。以二陳湯加升麻二味，澤瀉羌活，南星治之而安。

一男子素有腳氣，脇下作痛，發熱頭暈，嘔吐，腿痺不仁，服消

毒獲心等藥不應。左關脈緊。右關脈弦。此亦是脚氣也。以半夏杜經湯治之而愈。

一男子脚軟腫痛。發熱飲冷。大小便秘。右關脈數。乃是陽明經濕熱流注也。以大黃左經湯治之而愈。

一男子腰脛兼踝脚皆焮痛。治以加味敗毒而愈。

一男子兩腿腫痛。脈滑而緩。此濕痰所致也。先以五苓散加蒼朮黃柏。二劑少愈。更以二陳二木枳榔紫蘇羌活獨活牛膝黃柏而瘥。夫濕痰之症。必先以行氣利濕健中爲主。若氣和則痰自消而濕亦無所容矣。

一婦人兩腿作痛。脈濶而數。此血虛兼濕熱。先以蒼朮黃柏

知母龍胆草茯苓防風防已姜活數劑腫痛漸愈又以四物湯加二术黃柏牛膝木瓜月餘而愈。

一婦人脚脛腫痛發寒熱脈浮數此三陽經濕熱下注爲患。尙在表用加味敗毒散治之不應乃瘀血凝結藥不能及也於患處砭去瘀血乃用前藥二劑頓退以當歸拈痛湯四劑而愈楊大受云脚氣是爲壅疾治法宜宣通之使氣不能成壅也壅既成而甚者砭去惡血而去其重熱經云畜則腫熱砭泄之後以藥治之。

一婦人兩腿痛遇寒則筋攣脈弦而緊此寒邪之症以五積散對四物湯數劑痛止更以四物湯加木瓜牛膝枳殼數

月餘而愈

一男子腿腫筋攣不能動履以交加散二劑而愈
一婦人患腿痛不能伸屈遇風寒痛益甚諸藥不應甚苦先
以活絡丹一丸頓退又服而瘳次年復痛仍服一丸頓退
大半更以獨活寄生湯四劑而愈

一男子素有腳氣又患附骨疽作痛服活絡丹一丸二症並
瘥上舍俞魯用素有疽不能愈因患腿痛亦用一丸不惟
腿患有效而疽亦得愈矣夫病深伏在內非此藥莫能通
達但近代始有此藥引風入骨如油入麵之說故後人多
不肯服大抵有是病宜用是藥豈可泥於此乎

一男素有腿痛。飲酒過傷。痛益甚。倦怠。脈弱。以六君子湯加山楂。神曲。蒼朮。芎歸。升柴。而愈。

一老人素善飲腿。常疼。痛脈洪。而緩。先以當歸拈痛飲。候濕熱少退。後用六君子湯。加蒼朮。黃柏。澤瀉。治之。而痊。

一男子每飲食稍過。胸膈痞悶。或吞酸。兩腮作痛。用導引丸二服。頓愈。更以六君子湯。加神曲。麥芽。蒼朮二十餘劑。遂

不復作。河間云。若飲食自信。脾胃乃傷。則胃氣不能施行。脾氣不能自布。故下流乘其肝胃之虛。以致足腫。加之房事不節。陽虛陰盛。遂成脚氣。亦有內傷飲食。脾胃之氣有虧。不能上升。則下注爲脚氣者。宜用東垣開結導引丸。開

導引水運化脾氣。如脾虛濕氣壅遏。通致面目發腫。或痛者。宜用導滯通經湯。以疏導之。

一婦人患腿兼足脛彎。攣痛。服發散藥愈甚。尺脉弦緊。此肝腎虛弱。風濕內侵也。以獨活寄生湯治之。痛止。更以神應養真丹而弗攣矣。

王執中舊有腳氣疾。遇春則足稍腫。夏中尤甚。至冬漸消。偶夏間依素問註所說三里穴之所以溫鍼微刺之。翌日腫消。其神效有如此者。謬刺且爾。況於炙乎。有此疾者。不可不知。千全謂腳氣宜鍼灸藥三者並用。火載之謂不許其炙。指迷方云若覺悶熱不得炙之。

凡灸脚氣三里絕骨爲要。而以愛護爲第一。王舊有此疾。不

履濕則數歲不作。若履濕則頻作。自後嘗忌履濕。凡有水濕。不敢著鞋踐之。或立潤地亦不敢久須。頻移足而後無患。此亦愛護之第二義也。有達官久患腳氣。多服八味丸愈。亦以腳氣衝心。惟此藥能治。

有人舊患腳弱。且瘦削。後灸三里絕骨而脚如故。益知黃君鍼灸圖所謂絕骨治腳疾神效。信然也。同官以腳腫灸承山一穴。瘡即乾。一穴數月不愈。不曉所謂。亦將攝失宜耶。是未可知也。

王執中母氏常久病。夏中脚忽腫。舊傳夏不理足。不敢著艾。謾以針置火中。令熱於三里穴刺之。微見血。凡數次其腫。

如去執中素患脚痛腫見此奇效亦以火針刺之翌日腫亦消後常灸凡治此當先三里而後之陽蹻等穴也。

王執中患脚氣指縫爛每以茶末摻之愈他日復腫而爛用茶末不效漸腫至脚背上以爲脚氣使然竊憂之策杖而後敢行偶賣药僧者見之云可取床薦下塵摻之如其言而愈此物不值一錢而能愈可憂之疾其可忽哉

一人筋動於足大指漸漸上來至大腿近腰結了奉養且厚因酒食作此是熱傷血四物湯加酒黃芩紅花蒼朮南星愈宜是
丹溪

忠州太守陳逢厚傳云渠前知坊州回署中取涼食反至秋

忽然右腰腿痛疼、遠及膝脰、曲折不能適經月、右脚艱於舉動、凡治腰脚藥服之無效、兒子雲安刊曹偶在商然助教處得養腎散方服之、纔一服、移刻舉身麻痺不數刻間脚遂屈伸、再一服即康寧、又坊州監酒某年幾四十、虛損兩脚不能行步、試與此藥初進一錢、大脚麻木、遂能起立再服一錢、大小指拇皆麻、迤邐可能行、三服馳走如舊、太室居士得此方乾道己丑歲在鄂州都幕府曰、宋判院睿言久病脚膝緩弱、不能行步、傳之數日來謝、此疾經年無藥不服、得方次日即合二服見效、五服良愈、今有力能拜起矣、後數日又云因浴遍身去薄皮加糊、肌骨遂瑩其效

如神其方用全蝎半兩天麻

三錢

一兩去黑皮

草烏頭

二錢去皮

脚生黑附子

二錢炮去皮膚

右爲細末拌勻如腎氣

豆淋酒調一

大錢豆用黑大豆能除去脚筋骨疼痛其效如神藥氣所

至麻痺少時須臾疾隨藥氣頓愈

金山長老於張顯學甘露寺齋會上說此方渠舊患脚氣曾

於天臺一僧處傳方用木瓜蒸艾服之漸安從來往金山

日日登陟脚更輕快又一堂衆處得此方合服頗覺輕健

勝前方云破故紙炒舶上茴香酒浸一宿炒葫蘆巴

炒牛

腳生黑附子

酒浸一宿

肉蓯蓉

酒浸一宿川斷續

棟淨生用

杜仲

去粗皮姜汁製一

晝夜炒令絲短黃

色用各四兩同爲細末右用艾四兩去枝梗秤以大木瓜四

個切作合子去盡穰以艾實之用麻綫札定蒸三次爛研和藥爲丸如梧桐子大每服五七十九溫酒鹽湯食後服申屠府判傳脚氣流注四肢手指腫痛不可屈伸四物湯去地黃加附子入薑煎服如常法遇疾作時服之必愈

是齋云脚氣上攻流注四肢結成腫核不散未熟焮痛及治一切腫痛用甘遂爲細末以水調傳腫處又濃煎甘草一服服之其腫即散二物本相反須兩人買各處安頓切不得之牛馬牙人醫者之意正取其相反故以甘遂傳其外而以甘草引於內所以取效如磁石引針之義也並集

立齋治余舉人弟及年二十腿膝腫痛不能伸屈服托裡藥
反甚以人參敗青散加梔榔木瓜柴胡紫蘇蒼朮黃柏而
愈

黃錦芳治李某腳氣痛不可以着手燒熱異常且陰囊燥裂
癢不可當左手脈極弦極數右手稍遜飲食如故但不時
懸飢夜則煩躁不寧二便不甚疏通此內火發動而外爲
風邪所鬱也不可用辛燥追風逐濕之藥宜大瀉肝胆則
腳痛自定用瀉青湯投之取其內有胆草等瀉厥陰之火
防風除外受之風大黃除腸胃內閉之熱一服而減再服
便通而愈令服六味丸滋陰以善其後

雷作楫臟體素寒，兼又嗜酒，以致少陰真火藉酒上游，而脚底反無火護。一遇寒襲，即不能點地。乾隆甲申春，因脚筋掣痛，或令服老貫草，致脚痛不能動。黃視之，其脚冷而緩，要用熱手緊按。方定飲食不入，時吐冷涎，取姜汁炒半夏，重加桂附、仙茅、乳香、沒藥、杜仲、續斷等藥，大劑煎服而愈。王洪緒治鶴膝方：用新鮮白芷酒熬成膏，每日以陳酒送服，再取三錢塗患處，至消乃止。或內服陽和湯，外以白芥子爲粉酒釀調塗，亦自消。

足跟腫痛

薛立齋治通府黃廷用飲食起居失宜。兩足發熱口吐痰白。
用二陳四物並甚。兩尺數而無力。此腎虛之症也。不信。仍
服前藥。足跟熱痒以爲瘡毒。又服導濕之劑。赤腫大熱。外
用敷藥。破而出水。久而不愈。及用追毒丹。瘡實如桃。始信
薛言。滋其化源。半載得瘥。

一男子素不慎起居。內熱引飲食作渴。體倦。兩足熱。後足跟
作痛。或用消熱除濕之劑。更加發腫。又服敗毒之藥。焮赤
痛甚。恰用祛毒清熱。潰烈翻張。狀如赤榴。熱痛如錐。內熱
晡熱。此因足三陰虧損。朝用十全大補。夕用加減八味丸。
外敷當歸膏。兩月餘而愈。其服消毒等藥而歿者不能枚

舉

薛立齋治一婦人素血虛。因大勞。兩足發熱。晡熱月經過期。
或用四物芩連飲食少思。胸痞吐痰。用二陳枳實黃連。大
便不實。吐痰無度。足跟作痛。曰足熱晡熱月經過期。肝脾
血虛也。胸痞吐痰。飲食不思。脾胃氣虛也。蓋胃爲五臟之
根本。胃氣一虛。諸虛悉至。先用補中益氣加茯苓半夏。脾
胃漸健。乃佐以六味丸。不兩月而痊。

一婦人勞則足跟熱痛。作陰血虛。用八珍湯而痊。後遍身搔
癢。服風藥發熱抽搐。肝脉洪數。此肝家血虛火盛生風。以
天竺黃。胆星爲丸。用四物麥冬。五味芩連。炙草山梔柴胡。

煎送而愈

一婦人兩足發熱。足跟作痛。曰晡熱甚。此肝腎血虛。用逍遙散六味丸。五十餘劑。諸症愈。

朱丹溪治一人足跟痛有血熱。用四物湯加黃柏知母牛膝之類。治法薑

一膏梁之人。兩脚發熱作渴。左尺脉數而無力。謂此足三陰虧損。防患疽不信。反服清熱化痰之藥。更加晡熱頭暈。又服四物知柏。曰晡熱甚。飲食漸少而發疽。乃用補中益氣六味地黃百餘而愈。其不信以致不起者多矣。

一治腳汗。用楊花著鞋中。或加綿絮入在內。尤佳。

百乙

治遠行脚腫痛方用之可行千里輕便甚妙防風細辛烏藥等各爲細末掺在鞋內如著草鞋即以水微濕過然後掺藥一法以蚯蚓塗腫處高閣起脚一夕即愈

醫說續編

立齋治楊錦衣脚跟生瘡如豆大痛甚狀似傷寒謂獵人被兔咬脚跟成瘡淫蝕爲終身之疾若人脚跟患瘡亦終不愈因名兔瘡也遂以還少丹治之少可次因納寵作痛反服攻毒藥致血氣愈弱腿膝瘦軟而死蓋足跟乃二蹻發源之處腎經所由之地若其瘡口不合則蹻氣不能發生腎氣由此而泄必將爲終身之疾况彼瘡先得於虛復不知戒雖大補氣血猶恐不及况服攻毒悍藥以戕賊之乎。

王大國治南昌司理胡慎三左足患癰直穿腳底醫已數易
日甚一日痛楚幾絕國至命急去敷藥止服湯劑司理曰
湯劑豈能生肌耶國曰願限半月全愈服至三四日瘡口

漸合司理大喜繩二十日肌肉已滿

江西通志

柴嶧青治李學士向山長男孝廉忽患兩足涌泉穴中俱有
隱隱一青圈旋即破口出水疼痛異常延醫治之俱不識
其症診之兩尺極微弱症屬少陰不足所致遂定十全大
補湯乃以年少畏服力勸之服二十劑而愈

續名醫類案卷十九終

1650

續名醫類案卷二十

錢塘魏之琇編集

海昌王士雄孟英
定州楊照藜素園同校

遺精

孫文垣治一人色慾過度夢遺精滑先服清相火之劑不效繼用固澁之劑亦無功求孫治與以玉華白丹濃煎人參湯送一錢雄按此丹必須脈象微弱別無實火症者始可暫用兩服後稍固兼進六味地黃丸加蓮鬚芡實遠志五味子凡一月而愈玉華白丹鍾乳粉白石脂陽起石左顧牡蠣

李妓兩寸短澁兩尺洪滑。關弦孫診之間，經可行否？曰：僅行一日亦點滴耳。日此脈在良家主夢遺，若不宜有也。日：良然。卽御客時亦或遺，遺則冷汗淫滯，體倦不能支，不與藥。或問故曰：金木相勝，心神無主，法在不治。或謂人尙無恙，何便至此？曰：亥爲春令，當金之時，猶然猖獗，設在卯月，木旺火相，則肺金枯瘦，水之上源竭矣。且腎脉洪滑。雄按：洪滑爲火是矣。滑則未必爲陰虧，審爲是脈，不過血熱耳。如果陰虧虛而慾火內熾，尺脉必然洪數，加以關弦，必死于春夏矣。妓以慾勝陰血，既虧淫火愈熾，陰虛則病，陰絕則死。今已咳嗽，其死見矣。烏可治乎？次年二月果死。

薛立齋治朱工部勞則遺精，齒牙卽痛，用補中益氣加半夏。

茯苓白芍

雄按勞則遺精火浮齒動補中益氣何可投乎雖佐滋陰未足爲訓

并六味地黃

丸更以十全大補加麥冬五味子而痊

一男子白濁夢遺兼脚跟作痛口乾作渴大便閉澀午後熟甚用補中益氣湯加白芍元參并加減八味丸而愈

龔子才治陳桂林秀才患夜夢遺精每月一二二次或三五次遺後神思昏沉身體困倦診之六脈微濇無力此陰虛火動之症以辰砂既濟丸加紫河車龍骨服之數月奏效奈數患不能謹守因口占俚語一章以戒之曰培養精神貴節房更祛塵慮要周防食惟半飽宜清淡酒止三分勿過傷藥餌隨時應勉進功名有分不須忙幾行俚語君能味

便是長生不老方

黃履素曰。余年三十外。曾患遺精。龜頭時有精。微微流出。晝夜當然。初時驚懼特甚。人身中幾許精血。而堪此涓涓不絕乎。醫之高明者。謂爲無害。但毋服濁藥。

雄按惟火症故不可濁虛寒精

滑澁之何害。醫者先須審證。不可偏守一法也。緣病以服附子得之。知是火證。但涼補而勿熱補。用六味丸加沙苑蒺藜菟絲子及炒黃柏

少許等藥。將此病付之度外。莫寘諸懷。如常調理。凡兩年

始全愈。龍骨牡蠣等藥從未入口。蓋人身中惟氣血周流

斯快暢。豈可澁之使滯。雖得暫效。爲害實深。患者審之。予

初有懼心。及兩年間應酬如常。絕無倦態。豈此精與交媾。

之元精不同故無大害耶

張路玉治韓慕廬季子素稟清癯宿有精滑不禁之恙診之脉微弦而數尺中略有不續之狀此不但腎氣不充抑且氣秘不調致不能司封藏之令與六味丸去澤鴻加鱠膠五味畧兼沈香於補中寓宣法雖如此但久滑竅疏難期速效耳

李士林治一人考試勞神患精滑小便後及夢寐間俱有遺失自服金櫻膏經月不驗李診之曰氣虛而神動非遠志丸不可服十日減半一月全愈

士叔權曰有士人年少寃炙夢遺爲點腎俞穴令其炙而愈

不拘老少皆腎虛也。古人云百病皆生于心。又曰百病皆生于腎。心勞生百病人皆知之。腎虛亦生百病人或未知也。蓋天一生水。地二生火。腎水不上升。則心火不下降。茲病所由生也。人不可不養心。不可不愛護腎也。資生經

平江譚醫云。夫遺泄尋常只治心腎。未有別治。以素問仲景考之。當治脾。服之屢效。用厚朴二兩薑汁製。羊脰一兩炭火煅過。通紅取也。右二味白水麵糊爲丸。如梧桐子大。每服百丸。至三百丸。米湯下。集成同上雄按中焦有濕熱者宜之。與松石猪肚丸同功。非可概治一切之遺也。

陸祖愚治一人。因作文夜深。倚几而卧。卧即夢遺。明早吐血。

數日數日後復吐自此或間日或連日或數日或吐血或
夢遺或與六味地黃湯幾百帖卽加減亦不出滋陰清火
而已數月不愈口乾微歎惡風惡寒懶於動作大便溏小
便短赤脈之豁大無力沈按則駛曰此症非得之房室乃
思慮太過損其心血心血虛則無以養其神而心神飛越
因有夢交之事神不守舍則志亦不固而腎精爲之下遺
腎虛則火益無制逼血妄行而吐上刑肺金而歎其畏風
寒而懶動作者火爲元氣之賊火旺則元氣自虛也其肌
肉削而大便溏者思慮損其心血即是傷其脾陰也與歸
脾湯二十劑吐遂減半又二十劑諸症俱痊百劑而精神

加倍矣

繆仲淳治婁東王官壽患遺精，聞婦人聲卽泄，瘠甚，欲死。醫告術窮，繆之門人以遠志爲君，蓮鬚、石蓮子爲臣，龍齒、茯神、沙苑蒺藜、牡蠣爲佐使，丸服稍止，然終不斷。繆於前方加鰣膠一味，不終劑而愈。

趙景之太史未第時，因肄業勞心，太過，患夢遺症已三四年矣。不數日一發，發過則虛火上炎，頭面烘熱，手足冷逆，終夜不寐，補心腎及潛精藥無不用過。壬申春偶因感冒，來邀診視，談及前症之苦，爲疏丸方，以黃柏爲君，佐以地黃、枸杞、蓮鬚、鰣膠、萸肉、五味草、前天麥冬之類，不終劑而瘳。

初景之疑黃柏大寒不欲用。謂尊恙之所以久而不愈者。政未用此藥耳。五臟苦欲補瀉。云腎欲堅急食苦以堅之。黃柏是也。腎得堅。則心經雖有火。而精自固。何夢遺之有哉。向徒用補益收澁。而未及此。故難取效。

立齋治王上舍遺精勞苦愈甚。切中結核。服清心蓮子飲。連翹消毒散。不應。以八珍湯加山藥萸肉遠志十餘劑漸愈。更以茯苓丸治之。遂不復作。葉巡檢患此。云諸藥不應。虛丹穀與八味丸治之而愈。

徐靈胎曰。遺精治法。不外乎填精鎮心。本無神妙方法。俗醫往往用溫熱及粘膩等物。必至傷人。蓋此症總有伏邪爲

患如火如痰如濕如風。必須搜剔餘邪。兼以調和臟氣。委曲施治。方無變症。一味安神填腎。猶多未盡之理也。

淋濶

沈朗仲治王雨泉壯年氣弱溺後精水淋漓不斷服六味丸不應易八味丸反加澁痛兩尺脉數而氣口虛大此土虛不能隄水也與補中益氣加麥冬五味十劑而痊。張氏醫通

薛立齋治一婦人善怒或小腹痞悶或寒熱往來或小便頻數時下白淫藥久不愈面青口苦薛以其積癥而不能發散所致用龍胆瀉肝湯而愈用加味逍遙散八珍湯間服

而安

龔子才治一男子、莖中痛、出白津、小便閉、時作痒、用小柴胡
加山梔澤瀉木通炒連胆草茯苓二劑頓愈、又兼六味地
黃而痊

司廳陳石鏡久患白濁、發熱體倦、用補中益氣加炮薑四劑
白濁稍止、再用六味地黃丸兼服、諸症悉愈

少宰汪涵齋患頭暈白濁、用補中益氣湯加茯苓半夏、愈而
復患腰痛、用山藥山萸五味草薢遠志頓愈、又因勞心盜
汗白濁、以歸脾湯加五味而愈、後不時眩暈、用八味丸全
愈

孫文垣治一人稟質素強縱飲無度忽小便畢有白精數點
自以爲有餘之疾不治經三月以來雖不小便時有精出
覺頭目眩暈此上病多由下之證驗也雄按據脈
證治驗則此頭暈亦非下虛使然醫者以

固精澁脫之劑治之兩月畧不見功診之六脉滑大此因
酒味濕熱下注精藏遂以白朮茯苓橘紅甘草乾葛白豆
蔻加黃柏少許兩劑卽效不十日全安。

潘見所患白濁精滛下治三年不效孫診之兩寸短弱兩
關滑兩尺洪滑曰疾易愈第待來年春仲一劑可瘳問故

曰素問云必先歲氣毋伐天和今所患爲濕痰下流症也
而脈洪大見於尺部爲陽乘於陰法當從陰引陽今冬令

爲閉藏之候。冬之閉藏，實爲來春發生根本。天人一理。若

強升提之，是逆天時而洩元氣也。

雄按此治內傷之經旨也。而薛氏不拘何症動

輒補中益氣。雖明知其爲陰虛陽浮，亦不輕割愛連篇。屢續垂訓後人。余恐受其害者不僅當時求治之人也。

後醫者接踵竟無效至。春分逆孫以白螺螄殼火煅四兩。

爲君牡蠣二兩。

固滯爲臣半夏。

消痰葛根升陽明

升少陽之清氣

柴胡升少陽之清氣

苦參。

燥濕各一兩爲佐黃柏堅骨。

一兩爲使。麵糊爲丸。名端本丸。令早晚服之。不終劑而愈。

李士材治李郡侯白濁。服五苓散數劑無功。診之。兩尺大而濁。是龍火虛火精瘀竅道用牛膝茯苓黃柏麥冬山藥遠

志細生甘草十劑而安。

吳光祿閉精行房患白濁莖中痛如刀割自服瀉火疏利之劑不效改服補腎之劑又不效李診之曰精久畜已足爲害况勞心之餘水火不交坎離頻用也有語病用草薢分清飲加茯神遠志肉桂黃連四劑卽效兼服補中益氣一二劑而愈

陸祖愚治韓舜臣年近三旬夏月遠歸連宵多事卧當風涼致成瘧疾間日一發自以爲虛而投參附凡用參二三錢及五錢者數十劑一醫用參一兩附三錢又八劑服參約及二斤其病寒輕而熱重偶于靜坐時覺陽道微濕以紙拭視如漿糊一點白而光亮訝爲滑精滲漏若此無怪大

劑補養無效決死無疑及診視正當悲哀之後面赤如粧六脉洪滑而數曰脈候無事不必張皇令將溺器滌淨次早診之脈畧和而仍滑大令傾溺器中有白膩稠精約半碗許乃曰當此短夜去已如許之多則從朝至暮自當加倍此是白濁非滑精也

雄按此症誤投溫補設無白濁以爲去路則早殆矣試思少

壯之時每交感輸洩之精能有幾何病者始大悟乃用草

薢分清飲川萆薢石菖蒲益智烏藥茯苓甘草四劑其症

減半又以二陳湯加升麻柴胡蒼朮十餘劑濁淨而

廬亦止夫奇經之脈督行于背脊任行于腹外衝行于腹

中溺出于前自膀胱而來精出于後自夾脊腎藏而來男

濁女帶。自胃家傍衝而下。蓋衝爲血海。其脈起于脅中。丹溪曰。胃中濁液下流。滲入膀胱。曾詢患濁者。小水或渾或清。其濁或隨溲溺而下。或不時淋沥。可見與膀胱竟不相干。又見患此症者。經年累月飲食照常。起居如故。非胃家濕熱而何。此君加之以勞頓醉飽。陰虛食涼而得。故得補益甚。丹溪曰。二陳湯加升麻。能使大便潤而小便長。前後二方。昔賢所驗。第後人未知用耳。

雄按。精與濁原分二道。所云良是。至謂濁不由膀胱而出。自謂傍衝而下。然則湯飲入胃。獨不可傍衝而下乎。不知帶濁之病。多由肝火熾盛。上蒸胃而乘肺。肺主氣

氣弱不能散佈爲津液。反因火性廻逆而下輸膀胱之州都本從氣化又肝疏泄反稟其令而行遂至滯滯不絕使但胃氣濕熱無肝火爲難則上爲痰而下爲瀉耳古今醫案于帶濁二門獨罕存者亦以未得其旨而施治無驗也。至單由濕熱而成一味涼燥雖藥肆工人亦能辨此觀其父肖愚一案治吳南邱之子亦瘧且濁以二妙散取效卽其症也。

立齋治光祿柴黼菴因勞赤白濁如注用歸脾湯而愈。司廳張檢齋小腹不時作痛莖出自白澑用小柴胡山梔龍胆草山茱萸歸而愈。

馬元儀治陳晉臣患濁症累月不止後因房勞痛益甚濁愈
頻有語以煎蘇葉湯澡洗者從之遂致精滑傾盆躁擾不
寧發熱煩渴兩手脉沈而微尺脉沈而數此陰精大傷真
陽無偶將脫不乘此時陰氣尙存一綫以急救其陽而通
其陰直至陰盡而欲回陽罕克有濟矣或曰既有陽無陰
補陰猶恐不及尙堪純陽之藥重竭其陰乎曰真陽以水
爲宅水足則凝然不動水竭則不安其位甚而飛揚屑越
孰能把握之哉此時陰未回而陽已絕矣宜急攝虛陽先
歸窟宅然後補陰以配陽此必然之次序也煎大劑白通
湯與服便得濃睡諸症漸已次服人參七味湯使陰陽兩

平而愈。

蕭萬輿治一健卒年甫三旬素善飲喜啖辛香病濁竅痛以二陳湯加芩連胆草赤芍車前二劑卽止如實症本不難治若概施補必變生他症。

漳庠林震伯素善飲因修途勞頓飢飽失時復冒喝病白濁經年不瘥察前治非辛熱卽涼瀉或滋補壅塞遂至小腹脹悶或氣喘拒食六脉滑數無力此中宮虛熱津液下陷膀胱氣化不能分泌以歸脾湯去木香加炒山梔半夏車前黃連七劑而濁止便清神思清爽矣。

施笠澤治公謨病小便黃醫欲用淡滻之劑施曰靄樞不云

平中氣不足。洩便爲之變。但當服異攻散加黃柏一二分可也。醫曰黃柏一二分。遂足清利小便耶。曰子不觀之。瀘酒者平濁。醪數斗投以黃柏少許。旋澄清徹底。豈一洩不足當之。衆皆大嘆。用之果驗。

蔣仲芳治梁敬州年六十餘濁三年矣。淡滲寒涼溫補俱不效。診之六脈俱微。惟左寸帶數。此因心火不降。致脾胃之氣不升。濁物因而下滲。法當養心升補。若用本病藥無益也。用丹參茯神遠志棗仁山萸山藥黃耆白朮升麻柴胡甘草陳皮薑棗煎服三劑。其濁倍至。詢其體健否。曰如故。曰若便所出盡爲津液。其體必憊甚。今濁增而體健。知濁

物積于其中爲藥所迫而出耳。清者既升，濁者自降。再服一二劑而病如失矣。投之果然使無定見，再易一方，寧能愈乎。

張子和治酒監房善良之子，年十三病沙石淋，已九年矣。初因瘡疹、餘毒不出，作便血，或告之令服太白散稍止。後又因積熱未退，變成淋悶，每發則見鬼神，號則驚隣。張曰：諸醫作腎與小腸病者非也。靈樞言足厥陰肝經之病，遺溺閉癃，閉謂小便不行，癃謂淋瀝也。此乙木之病也。木爲所抑，火來乘之，故熱在脬中下焦，爲之約結成沙石。如湯瓶煎煉日久，熬成湯鹹。今夫羊豕之脬，吹氣令滿，常不能透。

豈真有沙石而能漏者邪。以此知前人所說服五石散而致者恐未盡然。經曰木鬱則達之。先以瓜蒂散越之次以八正散加湯鹹等分頓啜之其沙石自化而下。

張氏兒年十四病約一年半矣得之麥秋發則小腸大痛至握其陰跳躍旋轉號呼不已小溲數日不能下下則成沙石大便秘滯肛門脫出一二寸諸醫莫能治張曰今日治今日效時日在辰巳間矣以調胃承氣僅一兩加牽牛末三錢汲河水煎之令作三五度嚥之又服苦末丸如芥子許六十粒日加晡土涌下瀉一時齊出有膿有血既定令飲新汲水一大盞小溲已利一二次矣是夜凡飲新水二

三十遍。病去九分止。哭一次。明日困卧如醉。自晨至暮。猛然起走。索食。歌笑自得。頓失所苦。繼與太白散。八正散等。調一日。大瘥。此下焦約也。不吐不下。則下焦何以開。不令飲水。則小溲何以利。太抵源清。則流清者是也。又劉氏子年六歲。病沙石淋。張以苦劑三涌之。以益腎散三下之。立愈。

一人年二十三歲。病膏淋三年矣。醫不能效。多作虛損、補以溫燥。灼以針艾。無少減。張曰。惑蠱之疾也。亦曰白滯。實由少腹冤熱。非虛也可以涌以泄。其人以時暑憚。其法峻。不決者三日。浮屠一僧曰。予以有暑病。近覺頭痛。張曰。亦可。

涌願與君同之。毋畏也。于是涌痰三升。色如黑礬汁。內有死血并黃綠水。又瀉積穢數行。尋覺病去。方其來時。面無人色。及治畢。次日面如醉。慮其暑月路遠。又處數方。使歸以自備云。

一男子病淋。張令頓食鹹魚少頃。大渴。又令恣意飲水。然後以藥治淋立通。淋者無水故濇也。

一婦人患淋久。諸藥不效。其夫夜告予。予按既效方。治諸淋用剪金花十餘葉煎湯。遂令服之。明早來云。病減八分矣。再服而愈。剪金花一名禁宮花。一名金盞銀臺。一名王不

留行王執中資生經本草綱目

葉朝議親人患血淋流下小便在血內凝如蒟蒻久而有變
如鼠形但無足耳百治不效一村醫用牛膝根煎汁日飲
五服名地髓湯雖未卽愈而血色漸淡久乃復舊後十年
病沙石脹痛用川牛膝一兩水二盞煎一盞溫服一婦患
此十年服之得效土牛膝亦可入麝香乳香尤良

本草綱目

薛立齋治一婦人患小便淋瀝內熱體倦以爲肝火血少脾
氣虛弱用八珍逍遙散兼服月餘而小便利又用八珍
湯而氣血復

一婦人素善小便淋瀝不利月經不調半載矣或兩脇脹悶
或小腹作痛或寒熱往來或胸乳作痛或咽喉噎塞或兩

脚筋牽或肢節結核，面色青黃不澤，形氣日瘦，左關弦洪右關弦數。此鬱怒傷肝脾，血虛氣滯爲患。朝用加味歸脾湯以補脾氣，解脾鬱祛肝火。夕用滋腎丸生肝散滋腎水以生肝血，抑肝火，舒筋膜。兼服月餘而愈。

一婦人小便淋漓，小腹脹悶，胸滿喘急。諸藥不應，以爲轉筋之症，用八味丸一服，小便如涌而安。

孫文垣治祝芝岡，酒後近日每行三峰採戰，對景忘情之法，致成血淋。自仲夏至歲杪未愈，便下或紅或紫，中有塊如筋膜狀，或如蘇木汁，間有小黑子，三五日一發。或勞心力，或久坐立亦發。百治不痊，診之其色白而青，肌肉削甚，脈

左寸沉弱關尺弦細右寸畧滑此必肺經有濁痰肝經有瘀血良由酒後竭力縱慾淫火交煽精欲出而強忍之致凝滯經絡流干溺道瘀血阻塞而成此症也三五日一至者盈科滿溢故耳先與丹參加茅根濃煎服其小便解後以瓦器盛之少頃卽成金色黃沙乃用腎氣丸加琥珀海金沙黃柏以杜牛膝蓮葉搗汁熬膏爲丸調理外以川芎三錢當歸七錢杜牛膝煎服臨發時以滑石甘草梢桃仁海金沙麝香爲末以薤菜汁調服去其凝精敗血則新血始得歸源而病根可除矣三月全愈

族姪善飲好內病血淋與滑石甘草梢海金沙琥珀山梔青

蒿茅根煎膏爲丸梧子大每空心及食前燈心湯送下三錢不終劑而愈後數年服補下元藥過多血淋又作小便痛極亦不能出必蹲便乃得出所出皆血塊每行必一二椀許已半月諸通利清熱之劑不應脉洪數以五靈脂蒲黃甘草梢各二錢水煎空心服二帖痛減半改用瞿麥山梔甘草各二錢茅根杜牛膝連葉車前草各三錢生地柴胡木通黃柏各一錢四帖痛全減血止惟小便了而不了以人參葛根青蒿白朮茯苓甘草白芍升麻黃柏知母而

·瘡

康侯云治暑氣在內小便血淋用白虎湯加麥冬煎屢取其

效此亦有理

志雅堂譜

抄周密

李時珍治一男子病血淋痛脹死李以藕汁髮灰每服一

錢服三日而血止痛除

本草綱目

深師療淋用葛上亭長折斷腹腹中有白子如小米取三分安白版上陰乾二三日收之若有人患十年淋服三枚八九年以還服一枚服時以水如棗許著小杯中用瓜研之當扁扁見于水中仰面吞之勿令近牙齒間藥雖微下喉自覺至下焦淋所有頃藥作大煩急不可堪飲乾麥飯汁則藥熱止也若無乾麥飯但水亦可耳老小服三分之一當下淋疾如濃血連連而去者或如指頭或青或黃不

拘男女皆愈若藥不快淋不下以意節度更增服之此蟲五六月爲亭長頭赤身黑七月爲斑蟊九月爲地胆隨時

變耳全

上

李士材治嚴邑宰患淋經年痛如刀錐凡清火疎利之劑計三百帖病勢日甚脉之兩尺數而無力是虛火也緣泥痛無補法愈疎通則愈虛愈虛則虛火愈熾遂以八味地黃料加車前沉香人參服八劑痛減一二而頻數猶故前醫復云淋症作痛定是實火若多溫補恐數日後必將悶絕不可救矣彼疑而問李李白若不宜溫補服藥後病勢必增今既減矣復何疑乎朝服補中益氣湯晚服八味丸逾

月而疾去其九便倍用參者十四日霍然矣

杜司寇夫人淋瀝兩載靡藥不嘗卒無少效診之兩尺沉數謂有瘀血停留法當攻下因年高不敢輕投但於補養氣血之中加琥珀牛膝此等緩劑須以數十劑收功而夫人躁急求效輒欲更端遂致痼疾

馮楚瞻治李參領年將六旬患淋兩載有時頻利且速有時點滴難通急痛如割肥液如脂如膏或成條紫血日夜不堪時欲自盡詢所服有一醫立通利止瀉二方便頻則用止瀉秘塞則用通利此輩伎倆原只如此乃服通利則頻數無度矣服止瀉則結滯難通矣按其脉兩寸甚洪餘皆無力獨肝

腎更甚。曰肝主疏泄。腎主閉藏。今肝腎俱病。各廢乃職。利則益虛其虛。澁則愈增其滯。惟調補肝腎自愈。用八味加麥冬二錢。升麻八分。紅花四分。重用人參煎服。使清者升濁者降。瘀者化。中氣既足。肝腎既調。開闔自然得所矣。後以生脈飲送八味丸。服于空心。以歸脾加減。服于午後全安。

一少年勞心色慾過度。患小便淋瀝脹疼。且二便牽痛。其脉兩寸沉微。左關甚弱。右關滑。兩尺弦濶。乃心肺之氣不足。而下陷于肝腎。肝腎之氣又不足。所以不能疏洩閉藏。中氣既虛。則清陽不升。中宮鬱滯。蒸爲濕熱。滲入膀胱。乃似

淋非淋。二便牽痛如大瘕泄也。令早服六味丸加黃柏製附子。使寒熱互爲向導。以去濕熱。疏通鬱結。以扶其元氣。晚用補中益氣。去陳皮柴胡。加茯苓防風酒炒其渣。臨晚煎服探吐。遂愈。

張路玉治內閣文憲持夏月熱淋。醫用香薷飲益元散五日不應。淋潛轉甚。反加心煩不寐。診之見其唇赤齒燥。多汗喘促。不時引飲。脈見左手虛數。知爲熱傷元氣之候。與生脈散頻進代茶。至夜稍安。明日復苦溲便澁數。然其脉已和。仍用前方。不時煎服。調理五日而瘥。

太史沈韓倬患膏淋。小便頻數。晝夜百餘度。晝則滴慙不通。

時如欲解痛如火燒夜雖頻進而所解倍常溲中如脂如
涕者甚多服清熱利水藥半月餘其勢轉劇面白色痿黃飲
食兼退脈得弦細而數兩尺按之益堅而右關瘡大少力
此腎水素弱加以勞心思慮肝木乘脾所致法當先實中
土使能隄水則陰火不致下溜清陽得以上升氣化通而
瘀澁瘳矣或曰邪火亢極又用參耆補之得毋助長之患
乎抑知陰火乘虛下陷非開提清陽不應譬之水注塞其
上孔傾之涓滴不出所謂病在下取之上若清熱利水氣
愈陷精愈脫而渴愈不通矣遂與補中益氣湯用人參三
錢服一劑痛雖少減而病者求速效或進四苓散加知母

門冬炒參花粉甫一劑徹夜痛楚。于是耑服前方兼六味丸。用紫河車熬膏代蜜。調理服至五十劑。參盡斤餘而安。
俞東扶曰治淋如文垣諸案經也。此案之治法權也。經權合宜皆審脈以爲辨。審得明白病自顯然推之。望聞問切素稱四診可見四件都安細審也。

陝客亢仁軒年壯色蒼體豐善啖患胞痺十餘年。泊吳求治其脈軟大而濶濶不調。不時蹲踞于地。以手揉其莖囊則溲從殼道點滴而滲。必以熱湯沃之始得稍通寐。則有時而遺。其最苦者中有結塊如橘核外裹紅絲內包黃水襍干脂膩之中。此因恣飲不禁。酒濕乘虛襲入。髓竅而爲患。因令堅戒烟草火酒。濕麵椒蒜糟醋鷄豚炙燙等昧。與半

夏茯苓猪苓澤瀉草薢犀角竹茹作湯四劑不愈則以不
遵禁忌之故乃令堅守勿犯方與調治仍用前藥四劑勢
減二三次與腎瀉湯加萆薢數服水道遂通溲亦不痛但
食不甘美後以補中益氣加車前木通調之而安肥盛多濕故先

與清胃豁痰而

後理腎調脾

侍衛金漢光年逾花甲初夏誤飲新酒致病前則淋瀉澀痛
後則四肢腫突此陰虛熱陷膀胱也先與導赤散次進補
中益氣勢漸向安惟孔中澀痛未除或令進益元散三服
遂致遺溺不能自主授劑不應直至新秋脉漸衰弱因採

腎懸之義以羯羊腎製補骨脂羊脬製鬼絨子濃煎桑根

皮汁製螺蛸連進三日得終夜安寢涓滴靡遺矣

閔少江年高體豐患胞痺十三年。歷治罔效。凡遇勞心嗔恚。或飲食失宜。則小便頻數滴瀝。濇痛不已。夜畧交睫。卽滲瀉而遺覺。則阻塞如前。服人參鹿茸紫河車無算。然皆無礙。獨犯丹皮白朮卽脹痛不禁。俗名尿梗病、香燥之藥誤投殺人世罕知也。張診之曰。病名胞痺。惟見于內經由膏粱積熱于上。作強傷精于下。濕熱乘虛聚于膀胱。素問云。胞脾者。小腹膀胱按之内痛。若沃以湯瀡于小便上。爲清涕。詳其文。則知膀胱虛滯不能上吸肺氣。肺氣不清不能下通水道。所以濇滯不利。得湯熱之助。則小便澁滯微通。其氣循經蒸發。肺氣

暫開則清涕得以上泄也。因與腎瀝湯方服之。其效頗捷。

原其寢則遺溺。知肝虛火擾疎泄失宜。所以服丹皮疎肝

之藥則脹者不勝其氣之竄。以擊動陰火也。服白朮亦脹

者不勝其味之濁。以壅滯濕熱也。服人參鹿茸河車無礙

者。虛能受熱。但補而不切于治也。更擬加減桑螵蛸散。用

羊腎湯泛丸。庶有合于病情。然八秩之年。猶恃體豐。不遠

房室。藥雖中寢。難保其不復也。

與前陝客案症治畧同。俞東扶曰：寤則淋瀝，寐則溺。

遺原與不禁有別故以胞癥症治其論藥症不合處理精義確後來葉氏處方最講此旨再觀其治黃元吉亢兀軒

案病情同而治法不同用藥俱有妙解能細

細參之庶不犯枳朴歸芩到手便撮之謂

黃元吉年六十餘。因喪明畜妾患小便淋瀝。春間因顛仆昏

憒遺溺。此後遂不時遺溺。或發或止。至一陽後。其症大劇。晝則苦于不通。非坐于熱湯。則涓滴不出。夜則苦于不禁。其脈或時虛大。或時細數。而左關獨弦。此腎氣大虧。而爲下脫之兆也。乃與地黃飲子。數服。溺濇少可。遺亦少間。後與八味丸去丹皮澤瀉。加鹿茸五味巴戟遠志。調理而安。新安富室有男子。淋溺不止者。漸痿黃。諸醫束手。孫卓三治之。亦弗效。偶隱几坐。以手戲弄水灌後孔。塞。則前竅止開。則可通腦後一穴。爲炙火至三炷立愈。江西通志

王肯堂治外兄賀晉卿。因有不如意事。又當勞役之後。忽小腹急痛欲溺。溺中有白物如膿。并血而下。莖中急痛不可

忽正如滯下後重之狀。日夜十數行。更數醫不效。乃作汚血治。令以牛膝四兩。酒浸一宿。長流水十碗煎至八碗。再入桃仁一兩去皮。炒紅花二錢五分。當歸一兩五錢。木通一兩。生甘草二錢五分。苧麻根二莖。同煎至二碗去渣。入琥珀末二錢。麝香少許。分作四服。一日夜飲盡。勢減大半。按素問奇病論云。病有癰者。一日數十洩。此不足也。今瘀血雖散。宜用地黃丸加菟絲。杜仲。益智。牛膝之屬。補陰之不足。以杜復至。因循未修治。遂不得全愈。或閉或通。一夜數十起溺。訖痛甚。竟服前丸。及以補腎之藥入煎劑。調理而安。

而安

從兄爾祝得淋疾日數十溲畧帶黃服五苓散稍愈因腹中
未快多服利藥三五日後忽見血星醫以八珍散治之不
應詢其便後時有物如膿小勞卽發診得六脉俱沉細右
尤甚此中氣不足也便後膿血精內敗也經云中氣不足
則溲便爲之變宜補中益氣湯加順氣之藥以滋其陽六
味地黃丸疏內敗之精以補其陰雄按補中益氣升陽之
劑而曰滋六味滲溑互用而曰疏敗
精不無語病更加五味子斂耗散牛膝通脈絡數劑而安。
蕭萬輿治鄭友患淋經年屢治罔效曰淋症有虛實寒熱之
殊今君年未三旬元氣充實因修途勞役飲食不調復喜
火酒脾受濕氣時當炎令丁火司權丙火協應故心移熱

于小腸。五火因而內灼。上則肺燥口渴。下則腎燥淋結。前服八正五淋。只專治淋。而未知清水上源。滋益肺金。故不效。以二陳小柴胡加龍胆草知母。木通麥冬。雄按此法謂之清濕火。則可。何嘗間上。下之燥哉。一劑減數劑全瘳。

朱司馬六間。年五旬。艱嗣。不慎酒色飲食。起居失宜。面目青黑。怒則暋大便。秘塞脫血。小便淋血如割。屢服清火通淋之劑。反增劇。脈沉遲。兩尺兼澁。此腎水枯竭。不能滋生肝血。遂致虛火上炎。移熱二腸。迫血下行。因而隧道枯澁。妨礙升降。故每欲便。疼塞難堪。須用甘溫之品。滋益化源。補養肝木。使陰血盛。則津液充。而淋秘自解矣。以補中益氣。

湯去柴。胡倍人參加牛膝。少加肉桂。及加減八味丸入人參。蕤遠志。服月餘漸愈。

張雲汀年近四十。因暑月往來道途。多飲火酒。遂成瘻閉。膿陵醫者多與清熱滲利之劑。黃連服至三兩不能愈。旋里後診之。右尺洪大。左尺不應。指口燥渴。知其三陰已傷。與六味地黃湯殊未效。更醫仍用車前赤茯琥珀木通瞿麥扁畜五苓六一之類。遂致一夜必便百餘次。溺惟點滴。少腹急痛而脹。窘迫楚甚。面漸黧黑。此復傷少厥二陰。致疏泄秘密俱失其職。而太陰太陽之升降氣化亦紊也。分朝服補中益氣暮服六味地黃。雄按究治少厥二陰乎抑治太陰太陽耶。拘守二方顧頤。

了事未可爲訓也。每方各三十劑乃痊。

徐靈胎曰治淋之法有通有塞要當分別有瘀血停積塞住溺管者宜先通無瘀積而虛滑者宜峻補不但煎丸各別並外治之法亦復多端宜博識而詳考之。

廣筆記治疝氣痛用六味地黃丸古方加北五味三兩肉桂二兩枸杞子四兩車前子米汁浸蒸三兩將糯米一斗炊飯乘熱下白酒藥並前藥料和勻如常製白酒法三兩日後漿來用上好燒酒五十斤連酒漿並糟入大甕內泥封固一月開去糟瀘清酒味甘香空心或飢時隨量飲之飲多不渴。

多不渴

張飛疇治田孟先久患膏淋，溲中有塊如橘核狀，外裏血膜中包黃水，乃醉後入房，酒濕流入腎藏所致。遍服利水固精藥不應。溽暑中忽然憎寒，發熱喘促，悶亂腰背，煩疼，脈見浮濡沉細，是淋久陰傷暑氣，襲虛之證。先與生料六味加川萆薢作湯下，消暑九次。用前湯送木車猪苓丸八服，諸症霍然。又孝廉蔡允恭，嚴冬患濁小腹結硬，大發寒熱，嶺痛自汗，脉得左大右濶，兩尺緊細，乃風痰毒邪入犯厥陰之經，與當歸四逆湯煎服，覆汗而熱除。卽以前方去通草，薑棗加蟄稍、陵鯉甲、麝臍丸服之。令作汗數日便消痛止。但濁猶未淨，或令嚼生銀杏而愈。世人言銀杏濶精殊。

不知其專滌敗濁也。

疝

杜王治三十七太尉，忽患小腸氣痛，諸醫不效，每一發幾死。上召杜至，進藥數服無驗。太尉曰：「我命不久，致良醫不能治。」上召杜問所以，杜對曰：「臣用古方，皆不獲愈。今自撰一方，容進上，遂合藥以進。一服十愈八九，再服全愈。因名方曰救命通心散。川烏頭一兩，用青芷一錢，酒一盞，浸一宿，去皮尖焙乾，川棟子壹兩，用巴豆二十一粒，同炒候黑色，去巴豆，茴香半兩，石燕一對，土狗五枚，芥子一錢六分，爲

未每服三錢入羊石子內濕紙煨香熟夜半時用好酒半

升入鹽細嚼石子以酒徐徐嚥下不得作聲其病遂去

菖蒲

家今綱目
秘此方

辛稼軒初自北方還朝官建康忽得疝疾重墜大如杯有道人教以取葉珠卽薏苡仁用東方壁土炒黃色然後小小煮燥

入砂盆內研成膏每用無灰酒調下一錢卽消程沙隨病

此稼軒用之大效

宦遊紀聞

張子和治珍寇鎮一夫病瘡癰發渴痛飲蜜漿劇傷冰水醫者莫知瀉去其濕反襍進薑附雜按粗工每蹈此弊濕爲燥熱所至

三焦閉滯水道不行陰道不興陰囊腫墜大干升斗張先

以導水百餘丸。少頃以猪腎散投之。是夜漏青赤水一斗。遂失痛之所在。又頸尾一夫病疝氣赤腫大痛。數日不止。諸藥如水投石。張以導水一百五十丸。令三次咽之。次以通經散三錢空腹淡酒調下。五更下曬腑壅積之物數行。痛腫皆去。不三日平復如故。

李審言因勞役飲水坐濕地。乃濕氣下行流入脾內。囊大腫痛不可忍。以川楝子等藥不效。求治于張。曰可服泄水丸。審言惑之。又數日痛不可堪。竟從張。先以舟車丸瀝川散下青綠沫十餘行。痛止。次服茴香丸五苓以調之。三日而腫退。至老更不作。夫疝者乃肝病也。下青沫者肝之色也。

三敏之病寒疝，臍下結聚如黃瓜，每發繞臍急痛，不能忍。以舟車丸、豬腎散，下四五行覺藥繞病三五次而下。其瀉皆水也。猪腎甘，遂皆苦寒。經言以寒治寒，萬舉萬全。但下後忌飲冷水及寒物。宜食乾物，以寒疝本是水故也。卽日病減八分，食進一倍。又數日以舟車丸百餘粒，通經散四五錢服之，利下後三四日，又服舟車丸七八十粒，豬腎散三錢，乃健步如常矣。

一僧病疝發作，冷氣上貫齒，下貫腎，繫如繩挽，兩睪時腫而冷。兩手脈細而弱，斷之曰：秋脉也。此因金氣在上，下伐肝木。木畏金抑而不伸，故病如是。肝氣盤礪，不能下榮于睪。

丸。故其寒實非寒也。木受金制。傳之胃土。胃爲陽明。故上
貫齒痛。非齒之病。肝木者。心火之母也。母既不伸。子亦屈。
伏故下冷。而水化乘之。經曰。木鬱則達之。土鬱則泄之。令
涌泄四次。果覺氣和。睪丸痒而暖。此氣已入睪中也。以茴
香木茂之藥。使常服之。一月而愈。

霍秀才之子。年十三。睩丸一旁腫脹。張見之曰。此因驚恐得
之。驚之爲病。上行則爲嘔血。下行則腎傷而爲水腫。以琥珀
通經散一瀉而消散。

朱丹溪治鄭子敬。因哭酒後飲水。與水果偏腎大。時作蛙聲。
或作痛。炒枳實一兩。茴香鹽炒。炒梔子各三錢。研煎下。和

保和丸

昌世官膀胱氣下墜如蛙聲臭橘子核炒十枚桃仁二十枚
蘿蔔自然汁研下保和丸七十九

湜兄年三十左腎核腫痛此飲食中濕墜下成熱以橘核即臭

橘五枚桃仁五枚細研順流水一盞煎沸熱下保和丸

龔子才治一船家小腸疝氣腫痛不可忍又病兩眼腫痛。眼

淚隱濇兩寸脉洪數。兩尺脉微。此上盛下虛之症。用涼藥

治眼則疝痛愈增。用熱藥治疝則眼痛愈盛。百治不效。與

木香金鈴丸空心服以治下焦之虛寒。以退血散臥時服。

以治上焦之風熱各三服均愈

趙雪山因勞後五更起早感寒疝氣痛不可忍增寒戰慄六
脉微而無力以五積散加吳茱萸小茴香又與蟠葱散俱
不效後以艾炙之將患人兩脚掌相對以帶子綁住兩中
指合縫處以艾炷麥粒大炙七壯灸完痛止神效

子才親家周少峰患疝氣偏墜腫痛不可忍遇秀才傳一方
用黃土水和作乾泥拍作大餅干火上烘熟熨痛處冷則
再易立愈

萬密齋治朱氏子病卵腫逾年不消成癩疝矣問萬萬曰足
厥陰肝經之脉環陰器肝之病爲怒小兒性急多哭者常
有此病一名氣卵常見人病此者不廢生育與壽無干曰

有治法否，曰：有但勿求速效可也。用川棟肉小茴香青皮山萸木香當歸川芎海藻三稜莪朮二味用黑牽牛同炒去牽牛不用共爲末，神麌爲丸，溫酒下，更灸膀胱穴而腫消矣。

喻嘉言治胡翁常苦脾氣不旺，邇年少腹有疝，形如鵠卵，數發後其形漸大而長，從少腹墜入睾囊甚易，返位甚難，下體稍受寒即發，發時必俟塊中冷氣漸轉暖熱始得縮入，不然則脹于隘口不能入也。近來益大，如卧酒瓶于胯中，半在少腹，半在睾囊，堅緊如石，其氣進入前後腰臍各道筋中，同時俱脹，上攻入胃則大吐，上攻顛頂則戰慄畏寒。

喻診之知爲地氣上攻。亟以大劑參附薑桂投之一劑而愈。以後但發悉用桂附速效。若服十全大補則不應。以半陽半陰之藥勿克勝病也。凡陰邪爲害。不發則已。其發必暴。試觀天氣下降則清明。地氣上升則晦塞。醫遇直中陰經之病。尙不知所措手。况雜症乎。第薑桂性熱。屢服則慮其僭上。舊病未除。新病必起。乃先以薑桂附子爲小丸。曝令乾透。然後以參术厚爲外廓。俾喉胃間知有參术。不知有薑桂附子。及達積塊之所猛烈。始露庶幾堅者削而窠囊可盡空也。

孫文垣姪患偏墜。臍腹腰俞俱脹痛。左關脉弦大鼓指。小茴

香甘草蒼朮益智仁防風各五分荔枝核山楂柴胡各一錢山梔青皮各七分服後其痛如舊脉且轉數雄按疝誤投溫燥每有此變故雖蒼朮益智亦當慎用也恐作囊癰急爲解毒瓜蔞五錢

當歸甘草節金銀花各一錢連翹柴胡青皮各七分煎服痛定腫消因食鷄魚膾腹復脹痛發熱不眠脉復弦以山楂瓜蔞各二錢金銀花連翹各八分甘草節黃連當歸各五分青皮七分二帖愈

李士材治尹文輝嗜火酒能飲五斤五月間入閩中溪水驟漲涉水至七里覺腹痛甚半月後右丸腫大漸如斗閩中醫者皆與肝經之劑及溫熱之品半載無功歸就診李曰

嗜火酒則濕熱滿中涉大水則濕熱外束今病在右正是
肺脾之濕下注睾丸以胃苓湯加梔子枳殼黃柏茴香十
劑畧減卽以爲丸服至十八斤全安

駱元賓十年患疝形容枯槁李視之左脇有形其大如箕以
熱手按之瀝瀝有聲甚至上攻于心悶絕良久以熱醋熏
炙方醒李曰此經之所謂厥也用當歸四逆湯一月積形
衰小更以八味丸間服半載餘積塊盡消不復患矣

盧不遠治湯某常病腹痛痛則繞脅有形甚則欲死皆謂生
氣獨絕于內慮不起診之關脈近尺有滑象久痛氣羸頗
乏精彩因用枸杞爲君白芍茯苓肉桂吳萸佐之六劑痛

止服瑞竹堂方四製枸杞丸一料竟愈。此臍疝也。疝當引陰。原無斯症。然疝者有形之痛。而有所止之處。故字從山。不必定引陰也。疝本厥陰肝疾。其狀若死。亦厥陰症。故用溫補肝腎藥。生氣自復。不致內絕而瘳。

馮楚瞻治王刑部疝痛甚危。脉之左三部弦洪而數。乃陰甚不足也。右關尺洪大重按有力。此膏粱酒濕太過。房勞真水消亡。木失所養。筋無所榮。濕熱內攻。陰寒外遏。所以爲疼爲痛。不可忍也。以熟地二兩。山萸山藥各二錢。滋其肝腎。丹皮三錢。茯苓二錢。澤瀉一錢。五分滲其濕熱。橘核三錢。疎其木鬱。製附一錢。五分鹽酒炒黃柏一錢。二分使寒。

熱互爲向導。由是外寒散、內熱除。真水生雷火息而瘳。

張建東秘傳治一切疝氣神方于洗浴畢、濕身坐門檻上兩囊著水印一濕卵卽于濕卵患左灸左患右灸右俱患則左右俱灸須避四眼又一法午月午日午時灸尤妙或小兒不須洗浴但用灰布門檻上令兒坐之亦就所卯灸卽

愈

沈序皇
草聞錄

王叔權曰舍弟少戲舉重得偏墜之疾有客人爲當關亢兩旁相去各三寸青脉上灸七壯卽愈王彥賓患小腸氣灸之亦愈

資生經醫
說續編

頃關一男子病率疝暴痛不任倒于街衢人莫能動呼張救

之張引經證之邪氣客于足厥陰之絡令人卒疝故病陰
丸痛也急瀉大敦二穴其痛立已夫大敦穴者乃足厥陰
之二穴也

鄭亨老病疝灸之得效其法以淨草一條茅及麥稈尤妙度
病人兩口角爲一則摺斷如此三折則摺成三角如厶字
樣以一角安臍中心兩角在臍之下兩傍尖盡處是穴若
患在左卽灸右在右則灸左兩邊俱患卽兩穴皆灸艾炷
如麥粒大灸十四壯或二十一壯卽安也

醫說續編

奪命丹治遠年近日小腸疝氣偏墜擗疼臍下撮痛以致悶
亂及外腎腫硬日漸滋長陰間濕痒抓搔成瘡悉治之吳

茱萸一斤

去枝梗四兩酒浸四兩醋浸四兩湯浸四兩童便浸各浸一宿同焙乾用澤瀉二兩

去灰

研爲細末老酒煮一夜麵糊爲丸如梧桐子大

雄安

此方似可兼治寒濕痛泻霍亂轉筋

每一服五十丸空心食前或鹽湯或醇

酒送下神效不可盡述馮仲柔云頃年某倉使家傳將前

方令藥局中合賣紹熙壬子冬予親曾得效時苦奔迫寒

氣攻衝小腸疝氣腹內引痛神思悶亂四日只一服臟腑

微動痛若失去遂安一方名星斗丸湯浸者用鹽水浸澤

瀉用四兩切作粗片酒浸一宿

是療力全上

一人病後飲水患左丸痛甚炙大敦適摩腰膏內用烏附子

麝香將以摩其囊上抵橫骨端炙後溫帛覆之痛卽止一

宿腫亦消矣

藥要或問全上

薛立齋治一婦人小腹痞悶小便不利內熱體倦懶食用八

珍湯加柴胡山梔龍胆草不數服卽全愈

良方疝附痕門

王肯堂曰張仲景治寒疝腹中痛及脇痛裏急者當歸生薑

羊肉湯土之本草衍義稱其無不應驗豈非補肝之效乎

余每治病甚氣上沖心危急者以八味丸投之立應又補

腎之明驗也

羅謙甫治漆匠韓提控疝氣每發痛不可忍則於榻兩傍各置一枕往來伏之以受如是三年不已與丁香練石丸三劑良愈蓋男子七疝痛不可忍者婦人瘕聚帶下皆任脉

所主陰經也。乃肝腎受病，治法同歸于一。當歸附子川棟子茴香各一兩，右剉碎以好酒三升煮，酒盡爲度，焙乾作細末，每藥末一兩，入丁香木香各五分，全蝎十三箇，元胡索五錢，同爲細末，拌勻酒糊爲丸，桐子大，每服三十九至百丸，溫酒空心送下。凡疝氣帶下皆屬於風，全蝎治風之聖藥也。川棟茴香皆入小腹經，當歸元胡索和血止痛，疝以寒邪積于小腸之間，故以附子佐之，丁香木香爲引道也。

王海藏云：楊駢馬時患風氣衝心。風氣卽疝氣也。羅謙甫飲云：疝氣帶下皆屬於風。飲食吐逆，遍身枯瘦，日服紫菀丸五丸，至二十日瀉出肉塊。

如蝦蟆五六枚白臘一升愈

力見癥
風門

李靈患肥氣病肝積謂之肥氣與疝同類日服前丸五丸經一年瀉出肉

鱉二枚愈

馬元儀治陳子芳患痰喘發熱胸滿身痛左邊墨丸不時逆上痛不可忍診之肝脉弦急肺脉獨大關尺虛小此肝肺受邪之候也肝爲木藏其化風其生火風火合邪干本位則爲熱爲痛乘于肺金則爲痰爲喘以柴胡疏肝散治之表症稍安欲速愈別用沙參二兩煎服如若相安繼轉增劇再急診寸脉鼓數關脉急疾左丸引右丸痛甚曰關脉急疾木火自旺也寸脉鼓數火刑肺金也肺爲嬌藏體燥急疾木火自旺也。

氣肅火邪入之。則氣化失常。金益困而木益張也。法宜滋
達肺金。兼疏肝木。以瓜蔞實五錢潤燥。紫苑三錢宣通半
夏麴貝母清痰枳殼桔梗開鬱。杏仁蘇子定喘柴胡以達
之。秦艽以舒之一劑減再劑安調補而愈。

琇按用沙參原無大謬。第單用且重至二兩。又無甘潤
之佐。則清降之力薄而速。反致木火厥張云耳。

立齋治一男子年逾四十。陰囊腫痛。以熱手熨之少緩。服五
苓等散不應。尺脉遲軟。此下虛寒邪所襲而然。名曰寒疝。
非瘡毒也。以蟠葱散治之少可。更以葫蘆巴丸服之而平。

杜舉人名京。年逾三十。陰囊腫庠。莖出白物如膿。舉則急痛。

此肝疝也。用龍胆瀉肝湯而愈。有陰莖腫或縮或挺或痒，亦以此藥治之。

施笠澤治錢元一患疝氣衝痛，蓋有年矣。每抑鬱則大作嘔吐痰涎，不進飲食。已未春病且浹旬，診得左關弦急而鼓，右關尺俱浮大而無力。此命門火衰，不能生木土。肝木乘旺，復來侮脾。用葫蘆巴、元胡索等疏肝之劑以治其標。隨用八味丸益火之原，以消陰翳。間進參术補脾之藥，以治其本。漸安。數載沈疴，不三月而愈。朱氏選

○錢國賓云：黃州客陳思雲負貨行至德州，仕館。其人素有疝氣，忽然陰子漸大如斗，半月卧床不起。偶有道人化齋，彼

甚嗔怪道人曰爾病尙得我醫如何發怒遂請進見坐問
根由與芡實大紅藥丸用無根涼水送下供之而出去約
三日後再來看汝陳服藥腹中微响若周身氣行之狀至
三日消已大半道人又至仍與前藥二丸三日一次服盡
陰子如故謝銀一両不受討紫花布道袍一件而去陳求
丸方曰此藥汝不能合用紫金錠亦可以消斗大之陰子
也余與同寓親見其治九日而消斗大之陰子真仙丹也
蔣仲芳一日治二癟一人升上作病一人墜下作痛俱悶痛
欲絕升上者與故紙三両炒黑丑一両生硫黃七錢俱爲
未鹽酒打麵糊爲丸鹽酒送下墜下者與補中益氣湯加

杜仲故紙肉桂炮薑香附川芎二八駭曰疝氣同也何方
不同若是曰姑且試之至明日而皆愈

潘惟秋間患疝氣症服肉桂小茴香荔枝核之類不應自用生
薑泡炒糖湯服一二日稍愈遂止飲沙糖湯而愈沈初兄抄本

吳橋治胡有濡父日遞以疝作逆橋橋以其人習飲醇第以
涼劑而清濕熱遂愈一日疝作逆橋他出乃逆方生家人
出橋舊方示之生按方而治不效頃之則小溲浸短小腹
浸堅復逆文學先生至注黃金二鑑內文學篋中文學力
任之治再信而病益進短者枯堅者石矣既而橋至則病
此遞出錯言橋心異之此神亂也既診曰殆矣有濡曰家

大人痴遞作。賴公一再劑而瘳。乃今兩君子亦仿故方。何卒不效。橋曰。此刻舟也。今病得之內。嘗在陰。兩君復以陰藥投之。嫌于無陽也。既以陰剝陰陽失。其健而不能運。則壅闕矣。家人偵其故。則故女豎私焉。橋辭歸。旦中夜死。文學胠篋歸金而去。太函集

魏王橫曰。汪氏甥素有痴症。發則囊如盛二升粟。憎寒壯熱。或與小茴香。青皮。木胡盧巴等服之。囊腫赤而痛甚。勢將成癰。次日仍與前藥。診之脉數大無倫。回赤黯亟用熟地二兩。杞子一兩。川棟一枚。一劑而愈。後與人閨。顛頂著棒悶絕而甦。次日陰囊腫大如痘發時。于是顛痛甚。則囊痛。

減囊痛甚則顛痛減。寒熱往來。耑科遞治無效。蓋厥陰肝脈下絡。纂上行顛故上下相連。而其痛則互爲消長也。與前方數劑。上下皆愈。凡疝治之失宜。過服香辛燥烈之劑。遂成勞損者夥矣。

鮑二官六七歲時。忽腹痛發熱。夜則痛熱尤甚。或謂風寒。發散之不效。又謂生冷。消導之不效。診之。面潔白微。有青氣。按其虛里。則築築然跳動。問其痛云在少腹。驗其囊。則丙罪丸無有。曰此疝痛也。與生地甘杞沙參麥川棟米仁二劑全愈。凡疝症雖有寒濕痰氣之殊。余所愈多以此方。捷如桴鼓。蓋症雖不一。而病屬厥陰則一也。要之肝木爲病。

大抵燥火多而寒濕絕少也。余試兒十歲時忽蹲地以拳
柱其腹。宛轉不能語。察其面青知疝發也。亟以杞子一兩
川棟一枚煎服。下咽立愈。

小便秘

朱丹溪治一人。因服分利之藥太過。遂致秘塞。點滴不出。謂
其胃氣陷于下焦。用補中益氣湯一服而通。因前多用利
損其腎。遂致通後遺溺。一夜不止。急補其腎。然後已。凡
醫之治是症者。未有不用泄利之劑。誰能顧其腎氣之虛

哉
醫說
續編

咸用散治文學姚汝明內傷新愈又病食傷他醫皆用下藥
病益甚小便閉中滿腹堅如石三陰受傷所致盛診之曰此不可
用分理藥也理當作利宜以參耆運其氣升柴提其氣氣升則
水自下矣加以益腎之劑數服霍然吳江志

鍾大延治徐大理病小便祕腫脹面赤發喘衆醫皆從熱症
治愈甚大延診之曰是無火也急煮附子湯一服而愈按雄

亦須以
脉參之

錢塘有人小便腸秘百方通之不效有一道人錢宗元視之
反下縮小便藥俄而遂通人皆怪之以問宗元曰以其秘
故醫者驟通之則小便大至水道愈溢而小便愈不得通

矣。今吾縮之使水道稍寬。此所以得流也。此一治殊爲特

見。北窗
炙輶

黃氏小便不通陳雁麓用芒硝一錢研細龍眼肉包之細嚼

咽下立愈。

續金陵
瑣事

竹鎮有人病溺不下求于乩仙判云牛膝車前子三錢共五
錢同剉爲粗末將來白水煎空心服之果愈。

居易
錄

龔子才治一人小便不通服涼藥過多脹滿幾死以附子理
中湯加琥珀末調服立通

一人小便不通已經七八日遍身手足腫滿諸醫罔效以皆
蘇煎湯入大盆內令病人坐上薰蒸冷則添滾湯外用鹽

炒熱熨臍上及遍身腫處良久便通腫消而愈。

○李士材治王郡守痰火喘盛咳嗽正甚時忽然小便不通自服車前木通茯苓澤瀉等藥小腹脹悶點滴不出李曰右寸數大是金燥不能生水之故惟用紫苑五錢麥冬二錢五味十粒人參二錢一劑而小便涌出如泉若淡滲之藥愈多則反致燥急之苦不可不察也。

○先兄念山以謫官鬱怒之餘又當盛夏小便不通氣高而喘以自知醫服胃苓湯四帖不效李曰六脈見結此氣滯也但用枳殼八錢生薑五片急火煎服一劑稍通四劑霍然矣。

俞孝廉修府志勞神，忽然如喪神守。小便不通，李診之曰：寸
微而尺鼓，是水涸而神傷也。用地黃知母各二錢，人參丹
參各三錢，茯苓一錢五分，黃柏一錢，二劑減，十劑乃全安。

馮楚瞻治王氏女，年十三，小便不通甚危。初二三歲時，乳母
恐其溺牀，切戒之。由是寤寐刻刻在心。二三歲時事，安能記憶？雄按此真俗名尿梗病也。往往起于幼時，習慣自然，不可謂二三歲時不能記憶也。數年以來，日中七八

次夜中七八次，習以爲常。漸有淋狀，近來益甚。或以導赤
利水之劑投之，初服稍應，久則增劇，點滴不通。脈之六部
洪數，久按無神，知爲過於矜持，勉強忍小便。心腎久虛，又
服利水之劑，真陰益槁，臟涸津枯，氣何能化？以八味湯加

五味麥冬、取秋降白露生之意也。每劑納熟地二兩，連進
兩服。使重濁以滋之爲小便張本。再以其渣探吐之上竅。
既開下氣自通。數服而愈。一月後症復發。其家照前方令
服。亦令探吐。不惟不效。反脹悶難堪。馬張日前者氣傷未甚。
故以滋脾之藥濟之足矣。今當盛夏氣傷已甚。雖有滋水
良藥。若無中氣運行。豈能濟乎。今六脈洪大而空。中枯已
極。二劑滋潤斷不可少。然必繼以助中氣之藥。則中焦氣
得升降。前藥始能運行。令連服加減八味湯二劑。果脹悶
益甚。乃以人參一兩。附子三錢。濃煎溫服。自胸次以至小
腹瀦瀦有聲。小便行數次而愈。

○張隱菴治一書吏患癃閉，諸治無效，以補中益氣湯投之，一劑而愈。或問曰：此症人皆以通利治之不效，今以升提治而效，其故何也？曰：君不見夫水注子乎？閉其上而倒懸之，點滴不能下矣。去其上之閉，而水自通流，非其驗耶？

○薛立齋治一婦人，患小便淋瀝不通，面青脇脹，諸藥不應此肝經滯而血傷，用山梔川芎煎服而愈。

○一婦人小便不利，小腹并水道秘悶，或時腹脇脹痛，此肝火用加味逍遙散加龍胆草四劑稍愈，乃去胆草佐以八珍散加炒黑山梔兼服而愈。

○鄭奠一曰：木瓜乃酸瀆之品，世用治水腫脹誤矣。時有大寮

舟過金陵。愛其芬馥。購數百顆。置之舟中。舉舟人皆病溺。不得出。醫用通利藥罔效。近余視之。聞四面皆木瓜香。笑謂諸人曰。撤去此物。溺卽出矣。不必用藥也。於是盡投江中。傾之。溺皆如舊。

本草備要

△ 汪訥菴曰。家母舅童時病溺塞。服通淋藥罔效。老醫黃五聚視之曰。此乃外皮竅小。故溺時艱難。非淋症也。以牛骨爲楔。塞于皮端。竅漸展開。不藥而愈。使重服通利藥。得不更變他症乎。乃知醫理非一端也。

企上

一人燥熱傷下焦。致小便不利。當養陰。當歸地黃知母。柏子仁。牛膝。茯苓。生甘草。白朮。陳皮之類。治法

△

紹興劉駐泊汝翼云魏郊知明州時宅庫之妻患腹脹小便不通垂殆隨行御醫某人治此藥令服遂愈爪蔓不拘多少焙乾碾爲細末每服三錢重熱酒調下不能飲者米飲調下頻進數服以通爲度是齋方

○吳孚先治曹庶常小便不通多服分利之藥遺尿一夜不止既而仍復秘塞點滴不行此利藥太過腎氣虧極急用補中益氣湯送腎氣丸遂痊

△黃履素曰子家有僕婦患小便不通之症時師藥以丸節湯腹漸滿而終不通幾殆矣有草澤醫人以白蘿蔔子炒香白湯吞下數錢小便立通此予親見之者

孫文垣治倪一南內人小水不禁一日二十餘脉之右寸洪而有力左寸虛右尺沈微此心腎不交也以當歸遠志之類五日而安後凡遇辛苦則發以此服之立效

薛立齋治一人婦小便自遺有時不利口晡益甚此肝熱陰挺不能約制用六味丸加白朮酒炒黑黃柏七分知母五分數劑諸症悉愈若誤用分利之劑愈損真陰必致不起矣

一老婦患前症惡寒體倦四肢逆冷薛以爲陽氣虛寒用補中益氣加附子三劑不應遂以參附湯四劑稍應仍以前藥而安附子計用四枚人參斤許

小便不通。由於氣閉。若用澤瀉木通車前茯苓之類。反不效。
宜用歸身一兩。川芎五錢。柴胡二錢五分。升麻二錢五分。
一服卽通。年老人可以加參。

小便不禁

附頻數遺瀝

李士材治張方伯夫人患飲食不進。小便不禁。李曰。六脉沉
遲。水泉不藏。是無火也。投以八味丸料。兼進六君子加益
智仁肉桂。二劑減數劑瘳。

俞文學憂憤經旬。忽然小便不禁。醫皆以固脬補腎之劑投
之。凡一月轉甚。李診之。曰。六脈舉之則軟。按之則堅。此肝

腎之陰有伏熱也。用丹皮茯苓各二錢。甘草梢六分。黃連一錢。煎成調黃鷄腸與服。六劑而安矣。適有吳門醫者曰。既愈當大補之。數日後仍復不禁。再求治。李曰。肝家素有鬱熱。得滋補而轉熾。遂以龍胆瀉肝湯加黃鷄腸服之。四劑即止。更以四君子加黃連、山梔。一月而痊。

張三錫治一人病風狂。服甘遂等利藥太過。小水不禁。服桑螵蛸散未終一料。而安。真桑螵蛸同桑皮炒。遠志葛蒲龍骨人參茯苓當歸龜板醋炙。已上各一兩爲末。以參湯調

下二錢。

薛立齋治一婦人患小便頻數。日晡熱甚。此肝脾血虛氣滯。

而兼濕熱也。用加味逍遙散加車前子而愈。

一婦人患前症，發熱煩躁，面目赤色，脈洪大而虛。此血虛發躁，用當歸補血湯數劑而痊。

一婦人久患前症，泥屬於火，雜用寒涼之劑，虛症悉具。曰：此脾胃虧損，而諸經病也。當補中氣爲主。遂以六君補中二湯兼服，兩月餘而愈。

劉大參年逾六旬，形氣瘦弱，小便不禁，或頻數，內熱口乾，或咳痰喘暈，此肺腎氣虛，用六味丸益氣湯以滋化源，彼不信，反服補陰降火，濟精之劑，陰囊作痛，或小便不利，仍服前藥，不兩月而愈。

王執中壯年寓學忽有遺瀝之患因閱方書見有用五倍子

末酒調服者服之愈藥若相投豈在多品而亦無事於炙

也資生經

大便不通

徐靈胎曰便閉之症總以腸中血枯而有伏火者爲多開肺順氣等法偶或有之非盡然也。

安康郡太守苦風秘陳爲處二仁丸杏仁去皮尖麵炒黃麻仁另研枳殼去穰麵炒爲末訶子炒去核爲末右用煉蜜爲丸梧子大每服二三十丸溫水下未利增之乃愈

薛立齋治一老婦大便欲去而難去。又不堅實。腹內或如故。
或作脹。兩關尺脉浮大。薛以爲陽胃氣虛血弱。每服十全
大補湯加肉蓯蓉。去後始快。若間二三日不服。腹內仍脹。
大便仍難。

一婦人大便秘滯。諸藥不應。苦不可言。令飲人乳而安。

張子和曰。頃有老人。年八十歲。臟腑滯帶數日不便。每臨後
時。頭目昏眩。鼻塞腰痛。積漸食減。縱得食。便結燥如彈。一
日友人命食血臘葵。羹油潔。菠蘿菜。遂頓食之。日日不乏。
前後皆利。食進神清。年九十歲無疾而終。圖經云。菠蘿寒
利腸胃。芝麻油炒而食之。利大便。葵寬腸利小便。年老之

人大小便不利最爲急切此亦偶得瀉法耳。

子和表兄病大便燥滯無他症常不敢飽食飽則大便極難結實如鍤石或三五日一如圓目前星飛鼻中血出肛門連廣腸痛痛則發昏服藥則病轉劇巴豆芫花甘遂之類皆用之過多則因瀉止則復燥如此數年遂畏藥性暴急不服但卧病待盡兩手脉息俱滑實有力以大承氣湯下之繼服神功丸麻仁九等藥使食蘡菱菜及猪羊血作羹百餘日充肥親知駭之粗工不知燥分四種燥于外則皮膚皺揭燥于中則精血枯涸燥于上則咽鼻焦乾燥于下則便溺結秘夫燥之爲病是陽明之化也水液衰少故如

此然可下之當擇之。巴豆可以下寒。甘遂芫花可以下濕。
大黃朴硝可以食濕。內經曰：辛以潤之，鹹以軟之。周禮曰
以滑養竅。

龔子才治一男子年六十七，因怒左邊上中下三塊，時動而
脹痛，揉之則散去。心痞作嘈，食則胃口覺滯，夜卧不寧，小
便澁，大便八日不通。一醫以大承氣湯，一醫以化滯丸，一
用猪胆導法，一用蜜導，俱不效。診之，六脈弦數有力。此血
不足，氣有餘，積滯壅實。大黃末三錢，皮硝五錢，熱燒酒調
服。下黑糞如石數十枚。如前再進下糞彈益許，遂安。後以
四物湯加桃仁、紅花、酒蒸大黃、黃連、梔子、三稜、莪朮、枳殼

青皮木通甘草十數劑而愈。

李時珍治一宗室年幾六十平生苦腸結病旬日一行甚于生產服養血潤燥藥則泥膈不快服硝黃通利藥則若罔知如此三十餘年矣診其人體肥膏梁而多憂鬱日吐酸痰碗餘乃寬又多火病此乃三焦之氣壅滯有升無降津液皆化爲痰飲不能下滋腸腑非血燥比也潤劑留滯硝黃徒入血分不能通氣俱爲痰阻故無效也乃用牽牛末皂角膏丸與服卽便通利自是但覺腸結一服就順亦不妨食且復精爽蓋牽牛能走氣分通三焦氣順則痰逐飲消上下通快矣

本草綱目

外甥柳喬素多酒色病下極脹痛一便不通不能坐卧立哭呻吟者晝夜醫用通利藥不效遣人叩李李思此乃濕熱之邪在精道壅脹隧路病在二陰之間故前阻小便後阻大便病不在大腸膀胱也乃用棟實茴香穿山甲諸藥入牽牛加倍水煎服一服而減三服而平全上

張景岳治一壯年素好火酒適夏月醉則露臥不畏風寒此其食性臟氣皆有大過人者因致熱結三焦一便俱閉先以大承氣湯用大黃五七錢如石投水又用神祐丸及導法俱不能通且前後俱閉危益甚遂仍以大承氣湯加生黃二兩芒硝三錢又加牙皂一錢煎服黃昏進藥四鼓始

通大便通而後小便漸利。此所謂盤根錯節有非斧斤不可者。古優柔不斷，鮮不害矣。

朱翰林太夫人年近七旬偶因一跌，即致寒熱。醫與滋陰清火，勢轉甚。診之六脉無力，雖頭面，上身有熱，而口不渴。且足冷過股，曰此陰虛受邪，非跌之爲實陰症也。遂以理陰煎加人參柴胡一劑而熱退。日進粥二三碗已而大便半月不通。腹且漸脹，咸以燥結爲火，欲復用涼劑，張不可。謂若再用清火，其原必敗，不可爲矣。經曰：腎惡燥，急食辛以潤之。正此謂也。乃以前藥更加薑附，倍用人參當歸數劑而便通，腹即退。日就瘥。此實風秘之類，未可歸功薑附。

琇按此症乃陰虛陽越亦類中之輕者。一跌而病良有
以也。不知陰症二字何以插入其生平見鮮大可知矣。
李士材治蔣少室服五加皮酒遂患大便秘結四日以來腹
中脹悶服大黃一錢通後復結李曰腎氣衰少津液不充
誤行疎利疎字不妥是助其火矣。以八味丸料煎成加入乳一
鐘白蜜五錢二劑後即通十日而愈。

顧文學系有風痰大便秘治風須治血乃大法也。用十全大
補湯加秦艽麻仁杏仁防風煨皂角仁半月而效三月以
後永不再發此亦風秘之候

二便不通

馮楚瞻治崔姓人。六脉沉微。身熱四肢厥冷。發狂譫語。連夜不寐。口渴浩飲。二便俱秘。絕似陽明熱症而斷爲陰伏逼陽乃含症從脈之治

此陰伏于內。逼陽于外。因津液不行。故小便秘而口乾渴。非實熱也。因穀食久虛。故大便虛秘不通。非燥結也。若不急爲歛納。則真陰真陽並竭矣。乃用熟地麥冬以壯金水。炒白朮以托住中氣。牛膝五味以下趨藏歛。製附子以引火歸源。另重煎人參沖服。不三劑狂定神清。思食而愈。

琇按此亦陰虛陽越之病。甚則爲類中。其治法亦大醇。

而小疵耳。至云陰伏于內逼陽于外。亦與景岳案中謂爲陰症同一模糊也。此二案不入類中門者。以世俗惟以二便爲急。且風秘一條人不講也。

胡念菴治陳鹽商年七十六矣。春時患中風脫症。重劑參二百餘帖。獲痊。至十月大便秘結不行。日登廁數十次。汗大出。面青肢厥。醫用滋補劑入生大黃三錢。胡深以爲不可。戒之曰。老年脫後。幸參附救全。不能安養。過于思慮。以致津液枯竭。傳送失宜。何事性急以速其變。若一投大黃。往而不返。恐難收功矣。姑忍二三日。勢當自鮮。病者怪其遲緩。口出怨咨之辭。次日不得已用人參二兩。芩朮一

兩當歸五錢。松柏仁各五錢。附子三錢。升麻四錢。煎服。外用綠箬一斤入圓桶以滾水衝入。扶坐其上一刻利下而

通綱醫林目

琇按傷寒瘧利之後。患秘結者。皆由攻下散表失宜所致。究其由則。皆血燥爲病。至若風祕一條。其病木由燥火生風。醫者昧于風字。動用風藥死者已矣。其存者亦必貽後患。然此尙其輕者也。

張路玉治楊松齡。夏月感冒。服發散十餘劑。二便俱閉。一醫用硝黃下之。少腹左畔遂脹起如墩。不赤不熱。有時哩哩作聲。瘡醫以敷藥治其外。以解毒利水藥治其內。藥未進

而躁擾不寧。診之六脉緊細而駛。此過汗津液大傷。又與
苦寒攻裏。致陰邪內結。膀胱不化。溺積不通。法在不救。幸
胃氣有權。形神未槁。尙能少進粥糜。姑許以治。因與濟生
腎氣大劑煎成。入有嘴壺。托起其項。徐徐仰灌升許。頃令
轉側以鵝翎探吐。即時溲便如注。少腹頓平。更與十全大
補調理而安。此症前後患者四五人。或小便淋瀝。或遺溺
不止。或形羸氣脫。皆力辭不治。

琇按此由感症。混表混攻而成秘結。收入此門。以備參
酌。

孫文垣治溫南溪內人居常大便秘結。面赤不思飲食。頭時

眩暈診之右關尺滑大有力此痰火症也用瓜蔞四錢爲君滑石三錢枳實二錢半夏一錢半爲臣蘿蔔子薑黃各一錢爲佐兩帖愈矣又教以或遇大便秘結每服當歸龍膽丸加牛胆南星一錢立應

一人大小便秘數日不通用商陸搗爛敷臍上立通

本草綱目

一人大便秘久用烏柏木方停一寸劈破以水煎取半盞服之立愈

陸養愚治沈望亭年近古稀常患肠痛用行氣藥及當歸龍膽丸即愈後患便秘服潤腸丸便雖通而飲食減胸膈不舒有時溫溫作痛若數日不服又秘結矣或以高年血不

足所致。投以四物湯數劑，並小便亦不通。三日脹急殊甚，蜜導廻膾，百計不解。脉之沈遲而弱。詢其平日，大便有欲解之狀。及解又潤而不燥。曰此非血秘，乃氣虛不能傳送所致也。用補中益氣湯，少以木香白豆蔻佐之。二劑兩便俱通。此後常服一劑，不惟無秘結之患，且飲食倍增，脇痛亦不作矣。

陸祖愚治邱彥昭，稟賦薄弱，常有夢遺症。愛食燥炒飯，大便二三日一度。忽受風寒，仍喫燥飯，且日進四餐。旬日間，飲食如舊，而大便竟不行。後復寒熱頭痛，身熱不止，間日一作，延及二十餘日。左手浮弦，氣口沉實而滑。知其風邪飲

食俱未消散。遂用葛根柴胡山楂厚朴瓜蒌仁黃芩陳皮半夏之類。頭疼止寒熱輕忽發黃。前方去半夏陳皮厚朴加茵陳花粉木香枳實黃連二帖黃退轉而爲斑色純紅前方去茵陳木通加犀角升麻煎送潤字丸二錢五分良久去燥矢七八塊斑消身微涼然胸口尙不可按前方去犀角升麻倍黃連枳實六劑便不行而小腹微滿或謂病已月餘可以議下弗之聽仍用潤字丸二錢五分薑湯服少頃去大便七八塊而胸中如故令以前方日服一劑間二日投潤字丸二錢病至七十餘日服潤字丸計五兩胸膈猶未清然病久肌肉削盡况常有遺症不宜再行消導

矣枳實二錢。山楂三錢。人參六分附子四分。連進三劑。遂大便日行一次。人參漸加。枳實漸減。數劑後。食進病起服參至半斤。始得復元。

丹溪治一婦人脾疼。後患二便不通。此是痰隔中焦。氣聚上焦。二陳加木通先服。後吐。查再煎。燒皂角灰爲末。粥清下。尼體厚病吐逆。忽小便不利。頭汗出立斃。

薛立齋治儒者王錄之。素瘧甚。導吐之後。大便躁結。頭暈眼花等症。尺脉浮大。按之則濡。此腎氣虛而兼血虛也。四物送六味四劑。諸症悉退。仍用前丸月餘而康。

僉憲高如齋。素唾痰。服下痰藥。痰去。甚多大便秘。結小便頻。

數頭暈眼花。尺脉浮大。按之如無。謂腎家不能納氣歸源。
前藥復耗金水。用加減八味料煎服而愈。

陳三農治中州王太學。素多酒食。病下極脹痛。二便不通。坐
臥不能沈吟七日矣。百般逼利不應。此濕熱之邪遏塞二
陰。壅脹隧路。故前後不通。病不在大腸膀胱也。乃用薤菜
子以山甲。茴香。棟實各壹錢五分。入牽牛頭末三錢。水煎
一服即減。三服即愈。乃知牽牛能達右腎命門走精隧。故
東垣天真丹。以牽牛鹽水炒黑。入佐沉香。官桂。杜仲。破故
紙。治下焦陽虛也。

陳良甫曰。一男子病風淫寒疾。或用快藥利之。患肺痿咯膿

卷之二
血至大便不通而死惜哉

易思蘭治一儒官，仲秋未患便秘症，初因小便時秘，服五苓散八正散益元散俱不效。一醫診得二尺俱無脉，作下元陰虛水涸用八味丸治之。日一服，三日大便亦秘，口渴咽乾，煩滿不睡，用脾約丸潤腸丸，小便日數十次，惟點滴而已。大便連閉十日，腹滿難禁，衆議急用三一承氣湯下之，服後微利隨閉，又加小腹遶脅滿痛，復用舟車丸遇仙丹，每空心一服，日利三五次，裏急後重，糞皆赤白，如此半月，日夜呻吟，惟飲清米飲及茶孟許，九月終易診之，兩寸沉伏有力，兩關洪緩無力，兩尺不見，易曰：關尺無恙，病在噶。

上此思慮勞神氣秘病也。以越鞠湯投之。香附醋炒一錢。
蘇梗連翹山梔川芎各六分。蒼朮黃芩各八分。神麃一錢。
桔梗四分。枳殼五分。甘草三分。服一孟。嗳氣連出。再一孟。
大小便若傾。所下皆沉積之物。渾身稠汗。因進薑湯一孟。
就榻熟睡。睡覺覓粥。次早復診。六脈無恙。調理氣血數日。
全愈。易自注曰。人身之病。上下表裏。雖有不同。不過一氣。
爲之流通耳。氣之通塞。均于脉息辨之。今兩尺皆無。衆以。
爲如樹之無根。不知今年已卯燥金司天。君火在泉。己土。
運于中。正是南面以象君位。君火不行。兩尺不相應。今兩。
尺隱然不見。正爲得死年之令。若尺脉盛於寸。則爲尺寸。

反矣經曰尺寸反者死。豈八味丸所能治乎。然而裏急後重。赤白相雜。痛則欲解。有似乎滯下。但滯下之脉見于兩關。今關脈不浮不緊不數。其非滯下明矣。既非滯下。而用承氣舟車遇仙等藥。則元氣大傷。而病愈增矣。其病源在上焦氣秘。而下焦不通也。心脉居上。兩寸之脉當浮。今不浮而沉。下手脉沉便知是氣。氣鬱不行。則升降失職。是以下竅秘結。二便不順。吸門不開。幽門不通。正此謂也。譬如洼水之器。閉其上竅。則下竅不通。水安從出。用香附之辛。以快滯氣。蘇梗通表裏之竅。連翹辛香升上。以散六經之鬱火。蒼朮神麌健脾導氣。散中結于四肢。炙甘草以和中。

少加桔梗。引黃芩枳殼蕩滌大腸之積。山梔去三焦屈曲之火而利小腸。川芎暢達肝木。使上竅一通。則下竅隨開。表氣一順。則裏氣自暢。是以周身汗出。二便俱利。正所謂一通百通也。氣秘者病之本。便閉者病之標。專治其本。故見效速也。

吳孚先治曹庶常小便不通。多服分利之藥。遺尿一夜不止。既而仍復秘塞。點滴不行。此利藥太過。腎氣虧極。急用補中益氣湯。送腎氣丸。遂痊。

孫文垣治袁洪溪。以衝暑往來。經畧政事政。發熱燥渴。因過食冰浸瓜果。遂成泄瀉。小水短少。醫與胃苓湯。加利藥瀉。

止而小水失其常度。膀下脹急。立溺則點滴不出。卧則流溢不竭。以頻取夜壺。致通宵不寐。治半月精神削。寢食廢。診之。兩寸短弱。關緩大。兩尺洪大。此餘暑未清。素善飲濕。熱流于下部也。以益元散三錢。煎香薷湯服之。畧無進退。脉亦如昨。再思之。此蓋尿竅不對也。膀胱者脬之室也。脬中濕熱下墜。立便則竅不對。小水因不得出。卧則脬下墜而滲出膀胱。猶以竅不對。涓涓流溢。不能暢達。故了而不了也。治惟提補上中。二焦元氣。急用三一承氣湯下之。服後微利隨秘。又加小腹繞臍滿痛。復用舟車丸遇仙丹。每空心一服。日利三五次。裏急後重。下皆赤白。如此半月。日

夜呻吟。惟進米飲及茶。孟許。診得。兩寸沈伏有力。兩關洪緩無力。兩尺不見曰關。尺無恙。病在膈上。此思慮勞神。氣秘病也。以越鞠湯投之。服一孟。噯氣連出。再一孟。大小便若傾。所下皆沈積之物。渾身稠汗。因進薑湯一孟。熟睡。睡覺粥進二盞。復診脉平。調理氣血而愈。

立齋診職方陳義齋。年逾六旬。先因大便不通。服內疏等劑後。飲食少思。胸腹作脹。兩脇作痛。形體倦怠。兩尺浮大。左關短濶。右關弦濶。時五月。此乃命門火衰。不能生脾土。而肺金又尅肝木。決其金旺之際。不起。後果然。

萬密齋治汪玉虹。大便不通。服通幽湯潤腸丸。俱不效。診其

脈微氣弱乃內傷症也。氣口脈浮大而軟。此氣不運而血不潤。氣血兩虛故也。宜亟補之。曰其如腹脹何。曰無慮。但服補中益氣湯。倍加當歸。五日而愈。

許學士治一人母年八十四。忽爾腹痛頭疼。惡心不食。召醫數十。議皆用補脾進食治。風清利頭目等藥。數日難愈。全不入食。其家憂惶。許辨說前藥皆誤矣。此症正是老人風秘。臟腑壅滯。聚于胸中。則腹脹惡心。不思飲食。又上至於頭。則頭痛。神不清也。若臟腑流暢。諸疾悉去矣。乃用柴蘇子大麻子各半合。洗淨研細取汁一盞。分二次煮粥。而啜而氣滯通。先下結糞。如胡椒者十餘枚。後漸得通利。不用

藥而愈矣。

文潞公在吐門日，盛夏間苦大腑不調。公隨行醫官李琬，本衢州市戶。公不獨終始涵容之，又教以醫事。公病泄利，琬以言動搖之，又求速效。以赤石脂、龍骨、乾薑等藥饋公。公服之累日不大便，其勢甚苦。初，虞世共城來見公，未坐定，語及此事。公又不喜服大黃藥。虞世告曰：「比燥糞在直腸，藥所不及。請以蜜糰導之。」公以為然。時七月中，苦熱，虞世冒汗爲公作蜜糰。是夕三用，下結糞四五十枚，大如胡桃，色黑如橡栗。公二三日間飲食已如故。良方

攢宮有一老人患風秘，八九日不通。有木匠授以此方，只一

服見效用不蛀皂角當中取一寸許去黑皮以沸湯半盞泡上用蓋蓋定候溫服之先備少粥通後即食

是齋方

繆仲淳治唐震山年七十餘便燥結胸中作悶曰此血液枯

槁之候用大肉蓯蓉三兩

白酒浸洗去鱗甲切片

白湯三碗煎一碗

頓時飲盡大便通胸中快然偶一醫問疾曰此刲藥也當

調補脾胃爲主易以白朮厚朴茯苓陳皮病如故唐翁曰

誤矣仍飲前藥立鮮高存之聞而叩其故繆曰肉蓯蓉峻

補精血驟用反動大便藥性載甚明也

廣筆記

張選卿治大便不通屢驗方硃砂

研如飛麪五錢

真蘆薈

研細七錢

滴好

酒少許和丸每服一錢二分好酒吞下朝服暮通暮服朝

通須天晴時修合爲妙

全上

劉雲密治一老人。因冒雨感寒。未經發汗。至春初內熱煩燥。胸膈緊滿。十日不大便。用清解二劑。入口即吐。其半加熟大黃利之下咽。即吐去殆盡。蓋因痰熱凝結。胸膈是以治血分者。反拒而不受也。因用牽牛大黃丸緩緩服之。而大便通後。乃服清熱化痰藥。十餘劑而漸安。則較瀕湖所說老婦腸結症。又進一解矣。

吳橋治張邦達。謝邑歸年踰艾矣。其貌壯碩如昔。偶以信宿夢遺。早呼旨酒。進人參膏二匕。既而大便稍實。無他恙也。張所善者巴深。以爲誤飲而釀內熱。不急下。且虞有他。既

飲大黃湯不爲動。猶以爲熱。甚至於再三腹脹。膨脹驟
石矣。旬日。尸寢。不食。不言。橋診之。脉隱隱將絕。橋曰。腎司
啟閉。主二溲。脾居中制之。必關脾而後轉運。長者故中。榜
而下濇。誤以悍劑伐之。脉有死徵。不可爲矣。衆曰。否。即中
氣置之。遇下且如建瓴。何不爲動。橋曰。公等信知脾虛。不
任寒涼。不知脾斃。則寒涼無所用矣。諸子跽曰。誠得一劑
藉手。庶母憇於人子之心。曰。進獨參湯當下。其下亦薄。於
治無裨。既得劑。則腸鳴而溲腹脹。虧三之一。張乃張目問
狀。人人以爲更生。諸子問曰。大黃不行。而人參行。何說。橋
曰。否。中權廢矣。即前茅安所受命哉。補中而建招搖。摧堅

者始爲之用。此亦人參用大黃非自用而能下之也。顧病少間而脉不歸。終於不治深且復至。將攘爲已功。大詬諸子曰。爾曹以不治治家大人無人子禮茲更一下而起復何待乎。橋故避深度復爭之無益。適諸子問可否。乃徐應曰等死爾下則死疾不下則死遲公等自裁。橋何敢與。深詬愈急卒復下之不旋踵死矣。太函集

王生病發熱頭痛腹脹甚。醫爲之解散熱退而痛如故。且不得前後溲。又以大黃通之。大便稍行小溲赤澁脹痛特甚。仍以爲熱結。將復下之。橋診曰。病得之勞且內。復食冷爾。內則損腎。勞倦食冷則損脾。腎主大小溲。腎損則不能轉。

故作濕熱而爲脹滿。藉令亟下則將亡陰。脹滿有加矣。危之道也。王俯首叩枕曰誠如公言三者皆如見。遂投人參五苓散一服得前洩再乃大通。痛亦尋減。病者求通後洩急。橋曰公六脈沉微且數必假信宿。脾氣始回。脾得主。濕熱則將自行。毋欲速。明日大洩自下。調理月餘而愈。全